

Жамоатчилик кенгаши раиси:
Абдулла ОРИПОВ

Жамоатчилик кенгаши:
Нажмиддин ЖИЯНОВ
Азamat УМАРОВ
Минҳожидин МИРЗО
Феруза МУҲАММАДЖОНОВА
Аҳмад OTABOEV
Шуҳрат СИРОЖИДДИНОВ
Аҳмад УСМОНОВ

Бош муҳаррир:
Собир ЎНАР

Бош муҳаррир ўринбосари:
Луқмон БЎРИХОН

Масъул котиб:
Акбарали МАМАСОЛИЕВ

Таҳрир ҳайъати:
Муҳаммад АЛИ
Иқбол МИРЗО
Абдусаид КЎЧИМОВ
Сироҷиддин САЙЙИД
Алишер НАЗАР
Ўрозбой АБДУРАҲМОНОВ

Саҳифаловчи: Фиёсiddин ОМОН ўғли
Ушбу сон “Ёшлик” журнали таҳририятининг
компьютер марказида саҳифаланди.

Манзилимиз:
Тошкент. шаҳри,
Ўзбекистон шоҳ кўчаси, 16-“а” уй.
E-mail: yoshlik-xatlar@rambler.ru
Tel/faxc: (8371) 227-0-227,
245-5-793, 245-0-552



© “Ёшлик” №10 (282) 2014 й.

Ўзбекистон Ёзувчилар уюшмаси,
“Камолот” ёшлар ижтимоий ҳаракати муассислигидаги
ёшларнинг адабий-ижтимоий журнали
1982 йилдан чиқа бошлаган.

МУНДАРИЖА

МУҲАРРИР МИНБАРИ

Собир ЎНАР. Маърифатни маёқ қилган эл. 2

МУЛОҚОТ

Ваҳоб РАҲМОНОВ. Тил – руҳимиз таржимони. 4

НАСР

Али НИЁЗ. Тақдир қўнғироги. Қисса. 11
Нарзулло БОТИРОВ. Икки ҳикоя. 48

НАЗМ

Рустам МУСУРМОН. Чўққидек осмонга туташмоқ даркор. 8
Шавкат ОДИЛЖОН. Кўнглимни таржима қилдим сен учун. 33
Бахром РЎЗИМУҲАММАД. Оқшом теваракни яширган эди. 38
Ашурали БОЙМУРОД. Қасида. 46
Азиза ХЎЖАКЕЛДИЕВА. Дунё рангинлашиб борар кун сайин. 55
Адиба АРИПОВА. Она. 62
Зумрад МАШАРИПОВА. Кетмадингиз. 62

ЖАҲОН ҲИКОЯЧИЛИГИ

Элиас КАНЕТТИ. Жинетта. Ҳикоя. 40

АДАБИЁТШУНОСЛИК

Зарнигор РАҲМАТОВА. Ота макон мадҳи. 44
Қозоқбой ЙЎЛДОШ. Нозиклашув жараёни. 35

ТАДҚИҚОТ

Марҳабо АБДУЛЛАЕВА. Ҳаётбахш наво. 56

АКС-САДО

Нусратулло ЖУМАХЎЖА. Олимлик – истеъодод. 58

МУШОҲАДА


Абдували ЭШҚОБИЛ. Ҳикоянгизни ўқиб. 60

ЕЛПУҒУЧ

Турсунбой БОЙМИРОВ. Биламан, яхши биламан. Ҳажвия. 64

Босишига 28. 10. 2014 йилда руҳсат берилди. Қоғоз формати 60x84 1/8. Нашриёт ҳисоб тобоги 8,7. Индекс 822.
ISSN 0207-9137. Журнал 2007 йил 4 майдага Матбуот ва Ахборот агентлиги томонидан № 0253 рақами билан рўйхатга олинган.

Журналдан кўчириб босилганда “Ёшлик”дан олинди” деб изохланиши шарт.
“HIOL-MEDIA” МЧЖ матбаа бўлимида чоп этилди. Буюртма № 97. Адади 3400 дона.
Тошкент шаҳри, Учтепа тумани, Шараф ва Тўқимачи кўчалари кесишимаси.



Мұхаррир миңбари

Мұхаррир миңбари
Мұхаррир миңбари

Собир ҮНАР



МАЪРИФАТНИ МАЁҚ КИЛГАН ЭЛ

Биз истиқомат қиладиган муқаддас замин ўрта асрларда “Мовароуннахр” номи билан машхур бўлган. Бу атама тилимизга таржима қилинганда “Икки дарё оралиғи” деган маънени берар экан. Тарихчиларимиз бизнинг диёр Аму ва Сир ўргасида жойлашгани учун ҳам худди шундай номга эга бўлган дея таърифлашади. Араб тилини чуқур ва теран тушунадиган уламоларимиз эса, ўз навбатида, “икки дарё” сўзлари замирида моддий ва маънавий бойликлар дарё каби оқиб туришига ишора борлигини эътироф этишади. Назаримда, бу талқин ҳақиқатга яқиндай туюлади. Зеро, бизнинг она замин қадим-қадим замонлардан бери ўзининг ҳам моддий, ҳам маънавий бойликлари билан машхурдир. Бу борада кўп ва хўб эшитганмиз, ўқиганмиз. Айниқса, маънавий бойликларимиз, аллома аждодларимиз яратган, дунё илму фанида, адабиёт ва санъатида муносиб ўрин олган асарлар, битиклар, ҳалқимиз турмуш тарзида, онгшуурида шаклланган, юксак инсонийликка йўғрилган қадриятларимиз ҳақида сўз юритилганда фахр-ифтихордан осмон билан бўйлашиб қоламиз. Жорий йилнинг май ойида Самарқанд шаҳрида бўлиб ўтган, “Ўрта аср Шарқ алломалари ва мутафаккирларининг тарихий мероси, унинг замонавий цивилизация ривожидаги роли ва аҳамияти” мавзуидаги ҳалқаро конференция фикримизнинг яққол далилидир. Ушбу нуфузли анжумандаги муҳтарам Президентимиз Ислом Каримовнинг сермазмун нутқи мангуликка дахлдор маънавий бойликларимизга дунё ҳамжамияти эътиборини яна бир карра қаратди. Жўмладан, қуйидаги ҳароратли, фасоҳатли сўзлар ҳеч бир иштирокчини бефарқ қолдирмади:

“...Марказий Осиё минтақаси IX-XII, XIV-XV асрларда бамисли пўртандек отилиб чиқсан икки курдатли илмий-маданий юксалишнинг манбай ҳисобланиб, жаҳоннинг бошқа минтақаларидағи Ренессанс жараёнларига ижобий таъсир кўрсатган Шарқ уйғониш даври – Шарқ Ренессанси сифатида дунё илмий жамоатчилиги томонидан ҳақли равишда тан олинган...”

Дарҳақиқат, шундай. Шу ўринда афсус билан қайд этиш мумкинки, мустабид тузум даврида биз-

нинг маънавиятимиз, маърифатимиз қадр топмади. Аждодлардан мерос илмий, бадиий асарлар атай йўқ қилинди, ҳалқимиз манглайига қолоқлик тамғаси босилди. Кўпгина тарихий, миллий обидаларимиз вайрон этилди ёхуд омборхона, отхоналарга айлантирилди. Ўша пайтлар қаровсиз қолдирилган Ҳаким ат-Термизий, И smoил ал-Бухорий қадамжолари фикримизнинг яққол далилидир. Қаршидаги тарихий Одина масжиидидан қамоқхона сифатида фойдаланишганидан ҳам ҳаммамиз хабардормиз. Албатта, бугунги ёшларга, мустақиллик маънавияти онгшуурини тонгдек тозалаган авлодга ўша даврнинг аянчли воқеалари ғуссали бир эртақдек туюлади. Айтсангиз, ҳатто ишонишмаслиги мумкин. Лекин бу ҳақиқат. Аччик ҳақиқат. Зеро, давлат манфаати ҳар қандай инсон манфаатидан устун кўйилган, ҳалқ орзу-истаклари, ҳуқуқлари, унинг қадриятлари поймол этилган, тарихи, маънавий-маданий мероси оёқ ости қилинган ва бунинг барчаси чиройли шиорлару баландпарвоз ҳайқириқлар ортига яширилган мустабид тузумдан бошқа ҳеч нарса кутиб ҳам бўлмасди. Бу ҳақда муҳтарам Президентимиз ўзининг “Юксак маънавият – енгилмас куч” асарида шундай ёзади:

“Узоққа бормасдан ҳалқимиз ўз бошидан кечирган мустамлака даврини бир кўз олдимизга келтирайлик. Қарийб 150 йил давом этган, тарихимизнинг том маънода қора кунлари бўлмиш ўша замонда бир пайтлар ўзининг қудратли давлатчилиги, буюк фарзандлари, юксак илму маданияти, обод шаҳар ва қишлоқлари билан дунёни ҳайратда қолдирган эл-юртимиз қандай оғир мاشаққатларга дучор бўлганини яхши биламиз. Ҳалқимиз жуда катта ҳам маънавий, ҳам моддий талафот кўрган эди...”

Ҳа, Истиқлолгина бизларни бундай исноддан, бадномлиқдан халос этди. Озодликнинг ёруғ тонгларида биз ҳақ-ҳуқуқимизни, қадр-қимматимизни қайта тикладик. Бугун мустақил Ўзбекистон дунёга танилди! Унинг бой тарихи, шонли бугуни тилларда достон бўлиб турибди. Бугун буткул бошқача манзаралар гувоҳи бўлиб турибмиз. Бир пайтлар ташландиқ, хароба ҳолда ташлаб кўйилган И smoил ал-Бухорий, Ҳаким ат-Термизий каби улуғ инсонлар номи билан боғлиқ

зиёратгоҳлар обод, муҳташам гӯшага айлантирилган. Бу ердан юзлаб, минглаб зиёратчиларнинг, чет эллик сайёхларнинг қадами узилмайди. Албатта, бундай улкан ислоҳотларни, таъмирланган, қайта тикланган тарихий обидаларни, муқадас қадамжоларни, юртимиздан етишиб чиқсан улуғ алломаларнинг ёдгорликларини бугун мамлакатимизнинг ҳар бир шаҳар ва овулида учратишими мумкин. Зеро, ўз улуғларини улуғлаган элгина улуғлика муносиб бўлади. Шу ўринда яна Самарқанд шаҳрида бўлиб ўтган, "Ўрта асрлар Шарқ алломалари ва мутафаккирларининг тарихий мероси, унинг замонавий цивилизация риҷоҳидаги роли ва аҳамияти" мавзусидаги халқаро конференция ёдимизга тушади. Қўйидаги сўзлари қаддимизни, қадр-қимматимизни яна бир поғона юқсалтириди дея бемалол айтишимиз мумкин.

"Бугунги конференциямизнинг мақсади – Ўрта асрларда Шарқ оламида яшаб ижод этган буюк аллома ва мутафаккирларнинг илмий меросини чуқур муҳокама қилиш ва англаш, унинг замонавий цивилизация тарихида тутган ўрни ва ролига баҳо беришдан иборат. Ана шу бебаҳо илмий меросни янада теран тадқиқ этиш ва оммалаштиришга қаратилган саъи-ҳаракатларга янги туртки бериш, Шарқнинг улуғ алломалари томонидан амалга оширилган кашфиётлар замонавий илм-фан ва тараққиёт учун нақадар дол зарб ва зарур эканини очиб беришнинг аҳамияти ҳам шунчалик муҳим деб ҳисоблайман".

Дарҳақиқат шундай. Бизнинг заминимизда униб-үсган, ижод қилган кўплаб фозил ва оқил инсонлар жаҳон илму фанига, дунё тамаддунига улкан улуш кўшганлар. Жумладан, замонавий математика, тригонометрия ва география фанлари тараққиётiga бекиёс ҳисса кўшган Мұхаммад ибн Мусо ал-Хоразмий, "Астрономия асослари" асарининг муаллифи Аҳмад Фарғоний, улуғ қомусий аллома Абу Райҳон Беруний, "Тиб қонунлари" деб аталган бебаҳо асар муаллифи Абу Али ибн Сино, буюк олим ва давлат арбоби Мирзо Улуғбек каби аждодларимиз номларини фахр билан тилга оламиз. Бугунги кунда уларнинг заковати, инсонпарварлиги олдида жаҳон аҳли бош эгиб турибди десак асло муболага бўлмайди. Улар қолдирган илмий-маданий мерос ЮНЕСКОнинг Маданий мерос рўйхатига киритилгани, Буюк Британия, Франция, Германия, Испания, Миср, Эрон каби кўплаб мамлакатлардаги кутубхоналарнинг "олтин фонд"ини ташкил этишлиги фикримизнинг яққол далилидир. Шунингдек, дунёning Россия, Латвия, Франция, Миср сингари қатор мамлакатларида бизнинг улуғ аллома аждодларимизга ёдгорликлар ўрнатилганини ҳам мамнуният билан таъкидлаб ўтиш мумкин. Назаримда, Самарқандда бўлиб ўтган нуфузли анжуман тағин бир ёрқин, фараҳбахш ҳақиқатни дунё ҳамжамиятига яна бир карра эслатгандай бўлди. Жаҳоннинг энг етак-

чи мамлакатлари ҳам кечаси, бугуни ва эртаси билан мақтана олиши мумкин, холос. Лекин улар ичida узоқ ўтмиши, унда яшаб ўтган аждодлари қолдириган илмий, маданий мерос билан гуурлана оладиганлари камдан-кам топилади. Лекин Яратган бизни бундай баҳтдан қисмаган. Биз худди бугунимиз, келажагимиз каби узоқ ўтмишимиз, боболаримиз бунёд этган, асрлар оша яшаб, дунё тамаддунига ҳисса кўшиб келаётган илмий, маънавий асрлар, битиклар или боши мизни баланд тутиб, ифтихорга тўлиб гапира оламиз. Аммо бугун замона зайли жуда тез эврилмоқда. Жаҳон илму фани янгидан-янги илмий кашфиётларни, тафаккур меваларини кутмоқда. Модомики шундай экан, бугун аждодлар яратиб кетган мўъжизалар, улуғвор ишлар билан фахрланиб ўтиришгина кифоя қилмайди. Балки уларнинг буюк фаолиятини давом эттириш, юртимиз номини олам узра янада танитиш ҳар биримизнинг бурчимиздир. Шу сабабдан ҳам бугун Мустақил мамлакатимизда маънавият-маърифат, таълим-тарбия ишларига алоҳида эътибор берилмоқда. Юртимизда кенг кўламли ислоҳотлар, бунёдкорлик ишлари амалга оширилгандан бўён олий ўкув юртлари сони икки баробарга ошли, бугунги кунда 60 та универсиитет ва институтда 230 минг нафардан зиёд талаба таҳсил олмоқда. Шунингдек, кўпгина ёшларимиз энг илғор, тараққиёт топган хорижий давлатларнинг илм масканларида сабоқ олишиб, тажриба ортириб, етук мутахассислар бўлиб етишишга интилишмоқда. Қолаверса, бугун Узбекистонда Европа ва Осиёнинг бир қатор етакчи олий ўкув юртларининг филиаллари, жумладан, Вестминстер университети, Сингапур менежментни ривожлантириш институти, Турин политехника университети, Россия нефть ва газ университети, Москва давлат университети, Россия иқтисодиёт университети филиаллари фаолият юритиб турибди. Жорий йилнинг сентябр ойидан бошлаб эса Жанубий Кореянинг Инха университети филиали ҳам улар сафига қўшилиши кўзда тутилган. Бу олий ўкув юртида талабалар аҳборот-коммуникация технологиялари, компьютер муҳандислиги соҳаларида таҳсил олишади. Шу ўринда алоҳида таъкидлаш жоизки, ҳар қандай мамлакатда, ҳарқандай давлатда илму фаннинг ривожланиши ва таълим-тарбия ишларини юксак даражада ташкил этилиши учун энг аввало тинчлик, хотиржамлик, эртанги кунга ишонч зарур. Не баҳтки, биз бугунги кунда осойишта ҳаётимиз, фарование турмушимиз, келажакка бўлган ишонч умидимиз билан ҳақли равишда гуурлана оламиз. Фарзандларимиз қисмати Давлатимиз раҳбарининг ушбу улкан анжуманнинг очилиши маросимида айтган осуда юрт, шундай улуғ ҳалқ билан боғлиқлиги юракларимизга битмас-туганмас ифтихор, шодлик бағишлайди. Барчамизни бунёдкорлик ишларига камарбаста бўлишга унрайди.



ТИЛ ~ РУҲИМИЗ ТАРЖИМОНИ

Адабиётшунос олим Ваҳоб Раҳмонов билан мулоқот

— Ҳар бир миллатнинг мавжудлигини, яшаётганини намоён этадиган омиллар бўлади. Тил ана шундай мавжудлик ҳодисасидир. Тил шунчаки сўзлашиш воситаси эмас. Тил миллат маънавияти ва маданиятининг тошойнаси-дир. Модомики, миллатнинг ўз тили бор экан, демак, унинг дунёга айтар сўзи ҳам бордир.

Шу тириклик дунёсининг бир қисми ўлароқ асрлар оша жаҳонга ўз сўзимизни айтиб келдик. У узоқ асрлар наридан гоҳ Ўрхун-Энасой битиклари, гоҳ “Девону лугатит турк”, гоҳ “Құтадғу билиг” бўлиб жаранглаб турибди. Чунки бу тилни ўйл-йўлакай не-не улуғ зотлар тенгсиз закоси ва фидойилиги билан асраб келдилар, сайқалладилар. Зоро, Ватаннинг чегаралари қай даражада ҳимояга муҳтож бўлса, унинг маънавий бойликлари ҳам шу қадар ҳимояга муҳтождир. Шу маънода, миллий тили-

миз қаршисида ҳар доим масъулияти бўлиш мажбуриятидамиз.

Миллий тилимиз жозибаси, имкониятлари ва муаммолари ҳақида гапириш учун 21-октябрни кутиш шарт эмас. Модомики, у бизнинг тийнатимиз кўзгуси, руҳимиз таржимони, тарбиямиз ҳосиласи экан, унда унга ҳаёт-мамомат масаласи сифатида қарашга ўрганишимиз лозим. Улуғларимиз бу ҳақиқатни ҳеч қачон унумаганлар.

Ваҳоб ака, ушбу сўнгги гапимизга тарихдан бир-икки мисоллар келтирсангиз...

— Ҳар бир миллатнинг улуғ вакиллари ўз тили ва адабиётини шу халқ ё миллатнинг, аввало ғурури, шу билан бирга муюмала воситаси деб ҳисоблайдилар ва уларнинг тараққиёти учун курашадилар. Шундай миллат фидойиларидан бири XI асрда яшаб ўтган Хожа Аҳмад Яссавий бўлиб, у туркий тил мавқенини баланд кўтарган эди. У худди Алишер Навоий каби туркий оиладан чиқкан олимларнинг ўз она тилини менсимаганлигини ёқламади. Алишер Навоий “Туркистон мулкининг шайхул-машойхи” деб търифлаган бу зот ҳатто Қуръони карим ва ҳадиси шарифларнинг ҳам она тили – туркийда янграшини истаган эди:

Хушламайдур олимлар бизни айтган туркини,
Орифлардан эшишсанг, очар кўнгил мулкини.
Оят, ҳадис маъноси туркий бўлса мувофиқ,
Маънисига етганлар ерга қўяр бўркини.

Биласизми, давр тили ва адабиёти тараққиёти давлат тепасига қайси халқ вакили келиши билан узвий боғлиқ бўлган. Мисол учун, Ўрта Осиёда хукмронлик қилган Қорахонийлар даврида Аҳмад Яссавийнинг туркий тилдаги ижоди гуллаб-яшнагани маълум. Шунингдек, соҳибқирон Амир Темур ва темурийзодалар хукмронлик қилган йилларда адабиёт, шу жумладан, тил масаласи кун тартибига чиқди. Алишер Навоий кўнгил түғёни маҳсали бўлган “Муҳокамат ул-луғатайн”да маҳсус қайд этади:

Ваҳоб РАҲМОНОВ



Таниқли матншунос, мунаққид, таржимон. У 1940 йилда таъваллуд топган. Ҳўжанд педагогика институтининг тарих-филология факультетини тамомлаган. Филология фанлари номзоди. Ўнлаб илмий-маърифий асарлар, кўплаб мақолалар муаллифи.

“Хўкмронлик тизгини араб ва форс султонларидан турк хонларига ўтганидан сўнг, Ҳалокухон замонидан султон соҳибқирон Амир Темур Кўрагон замонига қадар туркий тилда ижод қилган мақтовга арзигулик шоирлар пайдо бўлмади. Аммо Соҳибқирон Амир Темурнинг издош фарзанди Шоҳруҳ Султон замонининг охиригача турк тилида ижод қилган шоирлар зухур этдилар. Ҳазратнинг авлод ва набиралидан ҳам хуштабъ султонлар етишиб чиқиши. Шоирлардан Саккокий, Ҳайдар Хоразмий, Атоий, Муқимий, Яқиний, Амирий ва Гадоийлар яшаб ижод этдилар. Бироқ уларнинг сафида номдор форсий шоирларга бадиий маҳорат ва қудратда юзма-юз бўла оладиган киши пайдо бўлмади. Биргина мавлоно Лутфийни айтишимиз мумкинки, истеъдод эгалари қошида ўқишга арзидиган бир неча матлаълари – бошбайтлари бор. Шу жумладан, бири будирки:

Байт:

Улки ҳусн этти баҳона элни шайдо қилгали,
Кўзгудек қилди сени ўзини пайдо қилгали”.

Ҳазрат Навоийнинг бу гапларини мушоҳада қиладиган бўлсак, унинг назарида XIV-XV асрларгача йирик форсигўйларга тенг кела оладиган туркигўй ижодкорлар бўлмаган ёки буюк ижод намуналари сақланиб қолмаган.

Ҳа, Алишер Навоий ўз она тили ва адабиётининг ҳаётйлигини мустаҳкамлаш ва унинг ривожи учун қайғуриб, астойдил мунтазам курашган буюк тилшунос олим ҳам эди. Ўз халқи адабиётини равнақ топтириш ва тил бойлигини ривожлантириш ҳар доим Алишер Навоий фаолиятининг дикқат-марказида турган долзарб муаммоларидан бири бўлиб келган. Шу боис ўз халқи олдида турган бу муаммони ҳал қилиш мақсадида «Муҳокамат ул-луғатайн» асарини ўз даврининг ижтимоий-сиёсий ва маданий талабларидан келиб чиқиб ёзишга қарор қилган.

– **Домла, узр, гапингизни бўламан. “XIV-XV асрларгача йирик форсигўйларга тенг кела оладиган туркигўй ижодкорлар бўлмаган ёки буюк ижод намуналари сақланиб қолмаган”** деган сўзларни эшишиш кишига жуда алам қиларкан. Чунки Ҳазратнинг ўзлари “Мажолис ун-нафоис” тазкирасида ўнлаб туркигўй шоирларнинг номини келтирадилар. Таъби нозик темурий шаҳзодаларни қўйинг, ўз даврининг фозиллари саналмиш Мавлоно Лутфий, Гадоий, Атоий, Яқиний, Ҳайдар Хоразмий, Мавлоно Саккокий, Муҳаммад Али Фарибий, Муҳаммад Солиҳ, Мавлоно Латифий, Мавлоно Ҳожи Абул Ҳасан сингари ўттиздан ортиқ шоир ва адабиётининг номи зикр қилинган. Нима, улар туркий тилни билмаганми? Ёки туркийда ёзган шоирларга қандайдир монеликлар бўлганми?

– Навоий баёнотидаги оғриқли нуқта шундаки, замоннинг навқирон шоирлари, ўзлари ўзбек оила-

сидан бўлсалар-да, замон анъанаси ва ўзларини элга танитишдай шуҳратпарастлик туфайли, асосан, форсий тилда ижод қилганлар. Албатта, форс адабиёти хўкмронлиги анъанаси таъсиридан ёш Навоийнинг ўзи ҳам четда қолмаган. Даҳонинг “Муҳокамат ул-луғатайн”даги ўз эътирофича илк шеърий машқлари форсий тилда бўлган. Фақат камолот босқичига юксалгани сари ўз асарида қайд этган қоидага амал қилган: ўзбек оиласи фарзанди бўлгани учун она тилида кўпроқ, форсий тилда озроқ асарлар яратган.

Сиз ҳозир тазкирада саноққа кирган шоирларни санаб ўтдингиз. Биласизми, уларнинг озинаси соҳибдевон бўлганлар. Шунинг учун ҳам Алишер Навоидек туркий тил ва адабиёт байроқдори назарида туркийгўйлар жуда оз бўлиб кўринган.

Бу хусусда шоир ўз армон ва истакларини шундай изхор этади: “Эндики, туркий тилнинг чексиз имкониятлари шунчалик далиллар билан исбот қилинди, керак эдиким, бу халқ орасидан чиқсан истеъдод ахли салоҳият ва қобилиятларини ўз тиллари турганда ўзга тил билан зоҳир қилмасалар ва ишга солмасалар эди. Агар иккала тилда ижод этиш қобилиятлари бўлса, ўз тилларида кўпроқ ёзсалар эди ва иккинчи тилда озроқ айтсалар эди. Агар мубалаға қилгудек бўлсалар, иккала тилда баравар ёзсалар эди”... (“Муҳокамат ул-луғатайн”).

Ҳақиқатдан ҳам Султон Ҳусайн Мирзо замонига келиб манзара бир мунча ўзгарди. Хурсон адабиёт ва санъат жаннатига айланди. Ҳусайн Бойқаро Хурсоннинг шоир, адиб ва олимлар мамлакатига айлангани билан фахрланади. У ўз замонидаги адабиётнинг умумий ахволи, ҳатто шоирларнинг саноғигача синчковлик билан қизиқиб маҳсус “Рисола” ҳам ёзган эди. Султон Ҳусайн – Ҳусайний ўз рисоласида Хурсон мамлакатида мингга яқин кишилар қалам тебратеётгандарини ғурур билан қайд этади ва бу ҳодисани ўз замонининг баҳт-саодати деб атайди. Шу баробаринда, “Рисола”да мавзуумизга алоқадор яна бир гап бор. Яъни Султон Ҳусайн Мирзо рисоласида буюк туркийгўйлар йўқлигидан ўқинади: «...Лекин маъноларнинг бокира танасига (ишлатилмаган нозик маъноларга) ҳеч киши туркона либос кийдирмаганди (туркий тилда ёзмаганди) ва ўша нозанинларни бу зебо кийим билан жамолини намоён қилишгача олиб келмаганди ва бу мушк ҳидли раънолар яланғочликда панада қолганлар ва бу хурдек зеболар кийимсизликдан юзларини намоийиш қила олмаганлар».

Бу шоҳона афсуслар бирдан Алишер Навоий зикрини бошлаш билан фахру ифтихорга ўз ўрнини бўшатиб беради: «... Мир Алишер «аслаҳатлоҳу шонаху»ким, «Навоий» тахаллуси билан (эл орасида) машҳур бўлган ва шеърларида бу тахаллусни қўллайди. У турк тилининг ўлган жасадига Масиҳ нафаси билан жон киргизди, бу руҳни топганлар туркий сўз ўриш-арқоғидан тўқилган кийим ва енгил кўйлак кийдилар. Сўз гулистонида шоирлик нав-



баҳоридан жонга роҳат бағишлиовчи ёғинлар билан ранг-баранг гуллар очди ва шеърият дарёсига фикрлар булутидан парваришловчи томчилар билан турли дурлар соҷди».

Хўп, саволингизнинг яна бир муҳим жавоби: Алишер Навоий даврида ўзбек шоирларининг кўпроқ бошқа тилда ижод қилишларига асосий сабаб шу бўлганки, улар ўзбек тилининг ифода имкониятларидан бехабарликлари туфайли бой адабий анъаналари давом этиб келаётган ва нисбатан осон бўлган форс тилида ижод қилишган. Бу ҳол форсларнинг ўзбек тили ижод учун ноқис тил деган фикрга келишларига сабаб бўлган. Аслида эса бунга асосий сабаб ўзбек тили қонуниятларининг тўла ишлаб чиқилмаганини, ўзбек тилининг форс тилига хос бўлмаган, лекин ижод учун муҳим бўлган ўзига хос хусусиятлари очиб берилган назарий асослари яратилмаганинидадир.

– Тушундим. Демак, Наевийнинг “Муҳокамат ул-луғатайн” асари ҳаётий зарурат туфайли дунёга келган. Хусусан, унинг яратилишига маълум маънода замон подшоҳи Султон Ҳусайн мирзонинг, асосан, Алишер Навоийга бағишиланган “Рисола”си ҳам маълум маънода туртки берган кўринади.

Домла, энди ўз-ўзидан савол түғилади: “Муҳокамат ул-луғатайн” асари ўз даври ижодкорлари учун муҳим қўлланма сифатида ўзбек тилининг ўзига хос хусусиятларини қай дараҷада очиб берган? Ўзбек тили ва адабиётининг сусайган бадии мавқеини кўтаришда она тилимизнинг қайси жиҳатларига аҳамият берган?

– Алишер Навоий бу асарида асосан ўзбек тилининг форс тилига хос бўлмаган, лекин ижодкор учун муҳим бўлган хусусиятларни очиб берган. Шулардан бири ўзбек тилида форс тилига нисбатан умумий тушунчаларни англатувчи сўзлардан ташқари, жузъий тушунчаларни билдирувчи сўзларнинг кўплиги ва уларнинг айримлари форс тилига ҳам ўтган, иккинчиси шаклдош сўзларнинг кўплиги, бундай сўзлар тажнис ва ийҳом санъатлари учун зарур, учинчиси ўзбек тилида форс тилида бўлмаган, лекин нутқ учун зарур бўлган грамматик шакл ва унсурларнинг мавжудлиги, мисол учун ўзбек тилида келишик категорияси бор, форс тилида эса йўқ. Тўртинчиси, ўзбек тилининг фонетик хусусияти қофия учун форс тилиникуига нисбатан қулайроқлигидир. Асарда шоир ўзбек тилининг ижод учун муҳим бўлган қирралари ҳақида мукаммал баён қиласди.

Бу асарнинг ёзилишида расмий равишда амалга оширилган қатор сиёсий испоҳотлар ҳам маълум аҳамият касб этган. Яъни, Алишер Навоий суюнган тоғ – Ҳусайн Бойқародай маърифатпарвар ҳукмдор бўлса-да, туркий тил ва адабиёт тараққиёти учун курашиш ва яна курашиш лозим эди. Навоий амалда ўз она тилининг мислсиз бойлиги ва адабиётининг

кудратли эканлигини ўз бадиий ва илмий ижоди билан дўндириб қўйган бўлса-да, “Олдингдан оқсан сувнинг қадри йўқ» деганларидек, нафақат форсийгўйлар, баъзи туркийгўйлар ҳам Алишер Навоий дахосини у тириклигида аниқ тасаввур эта олгандар, деб бўлмайди. Шунинг учун Навоий ўз тилида сўзлашувчи қалам ахлига, зиёлиларга “Муҳокамат ул-луғатайн” номли баённома билан юзланди. Уларга ўзбек тилининг мислсиз бойлиги, бадиий сўз яратиш учун қулай имкониятлари чексизлигини жонбозлик билан кашф қилиб беришни ўз олдига улуғ мақсад қилиб қўйди ва бу буюк ҳиммати унинг узил-кесил муваффақиятини таъминлади.

Ўзбек тили олами нечоғлик ҳайратларга арзирли эканлигини Алишер Навоий ижодкорга шундай манзур этади: “Шуур ёшига қадам қўйилганда Ҳақ субҳона ва таоло таъбимга ғаройиботлар сари майлни зотий, диққат ва заҳматкашликка жасоратни туғма қилгани учун мушоҳада ва мулоҳаза мени туркий тилга йўллади: шундай зеб-зийнатли бир олам кўз олдимда намоён бўлдики, ўн саккиз минг оламдан ортиқ ва табъимга шундай фазлу юксаклик осмон табақаси очилдики, тўққиз фалақдан ортиқ ҳамда бир хазина учрадики, дурлари юлдуз гавҳарларидан ҳам ёруроқ, бир гулшан йўлиқди: гуллари осмон сайёраларидан порлокроқ, маскани атроф-тевараги эл оёғи етмақдан фориғ ва ғаройиб нарсалари бегона кўллар даҳлидан омонда. Аммо хазинасининг илони қонхўр ва гулшанининг тиканлари сон-саноқсиз. Ҳаёлга келдики, бу илонлар ниши наштаридан қўрқиб истеъододли оқиллар бу хазинадан баҳра топмай ўтипитилар ва кўнглимдан шундай кечадики, гўё бу тиканлар ниналари зараридан назм аҳли гулдастачилари базм тузишга етарли гул тераолмай четлаб кетиб қолибдилар”.

Саволингизнинг иккинчи қисмига келсак, “Муҳокамат ул-луғатайн” асарини чукур тадқиқ қилган академик Алибек Рустамовнинг қайд қилишича, Алишер Навоийнинг ўзбек ҳалқига тил жиҳатидан кўрсатган бебаҳо хизматларидан бири шу бўлганки, у ўзбек тилини ўзига қадар ўзбек адабий тилида ишлатилмаган туркий лаҳжалардаги сўзлардан унумли фойдаланиб, уларнинг адабий тилда сақланиб қолишига эришган ва бу билан адабий тилни янги сўзлар билан янада бойитган. Иккинчи хизмати шуки, у мавжуд сўзлар ва қўшимчалар асосида ўзича янги сўзлар яратган ва бадиий талабларга жавоб берадиган лугавий бирликларни ҳосил қилишнинг нозик ва ажойиб усувларини кашф қиласди. Учинчиси туркий лаҳжалар ва фольклордан унумли истифода қилиб адабий тилда ўзигача ишлатилган сўзларни янги маънолар билан бойитган.

Алишер Навоийнинг тўртинчи буюк хизмати шундан иборат бўлганки, у тил луғат фонди ва шева сўзлари ҳисобига адабий тилнинг сўз шакллари, синтактик гап тузилишларини кўпайтириб уларнинг маъно ва қўлланилиш доираларини кенгайтириди. Мана шу хизматлари туфайли ўзбек адабий тили-

нинг истифода имкониятлари кенгайган, эстетик қиммати юксак даражага етган, қолаверса, илмий-бадиий қудрати ҳам ошган.

– Алишер Навоий Соҳибқирон Амир Темур салтанатининг тикланиши билан ўзбек тилига давлат ва адабиёт тили сифатида кенг имкониятлар эшиги очилгани, аммо тузуккина туркий шоирлар бўлмагани, фақат Шоҳруҳ Мирзо замонига келиб Саккокий, Ҳайдар Хоразмий, Атоий, Муқумий, Амирий, Яқиний ва Гадойидек бир гурӯҳ яхши туркийгўй шоирлар этишиб чиққанини қайд этади.

Амир Темурнинг ўз фармонларини она тилида ёздиргани Муҳаммад Ҳайдар мирандинг “Тарихи Рашидий” номли форс тилида Кашмирда ёзган (1541–1546) тарихий асарида аниқ кўрсатилган. Давлат ҳужжатларини уйғур баҳшилари ёзишгани инобатга олинса, бу асардаги ушбу буйруқ парчасиёқ Соҳибқирон фармонининг она тилида ёзилганига шакшубҳа қолдирмайди. Чунки форсий тилда битилган китобга, агар Амир Темур фармони ҳужжати ҳурмати бўлмагандан Соҳибқирон буйруғи туғросида “Суюргатмиш ёрлигидин Темур Кўрагон сўзум” сингари ўзбек тилидаги сўзлар киритилмас эди. Аммо Ҳусайн Бойқаро даврида тил масаласи давлат сиёсати дарасига етган экан-да.

– Худди шундай. Султон Ҳусайн мирзо Шоҳруҳ Мирзо давлатидаги ўзбек тили ва адабиёти тарақиётини энди ўз даврида янада янги, юксак босқичга кўтаришга ҳаракат қилди. Алишер Навоий саъй-ҳаракати, ўз она тили бўлган ўзбек тилига ҳурмат ва эътиқоди туфайли ўзи ҳам туркий тилда ижод этиб, соҳибевон шоир сифатида ном қозонди ва ўзбек тили ва адабиётiga давлат аҳамиятига молик иш сифатида қараб, махсус буйруқлар чиқариб, ўзбек оиласидан чиқкан истеъдодларни она тилида ижод қилишга чорлади.

У ёки бу тилининг сўз бойлиги, тил қонуниятларининг мукаммаллиги ва қудратли адабиёт яратиш имкони муайян тил бойлиги, сўзларнинг яқин маъноли ёки маънодош сўзларга бойлиги ҳамда бир сўзнинг бир неча маънода келиши билан ҳам изоҳланади. Навоий “Иғламоқ” тушунчasi форсийда “Гиристан” бўлса, ўзбек тилида унинг яқин маънодошлидан йиғламсимвоқ, инграммоқ, синграмоқ, сиқтамоқ, ўкурмак, инчирмак сингари шакллари борлиги ва уларнинг ҳар бири янги-янги маъно ва таъсиричанлик ифодаси билан тафовутли эканлигини уқтиради, бу ҳисобда форсий ва туркий тилдаги сўз нисбати еттига бир бўлган.

“Муҳокамат ул-луғатайн” муаллифи назариётчи ва амалиётчи тилшунос сифатида ўзбек тили луғат бойлиги, фонетик ва морфологик ҳодисалар туфайли тушунча ифода ва маъно имкониятлари чекчегарасизлигини бирма-бир далиллар экан, туркий

тилининг мислсиз бой ва таъсиричан, бадиий қудрати ортиқ эканлигини ўз ижоди таҳлилида намойиш этиб улгурган. Навоий ижодининг биринчи буюк тадқиқотчиси Султон Ҳусайн мирзо бўлиб, унга “Рисола” бағишилаган бўлса, ижодининг умумлашма баҳосини Навоийнинг ўзи ушбу асарида иккинчи бўлиб бергандир. Савол туғилади: нега Навоийнинг ўзи “Муҳокамат ул-луғатайн”да ўз ижодининг ўзбек адабиётидаги ўринини бунчалик жонкуярлик билан таҳлилий аниқлаштириша уринди?

Худди Абулғози Баҳодирхон “Шажараи турк” асарида ота-боболари ва ўз тарихини ўзи ёзганидек, Навоий ҳам унинг ижодига Султон Ҳусайн мирзо “Рисола” сидан кейин махсус тадқиқий ёндашувчи асар ўзбек тилида ёзилмаслигини худди билгандек, бу ишни қилди. Тўғри, Алишер Навоий ҳаёти, фолияти, шахси, сиймоси, ижодига доир тавсифий-таҳлилий талқинлар Ғиёсиддин Муҳаммад Ҳондамирнинг “Макорим ул-ахлоқ” асарида махсус, Абдураҳмон Жомийнинг ўндан ортиқ асарларида, Зайниддин Маҳмуд Восифийнинг “Бадоеъ ул-вақоєъ” эсадаликларида, Муҳаммад Ҳайдар Мирзонинг “Тарихи Рашидий”, Заҳириддин Муҳаммад Бобурнинг “Вақоєъ” (“Бобурнома”) сингари мемуар ва талай тарихий асарлар, достонларида ҳам мавжуд. Бироқ “Бобурнома”дан бошқалари, ҳаммаси форсий тилдаги асарлар эканлигини инобатга олсан, Навоийнинг ўз ижодига таҳлилий-назарий даҳли жуда тўғри бўлган. Негаки даҳо Навоий ижодининг шу даражадаги таҳлилий маърифати, ким билади, XV аср зиёлилари, хусусан ўзбек адаб ва шоирлари учун маълуммиди ё йўқми...

Бундан-да муҳими: ўзбек тилининг жаҳоншумул асарлар яратишга қодир буюк сўз хазинаси эканлигини Навоийдан бошқа қайси сўз санъаткори ижодида исботлаш имкони бор эди?

Шунга кўра Навоий ўз ижоди она тили ва адабиётининг олий намунаси эканлигини яхши биларди. Шунинг учун ҳам асар муаллифи ўз олий мақсади – ўзбек адаб ва шоирларини она тилида ёзиша рағбатлантириш ва чорлаш учун ўз-ўзини, ўз ижодини таҳлилий кашф этишга бурчли ҳам эди.

– Раҳмат, домла. Биз тил ҳақидаги мулоқотимизга асосан Ҳазрат Навоийнинг “Муҳокамат ул-луғатайн” асарини асос қилиб олишишимиздан мақсад шу эдики, Ҳазрат она тилимизнинг барча ютуқларини назарий жиҳатдан мухтасар таҳлилу талқин этиб, ноҳақ ҳасадгўйлар даъеволарини чилпарчин қилиб, бу масалага узил-кесил нуқта қўйди. Бу улкан муаммони у қуруқ даъево билан эмас, балки чуқур асосли далиллар, ёруғ фикрлар, теран илмий мулоҳазалар билан ҳал қилиб берди. Буюк даҳонинг бу жонбозлиги асрлар оша бизга ибрат бўлиб келмоқда.

Суҳбатдош: Алишер НАЗАР



Рустам МУСУРМОН

Нази Нази
Нази Нази Нази



Чўккидек осмонга тумашлиқ даражор

МУАЛЛИМ

Сиз ёзган рақамдан очилган дунё,
Сиз ўқитган ҳарфдан тараалган зиё.
Илму фанда буюк қашифийт бўлган
Сиз дафтарга қўйган илк аъло баҳо.
Муаллим!

Ўқувчининг қалби – оқ дафтар, тиниқ,
Нимани ёзсангиз, бир умр ўчмас.
Қояга ўйилган суратдек аниқ,
Шамол, қор ва ёмғир, бўронда кўчмас.
Муаллим!

Сизга илму сеҳр этилган ато –
Мехрингиз ҳеч қачон бўлмайди адo.



Сиз тонггача бедор текширган дафтар –
Имлода, ҳисобда тузалган хато.
Муаллим!

Сиз ўргатган куйдан янграгай наво,
Сиз бўятган рангдан кўрингай ҳаво.
Олим одам бўлгай тарбиянгиздан,
Оламнинг дардига топилгай даво.
Муаллим!

Чигал муаммолар тугдирап ҳаёт,
Таълим-тарбияда ягона најсом.
Қалам, қоғоз, китоб – иш қуролингиз,
Нурли келажакни қиласиз ижод.
Муаллим!

АЁЛ

Вуҷудинг қуёйдан яралган нурсан,
Аришдан учиб тушган пари пайкарсан.
Муқаддас тупроқда тугилган ҳурсан,
Жайҳун жисолаган дурсан, гавҳарсан.

Меҳрибон қуёйдек муқаддас отинг,
Эзгу сўз, эзгу иш ва эзгу хаёл.
Тугишган уругинг, қариндоши зотинг
Зардушт бешигини тебратган аёл.

Отаисан, тандирга бугдой нон ёниб,
Ўчоқда оловни асрраган зотсан.
Амазонкадирсан, асов от чопиб,
Ёй тортган довюрак ҳурсан, озодсан.

Юрагимда севги – бегубор туйгу,
Ойдек бокирасан, юлдуздек сулув.
Ҳаёл денгизида пўртана, гулу,
Соҳилда юзасан мисоли оқ қув.


Амуга туташган эди ўзаним,
Саҳродаги қумлар тўсди кўзимни.
Севгинг кўзларимни очди, гўзалим,
Аму, оёғингга урай ўзимни.

Рустам МУСУРМОН



1963 йилда Китоб туманида туғилган. ЎзМунинг ўзбек филологияси факультетидага таҳсил олган. “Руҳимнинг товуши”, “Хиргойи” номли китоблари чоп этилган. “Чигир” (Александр Файнберг), “Ўқуздарё битиклари” (Бахтиёр Генжамурод) шеърий тўпламларини рус ва қорақалпоқ тилларидан таржима қилган. “Рух насибаси” дostonи муаллифи.

1999 йилда “Шуҳрат” медали билан мукофотланган.



ҚИРМИЗИ ЛОЛА

Корли чўққиларнинг сулув қизисан,
Виқорли тогларнинг гулисан сулув.
Юксак қояларнинг тонг юлдузисан,
Балки беҳудадир сенга интилув –
Кирмизи лола!

Сенга қўл чўзганлар жарга қулаган,
Довоңлар, даралар қўриқлар сени.
Тинчингни бузганлар горга қулаган,
Бургутли қоялар қўриқлар сени –
Кирмизи лола!

Сенга етмоқ учун тог ошмоқ даркор,
Юксакка, юксакка чорлайверасан.
Чўққидек осмонга туташмоқ даркор,
Зуҳро юлдузидек порлайверасан –
Кирмизи лола!

СЕНИНГ ТАЪРИФИНГ

Сен атиргул, сен нилуфаргул,
Сен пуштигул, сен қизил, оқ гул.
Сен хшибўй гул, сен хушифор гул,
Сен чиннигул, сен қўнгироқгул...
Барча гулдан аълосан ўзинг,
Чиройлисан, танҳосан ўзинг.


Сен қизгалдоқ, сен лола, нарғиз,
Сен бинафша, сен бойчечаксан.
Сен райҳонсан, сен нозбўй, ялтиз,
Сен гулхайри, сен мойчечаксан...
Барча гулдан аълосан ўзинг,
Чиройлисан, танҳосан ўзинг.

НИЛУФАР

Ерга эмас, сувга отгансан илдиз,
Нилуфар, сут каби оппоқсан, оқсан.
Кўкдан тушиб, сувда порлаган юлдуз,
Кўзим қамашади ҳуснингга боқсан,

Нилуфар – оқ билак, оқ бадан, оқ тўши,
Гўё тиник сувда чўмилётган қиз.
Күшдек учуб кетар хаёл, ақл-ҳуши,
Руҳим кўпиради мисоли денгиз.

Юрагим шиқингда эриди, сулув,
Туйгуларим – дарё, кўз ёшларим – кўл.
Нилуфарга зарур, ахир, тиник сув,
Мен тоза сув бўлдим, сен нилуфар бўл.



Нилуфар япроги сувга сочила,
Сув тубида турар пояси қалқиб.
Бироқ у осмонга қараб очилар,
Табассум қиласи осмонга балқиб.

Сен ҳам нилуфардек, майли, кўкка боқ,
Хусну жамолингдан ёғилади нур.
Менга ҳеч қайрилиб қарама, бироқ
Доим очилиб тур, гулим, кулиб тур.

ТУШ

Бир оқиомда кўрдим сирли, ширин туши,
Шамол каби учди бебои ақл-ҳуши.
Амударё бўлдим, Сирдарё бўлдим,
Соҳилимга қўнди бир сулув оққуш,
Бир оқиомда кўрдим сирли, ширин туши.

Ошиқ девонага олам кенг бўлсин,
Хаёл билан ҳаёт ростдан тенг бўлсин.
Ёрим оққуш бўлсин, мен дарё бўлай,
Илоҳо шу тушиш тушишас, ўнг бўлсин,
Ошиқ девонага олам кенг бўлсин.

Бу туши эди, ахир, эмас эди ҳуши,
Ҳушиш – хаёлимга келмаган бир туши.
Шу оққушни тушида кўрмасам агар,
Ҳушиш ноҳуши эди – ҳушиш эди ҳуши,
Бу туши эди, ахир, эмас эди ҳуши.


ГУЛ

Кўлда гул кўтариб юрмоқ қийиндири,
Эзилмасин дейсан, сўлмасин дейсан.
Йўлда гул кўтариб юрмоқ қийиндири,
Гулбарги шикаста бўлмасин дейсан.

Саватни кўтармоқ мумкиндири бошда,
Юкни қопга солиб орқалаши мумкин.
Гўзал гулдастани кўтариши бошқа,
Гулни гулдек элтиши қийиндири лекин.

Эркак гул кўтариб юриши қийин,
Гулни кўрсанг севги келар хаёлга.
Эркак дил изҳори учун атайнин
Гул совга қиласи гўзал аёлга.

Гулни тутмоқ зарур қўлда авайлаб,
Олиб юриб бўлмас қучоқча босиб.
Эҳтиётлаши керак гулни атайлаб,
Кўтариб бўлмайди елкага осиб.



Гулдан ҳам нозиксан, гулдан ҳам хушибүй,
Сезгимни тортасан – оҳанрабосан.
Гулдан ҳам сулувсан, гулдан ҳам хуширўй,
Севгимни тортасан – оҳ, дилрабосан.

Аёлни авайлаши гулдан ҳам мушқул,
Гулни эҳтиётлаши мумкин қўл билан.
Аёлни асрарига шарт фақат кўнги
Аёлни эъзозлаши зарур дил билан.

ЧОРЛОВ

Чақираман бор овоз билан:
“Нилуфар-ув, ҳой, Нилуфар-ув!”
Чиқа қолгин, гулим, ноз билан,
Ҳамма ёқ тинч қуйган каби сув.

Айрилиқдан эзилган юрак
Сени қўмсаб чалаётир най.
Дийдорингни кўришим керак,
Кела қолгин, жоним, айланай!

Чақираман бўтадек бўзлаб:
“Нилуфар-ув, ҳой, Нилуфар-ув...”
Кулогимга ёқимли сўзлаб,
Юрагимнинг армонларин юв.

Елкамдаги фаришта чорлар:
“Нилуфар-ув, ҳой, Нилуфар-ув!”
Хилватга кел, юлдузлар порлар,
Нур сочар ой сен каби сулув.

Севги – гулхан, ишқ – нурли чечак,
Ишқ оловин ўчиролмас сув.
Сени жуда согинди юрак:
“Нилуфар-ув, ҳой, Нилуфар-ув!”

НУРЛИ ҚАЛАМ

Нурли қалам, нурли қалам,
Сен билан нурафишон олам.
Журналда босилган шеърим,
Газетда чиқсан мақолам.

Нурли қалам, нурли қалам,
Қоғоз – экинзорим, далам.
Ёзib-чизиб тер тўқаман,
Газеталар гарам-гарам.



Нурли қалам, нурли қалам,
Дунё бир кам – битмас чалам.
“Осмон узоқ, ер қаттиқ”дир,
Янгиланди яна ярам.

Нурли қалам, нурли қалам,
Ёзганларим – менинг болам.
Йигламасин, ўксинмасин,
Тор бўлмасин унга олам.

Нурли қалам, нурли қалам,
Дилда нолам, кўзда жолам.
Дунёни еб битиради
Бир кун нафси бузук одам.

Нурли қалам, нурли қалам,
Кеча менга берди отам.
Армоним йўқ, қўлларимдан
Эрта сени олур бўтам.

Нурли қалам, нурли қалам,
Шон-шуҳрат – бевафо санам.
Қаттиқ севсам нима қиласай
Шу аёлни жонимданам.

Нурли қалам, нурли қалам.

АТИРГУЛ

Эй қирмизи атиргул,
Бунчалар мафтункорсан.
Жаннат қизи атиргул,
Гўзалсан, бегуборсан.

Сени кўриб тирилдим,
Дилимдан кетди губор.
Димогимга урилди
Ногаҳон хушибўй ифор.

Атиргул узай десам,
Кўлга тикан санчилар.
Атиргул узмай десам,
Дилга тикан санчилар.

Яқинлашмай атайлаб,
Олисдан боқайинми?
Ёки сени авайлаб,
Кўксимга тақайинми?






Наср
Наср Наср Наср

Али НИЁЗ

ТАҚДИР ҚҮНГИРОГИ

Қисса



Расмларни Оловчиоддин СОБИР ўғлу чизган

ГОЙИБДАГИ ОДАМ

I қисм

Телефон яна жиринглади. Гүшакни күтариб, "Алло", дедим – жимлик... Мен гапира бошладим. Телефон қилган одам менинг гапимни эшитиб турарди.

Хар куни худди келишилгандай айнан соат учларда қүнгироқ бўлади. Мен ҳам қадрдан дўстимга гапиргандай, тинмай жаврайвераман. Миямга қандай фикр келса, гапиравераман, гапиравераман. У жим тинглайди. Сас чиқармайди. Мен бу ҳолатга ўрганиб қолган эдим. У гүшакни қўйиб қўйишидан кўркаман. Шунинг учунми, қизиқ-қизиқ воқеаларни гапираман. Беихтиёр гүшакни қўйиб қўймасин деб, кулдирадиган ҳангомалардан ҳам айтаман. У нима учундир кулмайди ҳам. Гапириб-гапириб чарчаганимдан сўнг, энди бўлди, бугунча етар дейман. Унга соғлик тилайман. У гүшакни қўяди, қисқа «дуд-дуд-дуд» деган овоз келади.

Хонамда қолиб, ўзимга тааллукли ишларни баҳараман-да, асосан, эртанги кунга тайёргарлик кўраман. Эртага нима десам бўлади. Режа туза бошлайман. Янги-янги ҳангомаларни топишга ҳаракат қиласман, чунки у гүшакни тўсатдан қўйиб қўйиши мумкин.

Эртасига яна янги иш куни бошланади. Бошқача бўлиши мумкин ҳам эмас. Ходимлар билан саломла-

Али НИЁЗ



1950 йилда Фузор туманидаги Тошгузар қишлоғида туғилган. “Сиз мени билмайсиз”, “Ҳаётнинг бир парчаси”, “Вақт зарби”, “Таҳайюл” сингари китоблар муаллифи.



шиш, бошлиқнинг хонасига кириб топшириқ олиш, қоғозлар ичига кириб рақамларни ахтариш – касбим шундай. Бу касбни Худо раҳмат қилгур опам танлаб берган.

Иш билан овора бўлиб соат уч бўлганини сезмай қолибман. Бирдан телефон жириングлади, гўшакни олдим. Яна жимлик...

Саломлашиб, ахволини сўрадим. Иложи бўлса бир оғизгина гапиришини, бу ҳолат узоқ давом этмаслигини, фақат менинг гапиришим билан иш битмаслигини тушунириб, уни ҳам гапиришга унададим. "Мен жуда чарчадим", – дедим, овозимни баландлатиб. У чукур нафас олди. Аниқ ҳис қилдим, миямга ҳадеганда қизиқ фикр келавермади. Ўйлай бошладим: "Ўзундан узоқ ҳангомаларим унга нима учун керак? Нега ўзини таништирумайди? Ким ўзи телефон қилаётган? Аёлми? Эркакми? Нега энди ҳадеб унга ёқадиган ёлғоняшиқ воқеаларни тўкиб, унинг кўнглини овлаш им керак? Нима учун? Ахир уни танимасам?" – деган савол бошимда тинимсиз айланади. Гўшакни столим устига қўйиб қўйдим-да, унга қараб гапирмасдан ўтиравердим...

Энди телефон соат учда жириングласа ҳам, гўшакни олмайман, хонамдан чиқиб кетаман. Соат тўртдан кейин гўшакни қўлимга олдим, узун "дуд-дуд" деган овозни эшитгач жойига қўйдим.

Ишни якунлаб уйга кетар эканман, соат учда бўладиган кўнғироқнинг жарангни миямни тарк этмасди. Мени эшитиб жим ўтирадиган одам турли қиёфада гавдаланиб, баъзан у келишган йигит, зум ўтмай чиройли қиз ёки гўзал аёл қиёфасида кўринса, гоҳида қандайдир менинг устимдан кулаётган телбасифат одам, дарвеш бўлиб, гоҳо бадбашара, исқирт махлук устимга бостириб келаётгандай туюларди. Хуллас, адоги йўқ бу ўйлардан қочишнинг иложини тополмадим. Уйга хаёлим паришон бўлиб кирап эканман, ўзимни чалғитиш учун қўлимга дуч келган китобни олдим. Машхур ёзувчининг маймун етаклаган одам ҳақидаги ҳикоясини ўқий бошладим. Бу воқеалар хаёлимни жамлашга ёрдам бермади. Балки тескари таъсир қилди. Қандайдир қўрқинчли махлуқнинг ҳамласини қайташишга шайланган одамдай ўзимни ҳимоя қилиш учун кўчага чиқдим.

Шаҳарга тун чўккан. Ҳаво тоза, осмон тўла юлдузлар, бири-биридан чиройли. Ана у юлдуз Ҳулкар, Зухро, Катта айик, буниси Темирқозик, Тарози, Беш оғайни, униси Етти оғайни. Қаранг, уч оғайни юлдузлар ҳам бор экан, осмоннинг кўркига кўрк қўшиб, безаб турган бу юлдузлар тўғрисида бир вақтлари момомдан эшитганман.

Юлдузлар бирин-кетин ярқираб осмон гумбазида тартибсиз ва тартибли жойлаштирилган нималарни дир эслатар, назаримда улар зимдан ерни кузатаётгандай туюларди. Қайсиdir журнالда ўқиган эдим, осмон очиқ бўлганда август ойлари кечаси беш мингтacha юлдузни санаш мумкинлиги, кейин одам адашиб кетиши ҳақида ёзишган эди. Эринмай санай бошладим. Бир, икки, уч, тўрт, беш... мингларга борганимда чалғиб кетдим.

Сомон йўлини томоша қила бошладим. Тангрининг бу курдатига, табиатнинг ҳеч ерда тақрорланмас мўъжизасига қойил қолмай иложинг йўқ. Осмон худди катта бир денгиз, унга юлдузлар шундай жойлашти-

рилганки, коинотдаги бу ажойиб манзарани томоша қилиб, инсоннинг ақли бу ҳукм олдида нақадар ожиз эканлигига беихтиёр ишонасан. Яратганга шукроналар айтасан...

Яна иш. Корхонанинг барча асосий ҳисоб-китоблари менинг зиммамда. Қўл остимдаги ходимларга керакли топшириқларни бердим-да, хонамга қамалиб олдим. Вақт шундай тез ўтардик... Зум ўтмай соат уч бўлиб қолди. Телефон жириングлади. Гўшакни олдим, жимлик, аста гап бошладим: "Ҳангомалар тугади, менга бошқа телефон қилманг, илтимос. Агар иш шундай давом этаверса, жинни бўлиб қоламан". У жим тингларди. «Гўшакни қўяман», дедим. «Энди хайр. Охирги марта хайрлашайлик. Ҳақиқатан, сизга жуда ўрганиб қолган эканман. Гапирмасангиз ҳам, нафас олишингизни эшитдим-ку. Омон бўлинг. Мендан хафа бўлманг», деб гўшакни қўйдим. Дақиқа ўтмай телефон яна жириングлади. Ҳаёлимда телефон жаҳл билан жиринглагандай бўлди. Кўзимни узмай гўшакка қараб турдим. Бу сафар ундан ҳам қаттиқ жиринглади назаримда. Гўшакни олдим. Жимлик.

– Нима ишингиз бор? Айтинг, ахир мендан нима истайсиз?! – дедим тоқатим тоқ бўлиб.

Жимлик ҳамон давом этар эди. Мен ҳам жим турвардим. Узоқ кутдим. Тўғриси, чарчаб кетдим. Гўшакни столим устига қўйдим-да, ишларимни қила бошладим. Соатга қарасам, тўрт. Гўшакни жойига қўйиб қўйдим.

Менга ҳар доим соат уч билан тўртгача кўнғироқ қилинар эди. Соат учдан тўртгача телефонни ўчириб қўйсам-чи? Каффиётимдан ўзим севиниб кетдим. Ҳақиқатан ҳам, нега олдин шу фикр миямга келмади экан-а? Балки мен телефон билан гаплашишга жуда ўрганиб қолгандирман?

Эртаси куни соат учдан тўртгача хонамдаги телефонни ўчириб қўйдим.

Кўл телефонимга хабар келди. "Илтимос, соат учда телефонингизни ўчирманг. Сиз учун бир соат гаплашиш шунчалик қийинми? Агар сўзлашишни холамасангиз, гўшакни кўтариб столингиз устига қўйиб қўйинг. Бу ўйинингиз яхшиликка олиб келмайди".

Ҳайрон қолдим. Кўл телефоним рақамини қаёқдан билади? Нима учун хабар жўнатувчининг телефон рақами йўқ? Наҳотки менинг гапларим унга шунчалик қизиқ бўлса?! Ўзи нималар бўляяпти? Агар бирон кимсага шу тўғрида айтсан, ҳечам ишонмайди. Мени телбага чиқариши аниқ. Яна қўрқитиши ортиқча. Мени қаёқка бошляяпти бу?..

Мен, хаёлим паришон бўлиб, баъзан ўзим билан ўзим гаплашадиган одат чиқардим. Ишхонадагилар, оила аъзоларим ҳам ҳайрон.

Обдон ўйлаб қўриб, якуний қарорга келдим. Хонамни соат учларда ичидан бекитдим-да кўнғироқни кута бошладим. Мақсадим, то гўшакни қўйгунча гапириш, у билан дардлашиш. Унга ўзим ҳақимда кўпроқ сўзлашни маъқул кўрдим. Соатта қараб турибман, роппа-роса уч бўлди. Телефон жиринглади. Гўшакни олдим. Саломлашиб, қўл телефонимга юборган хабари учун раҳмат айтдим. Ундан озроқ гина ҳам қилдим. У ҳақида ҳеч қандай маълумотга эга эмаслигимни билдиридим. «Агар мен билан сұхбатлашиш ниятингиз бўлса, ўзингиз ҳақингизда бирон-бир ишора билан билдирангиз яхши бўларди», дедим.

– Сизни бирон кимса менга қарши ёлламаганми? Шунга ишонтириңг, – дедим.

Яна жимлик.

Касбим иқтисодчи. Ўттиз беш йилдирки ҳисобчи бўлиб ишлайман. Қилаётган ишимдан мамнунман. Ташкилотнинг иқтисодий тикланишига анча-мунча ҳиссам кўшилган. Шунинг учун ҳам ўзимга яраша обрў-эътиборга эгаман. Тўрт нафар фарзандим бор. Иккита қиз, иккита ўғил. Ҳаммаси олий маълумотли. Рафиқам олий тоифали шифокор. Кўринишим ихчам. Бўйим бир метру етмиш саккиз сантиметр. Бошимнинг сигими эллик олти, оғирлигим етмиш саккиз килограмм. Кўйлагимнинг ёқаси қирқ икки, оёқ кийимим ҳам қирқ иккинчи ўлчамли. Буғдои рангман. Сочим қирқ ёшимдан оқара бошлаган. Ҳозир оппоқ. Кўзларим катта-катта, юзимнинг чап томонида билинار-билинмас хол бор. Қошларим қоп-қора. Юрганда дадил қадам ташлайман. Кўпроқ оқ кийим кияман... Ҳаётимдан мамнунман. Қизиқадиган соҳам – қадимий, ўрта аср тарихий воқеалари ҳақидаги асарларни кўп ўқийман. Бу ҳақида анча-мунча маълумотлар тўплаганман. Ҳар қандай қолоқ, иқтисодий ночор ташкилотнинг молиявий салоҳиятини яхшилаш учун, озгина бўлса-да фойдам тегади, хўжалик раҳбари ва бош ҳисобчиси соғлом, ҳалол фикрлайдиган ва унга амал қиладиган шахс бўлса, корхонанинг нуфузи яхшиланишига ишонаман. Агар раҳбар ё бош ҳисобчи ўз манфаатини ўйлаб иш юритар экан, бу хўжаликнинг иш жараёни узоққа бормайди.

Шундай қилиб, мен учун ҳаёт – синов майдони. Бу майдонда ўзимни синайман, кимлигимни, нималарга қодир эканлигимни, нима учун яшаётганимни англашим керак.

Атрофимдаги одамлар фақат ўзларини ўйлашади. Ташкилотнинг ривожланиши, иқтисодий самарадорлик улар учун ёт нарса. Келдингми, келдинг. Нима мақсадда келдинг? Бугун хўжаликка қандай нафинг тегди? Келгусида хўжаликни кенгайтириш, ишлаб чиқаришни ривожлантириш, таннархни пасайтириш эвазига олинадиган даромадлардан унумли фойдаланиш, шу корхонада келажакда фарзандлари ишлаши ҳақида ўйлаб ҳам кўрмайди. Ой охирласа: "Иш ҳақи нега кечиқди? Нега маош ошмаяпти? Нега фалончининг ойлиги кўп? Менини оз?" – деган саволларни кўйишади. Бу чаласавод, ўз ҳақ-хукуқини билмайдиган одамлар билан қандай қилиб хўжаликни ривожланган, чет эллардаги миллионер компаниялар даражасига олиб чиқиш мумкин? Қолаверса, бизнинг мулкдорларга ҳам худди шундай, қаёққа бошласа эргашадиган оломон керак. Авваламбор бу одамларни, (ишчи деб бўлмайди) ва мулкдорларни яхшилаб тарбиялаш керак. Қандай қилиб?! Шулар ҳақида кўп ўйлайман, ўзимча анча-мунча режалар тузганман. Европадаги тараққий этган мамлакатлардек бизнинг юртда ҳам одамларнинг ҳаёт, яшаш даражаси юқори бўлса, дейман. Орзуларимнинг амалга ошишига ишонаман...

Шу мавзуда кўп гапларни гапирдим. Соатга қараб қўяман. Соат миллари тўртга яқинлаша бошлади. Гўшақдан "дуд-дуд" деган овоз эшитилди.

Сездимки, нотаниш кимса бир соат эринмасдан менинг гапларимни эшитди. Ҳайрон қоладиган жойи шуки, гўшакни қўяётгандан чуқур нафас олди. Гўё га-

ларимни нафас олмай эшитгандай таассурот қолдирди менда.


Яна ўз ишларим, ўз юмушларим билан бўлиб кун ботди, тонг отди. Эрталаб ишга, банкка бориш, ҳисоб рақамдаги пул маблағларини тақсимлаш, ишлаб чиқаришга зарур бўлган ускуналар сотиб олиш ва шунга ўхшаш ҳар доимгидек бир хил иш жараёни куршовида тушлик бўлганини сезмай қолдим. Хонага келиб соат уч бўлишини кута бошладим. Энди бу ёғи менга ҳам қизиқ эди. Хўш, бунинг охири нима билан тугайди?! Барibir, бир куни у ўзини танишитиради. Мулоқотга чиқади. Ҳар нарсанинг ҳам аввали ва сўнгги бор-ку?! Хонамга назар ташлар эканман, рўпарамда турган компютерга синчилаб қарадим. Бу мосламадан ҳар балони кутса бўлади. Хона тўридаги ҳужжатлар кўйиш учун аргувондан ясалган олди ёпиқ жавонлар ҳам сеҳрли кўринарди менга. Ўнг томонимдаги ходимлар ўтириши учун мўлжалланган олти дона курси худди устимдан кулаётгандай эди. Хона тўридаги иш столининг ўнг ёнидаги темирдан ишланган ўн икки киши амаллаб силжита оладиган сейф хўжаликнинг бор сирларини ютадиган қафасга ўхшаб қақайиб турарди. Чап томонида эса газета ва журналларга мўлжалланган ихчам стол, унинг устида яқиндагина нашрдан чиқсан янги шеърий китоблар турарди. Соат уч бўлди. Телефон жиринглай бошлади. Гўшакни олдим. Жимлик...

– Қўшниларим ҳақида гапириб бераман, – дедим саломлашгандан сўнг. – Ажойиб қўшниларим бор. Чап томондаги қўшнимнинг ёши мендан уч ёш кичик. Жуда зийрак, ҳамма билан ҳам чиқишиб кетавермайди. Ўта жиддий. Табиати шундайми, билиш қийин. Ҳарбий. Сўзлашганда дона-дона, аниқ ва лўнда қилиб гапиради. У билан эрталаблари кўришиб тураман. Эрталаб баъзан ярим соат, гоҳида кўпроқ турли мавзуларда суҳбатлашамиз. Бизнесга ҳаддан зиёд қизиқади. Мен иқтисод соҳасида ишлаганим учунми банклардаги ўзгаришлар, солиқ тизимида янгиликлар, ташкилотларнинг молиявий ҳолатига тўскинлик қилувчи омиллар тўғрисида саволлар беради. Мен газеталардан ўқиган янгиликларни сўзлаб бераман. Кейин қуюқ хайрлашамиз. Агар бирон кун субҳидамда кўринмай қолсан, бир баҳона топиб чақириб олади. Дарвоза олдида ихчамгина қилиб таҳтадан ясалган ўриндиқа жойлашиб:

– Хўш, бугун бизнес оламида нима янгиликлар?! – деб гап бошлади.

Ўз соҳаси ҳақида лом-мим демайди. Соҳаси ҳақида савол берсан, гапни бошқа томонга буриб, охири бизнесга тақайди. Ҳа, мана шундай ажойиб қўшним бор.

– Сиз, дарвоqe гапирмайсиз, ё соқовсиз, ёки умуман, тилингиз йўқ, – дейман гўшакка. – Нима бўлганда ҳам нафас олишингизни эшитиб турибман-ку. Ўнг томонимдаги қўшнимни танишитирадиган бўлсан, у – қурувчи. Ниҳоятда одамохун. Менга жуда ҳурмат билан қарайди. Ҳар доим мендан олдин салом беради. Кўпроқ дам олиш кунлари тўқнаш келамиз. Ҳовлиси менинг ҳовлимга ўхшаб чала. Яқинда сотиб олган. Ўзининг айтиши бўйича қандайдир катта курилишда ишлайди. Ҳар хил қурилиш материалларини олиб келиб битмаган уйини тиклаш билан овора.



– Ҳорманг, – дейман уни кўрганда. – Хўш, пишиқ ғишти қанчага олдингиз?

– Ўзимизда "дехқончилик", – дейди соддалик билан.

"Ё тавба, ғишт ҳам дехқончилик бўладими", – деб ўйлайман. Ажабланиб елкамни қисаман. Қўшним мендаги ҳайронликини тушунгандай:

– Биласиз-ку, қурилишда ишлайман. Ўн мошин ғишт олсак, бир мошини бўёққа жўнатилади. Худонинг куни кўп. Ҳовли ҳам битай деб қолди, насиб бўлса уй тўйини ўтказамиз, – дейди.

– Ҳа, шу кунларга етказсин, дейман. Ҳали битмаган, ойналар қўйилмаган, усти шифер билан ёпилган уйимга қараб, дарвозамнинг кўримсизлиги ичимни тирнайди. Бу кайфиятдан чиқиш учун қўшним билан хайларашаман. Қўшнилар ҳақида сўзлайвериб, соат тўрт бўлганини ҳам сезмай қолибман. Гўшақдан "дуддуд" деган товуш эшитилди.

Анча енгил тортдим. Кайфиятим ўзим сезмаган ҳолда қўтарили. Осмонда учиб юргандай ҳис қила бошладим ўзимни. Бўлаётган воқеалар ҳақида ҳеч кимга айтганим йўқ. Кимгadir айтишим керак-ку, дердим.

Ё ҳарбий қўшнимдан маслаҳат сўрасамми, ёки рафиқамга айтсаммикан? Телефон соҳасида ишлайдиган бир танишим бор. Шундан сўрасам-чи? У менга қўнгироқ қилаётган одамни аниқлаб беради. Нега шу ҳақида олдинроқ ўйламадим-а. Эртага соат учгача танишимни топаман, ускуналари билан келиб бу ишга ойдинлик киритади.

Ҳовлидаги темир чорпоя устида болишини қучоқлаб, хаёл оғушида осмонга қараб ётганимда қўл телефонимга хабар келди: "Сиз бу сұхбатимиз ҳақида ҳеч кимга айтмаслигиниз шарт. Мабодо, айтсангиз ўзингизга ёмон бўлади..."

Ол-а, нима демоқчи бу нотаниш кимса? Энди очиқасига кўрқитишга ўтдими? Менда кечётган ўйларни қаёқдан англади, ё телепатмикан? Ҳақиқатан ҳам, оқибати ёмон бўлса-чи? Тўртта фарзандим бор, улар ҳали ёш. Уларни оёққа қўйишим, уйли-жойли қилишим керак.

Бу ўйин яна қачонгача давом этади?!

Эй Худо, ўзинг ёрдам бер. Ёки мени ўз синовингдан ўтказяпсанми? Воқеалар шундай давом эта-верса, жинни бўламан-ку! Менга нималар бўляяпти? Бунинг қандайдир чораси бўлиши керак. Рухшуносга кўринсаммикан? Эҳтимол, оддий галлюцинация бўлаётгандир. Боши-охири йўқ, лекин одамни умидсизлик ботқогига етакловчи телба-тескари бу ўйлар тинчимни шу қадар буздики, оромим йўқолиб, бошимда ғужфон ўйнаётган ҳавоий ҳисларни жиловлашга куч топа олмасдим. Фол кўрсатсан-чи? Эй кўй-е, Эрқор, бу фирт шайтоннинг иши-ку. Қандай кунларга қолдим? Кутиш, худди гўшақдаги одамдай сабр билан чидаш керак. Охирги дақиқагача нима бўлишини, бу воқеаларнинг ечими кун келиб очилишини бардош билан кутишдан ўзга чорам йўқ.

Эрталаб барваёт турдим. Кайфиятим яхши. Ҳарбий қўшним билан бироз сұхбат қурдим. Америка сиёсати ҳақида гап очган эдим, хушламади. У нима учундир кутилмаганда аёллар ҳақида гапириб кетди. "Биласизми қўшни, аёл эрини оғзимдаги луқмам деб

ўйлайди. Чайналган бу луқмага бошқа аёл қарамайди. Уни хоҳлаган вақти ютаман, деган бемаъни хаёл билан яшайди". Ҳаммаси ҳам шунақа бўлмаса керак", дедим шошиб. Чунки менинг рафиқам бундай ўйламаслигига ишонардим. Миямдаги ўйни ошкор айта олмадим. Бирор асоси бордирки, шу фикрга келган, деб ўйладим.

Қўшним соатига қараб сұхбатни қисқа қилди. Хайларашиб, хизматдаги "Нексия" машинасига ўтириб ишга кетди.

Ишхонага етиб келганимда, деярли барча ходимлар ўз ўрнида эди. Хонамнинг эшигини очарканман, котибага: "Мени соат учдан тўртгача ҳеч ким безовта қилмасин, бошлиқ сўраса муҳим ишлар билан банд эканлигимни айтинг", – деб илтимос қилдим. Котиба чиройли табассум билан қошларини чимириб:

– Ҳали эрталаб-ку, Эрқор ака, – деди.

– Бугун ҳисботларни қайта назоратдан ўтказмоқчиман, – деб хонамга кирдим.

Хонам кўзимга файзсиз кўринди. Жиҳозларнинг ранги қочгандай, тўшалган гилам оёқ остида топтапавериб титилмаган бўлса ҳам, ўз хизматини ўтаб бўлганини эслатар эди.

Омбор мудирини чақирилди. Унга бу гиламларни алмаштиришни, ҳозир эса кичикроқ радио көлтиришини буюрдим. Юрагимга ўзим билмаган ҳолда вахима тушди. Гўё жиҳозларни алмаштирасам таскин топадигандай, хонамни синчилаб кўздан кечиради эдим. Ҳаёлимда бирдан телефондаги одам гўшақдан чиқиб: "Хўш, ўзинг қилган гуноҳларинг тўғрисида ломмим демаяпсан-ку. Шунчалар фариштамисан? Қўриб-кўрмаганга, билиб-билимасликка олган қанча-қанча нопок ишларнинг гувоҳи бўлганилгингни тан олмайсанми?" – дея саволга туатётгандек эди.

Эшик очилди. Омбор мудири радиони ўрнатиб чиқиб кетди. Тараплаётган кўй қулғимга ёқди, берилиб эшита бошладим. Қанча уринмай қўлим ишга бормади. Кун бўйи қўчага чиқмай гоҳ паришон, хаёл оғушида тушликни ҳам унутиб, хонамда қамалиб ўтиредим. Руҳиятимда кечётган бу ўзгаришларни ўзим ҳам тўлиқ идрок эта олмасдим. Менинг тоқатимни синайдиган соат учни ёмон кўриб қолдим. Энди алпақачон куй ва оҳанглар йўқолиб, ҳар хил ахборотлар, маъносиз қўшиқлар, тутуриқсиз ҳангомалар жигимга тега бошлади. Радиони ўчириб қўйдим. Ҳаёлимда телефон жиринглагандай бўлди. Ўзимни ўнглаб гўшакни кўтардим. Жимлик...

Бу гал салом бермадим. Бирдан мақсадга ўтдим. "Нима учун мен сизга ҳисбот беришм, бир соат вайсашим, ўзимга-ўзим гапириб, мени қийнайдиган муаммолар тўғрисида узундан-узоқ сўзлашим керак. Менга бўлмагур хабарлар юбориб бардошимни синаш сизга ёқаяптими? Қайси қилган гуноҳим учун жазоланишим ёки кўрқишим керак? Нега шанба-якшанба кунлари безовта қилмайсиз? Демак, бошқа иш кунлари ҳам бу ўйинларни тўхтатса бўлади-ку!" – дедим.

"Тўғриси, ҷарчадим бу можаролардан. Мехнат таътилига чиқаман. Энди сизга айтадиган гапларим тугади. Ўзим, қўшниларим, ишхонам тўғрисида билганиларимни айтдим. Келинг, бугун охирги кун деймизда, сенлашиб гаплашамиз. «Сен» Худога яқин сўз. Агар қаршилиқ қилмасангиз, сизни энди сен дейман. Назаримда сиз қандайдир фариштасиз. Одам зотидан

эмассиз, чунки фаришталар олдиндан кўра олади. Сиз ҳам мени нимани ўйлашимгача биласиз. Менинг вужудимга ғулғула соладиган, обдон ўйлашга ундейдиган бу ҳолат мени қўрқитиб турди. Демак, одам эмас экансиз, Аллоҳга яқин мавжудотсиз. Бизга Худо инсоннинг юрагида деб ўргатишган. Худони сиз деган борми? Ҳали эшитмаганман. Масалан, "Эй Худо, Ўзингиз кечиринг", – деган гапни эшитганимисиз? Худонинг ҳар бир бандаси, бошига кулфат тушганда "Эй Худо, Ўзинг кечир", – дейди.

Баъзи кимсалар "ёлғизман" ёки "мен ёлғизликни хоҳлайман" деб ўзларини-ўзлари алдашади. Бундай бўлиши мумкин эмас, чунки ҳар қандай ёлғиз одам билан Тангри бирга. Аллоҳ унинг юрагида. Шундай қилиб, мен ҳозир сизни сен демоқчиман. Розимисан?!

– Жимлик...

Энди очиқасига ўтайлик. Сен қандай қиёфадасан? Гўзал қизмисан? Ёки... Аслини олганда менга фарқи йўқ, қанақа кўринишда бўлишингнинг. Бу жим туришларинг, қўл телефонимга хабар юборишларинг билан нима қилмоқчисан? Сабримни синаяпсанми? Ёки менинг қўрқоқлигимдан фойдаланиб ўзингга ёқадиган ўйин топганингдан кувонаяпсанми? Шуни биламанки, сенинг чекинга тушиб қолишим менинг фожеам. Бунинг олдини олишнинг ягона чораси – мулоқотларимизни тўхтатиш. Ёшим элликдан ошган бўлса ҳам, бошқа мамлакатга ишга кетишим мумкин. Ҳозир бундайлар оз эмас. Россия шаҳрларида, Кореяда, Қозогистонда, Европанинг турли мамлакатларида, ота-онасини, оиласини, болаларини, юртини ташлаб, ризқ излаб юрган кимсалар озми... Шуни ҳам биламанки, айримлари калтак еб, майиб-мажруҳ бўлиб келаётган бўлса, баъзилари ўзга юртларда дом-дараксиз, денгизга чўйкан тошдай йўқ бўлиб кетмоқда. Куни кеча дам олиш куни Мироқи қишлоғига бордик. Ана манзара, ҳавонинг тозалигини айтмайсизми. Кишини ҳайратга соладиган бундай жойлар бошқа ўлкаларда камдан-кам топилади. Тоғ бағирларида худди қўл билан экилгандай, тизилиб турган яшил арчалар. Кўрса кўз кувонадиган ёнғоқ даражатлари. Юқорироқча чиқилса, гуллаб, ўзини оппоқ-сариқ чойшабга ўраган дўлана дараҳтлари, пистабодомларнинг эндигина баҳор нафасига тўяётган шивирини эшитиб, кўзингиз кувонади. Мени ўйга толдириган жойи шу ердаги қишлоқ кўчаларида йигитлар кўринмайди. Кўча бўйлаб экилган узун тераклар остида кексайиб қолган момолар, ахён-ахёнда олдига сурпача қилиб, устига шарбат, сигарет, ҳар хил сақичлар, минерал сувлар, қурт, туршакларини ёйиб ўтирган чолларга ҳам дуч келамиз.

Шу гўзал гўшада иш ўринлари ташкил қилиб, пистазорлар, бодомзорларни, умуман, тоғ ҳавосига мос келадиган боғдорчилик, чорвачилик соҳасини йўлга кўйса бўлади-ку.

Аслида биз нимани кутяпмиз? Ноёб мевали даражатларни кўпайтириш, юртимизнинг бозорларини тўлдириб, қолаверса, янада кўпроқ етишириб чет элларга чиқариш, жаҳон бозорида ўз ўрнини эгаллаш фурсати аллақачон келган-ку? Бир вақтлар Варганза анорлари, олмалари, Қаршининг Лагмон узумлари, анжирлари номи жаҳонга таралган. Қани у дехқонлар?..

Гапираверсам гап кўп.

Кексалардан эшитишимча, қурғоқчилик ё қиши қаттиқ келганда, очарчилик бўлганда, юрт бойлари ўзаро келишиб, кунларни бўлиб олишган. Ҳатто баъзи бойлар қирқ кунлаб тўй берган. Тўғри, уларнинг бу базмидага мақтаниш, бир-биридан ўзиш, топган сармоясини кўз-кўз қилиш таъмлари ҳам ётган.

Асосийси юрт аҳлиниң қорни ҳар куни тўйган. Очлик балосидан омон қолган. Ҳадиси шарифда ёзилишича, бойлар тўрт хил бўлади:

"Ҳаромдан топиб ҳаромга сарфлайдиганлар, улар дўзахийдир.

Ҳалолдан топиб, ҳаромга сарфлайдиганлар, улар ҳам дўзахийдир.

Ҳаромдан топиб, ҳалолга сарфлайдиганлар, улар ҳам дўзахийдир.

Ҳалолдан топиб, ҳалолга сарфлайдиганлар жаннатийдир".

Хўш, бизнинг бойлар қайси тоифага киради?!

Бу савол, жумбокларнинг охири борми?! Бунинг ечими қайси авлодга насиб қилади?

Дардинг ичингда тўлиб кетган экан-ку, деяпсан. Ҳа, ичим тўла дард! Бу иллатдан миллион йиллардан бери кутула олмаяпман. Фаришта бўлсанг, саволларимга жавоб бер! Нега жимсан? Сўзларим ёқмадими? Мен ҳам жимман.

Телефон гўшагидан "дуд-дуд" деган овоз эшитилди. Соат тўрт бўлди

Ё алҳазар!!! Мен нималар деяпман ўзи?! У фариштами, париваши, нега ундан аламимни олаяпман?! Унинг нима айби бор? Мени текшириш учун маҳсус "кулок" бўлса-чи? Ўзингни қўлга ол, Эркор. Ҳали яшашинг, ўғилларингни уйлантаришинг, кенжа қизингни узатишинг керак, шу кунгача орттирган обрӯэтиборингга болта урма. Шунча йил жим яшадингми, бу ёғига ҳам жим бўл.

Гўшакни узоқ ушлаб турдим. Кераксиз, ортиқча юкни елкамдан туширган одамдай ўзимни енгил хис қилдим.


Котибага солиқ инспекциясига боришимни айтиб, уйга жўнадим. Руҳим тетик бўлса-да, биронта одам билан сухбатлашишдан қочардим. Чунки шу кеча-кундузда ҳаётимда кечётган бу ғаройиб воқеаларни айтиб кўйишдан кўркар эдим.

Энг яқин сирдошларимдан бўлган шоир билан ҳам учрашмадим. Мен билан ҳамсұхбат бўладиган дўстларимга кўнғироқ қилиб, ишларим ниҳоятда кўпайиб кетганини, ҳозирда безовта қилмасликларини илтимос қилдим. Уйда ҳам ниҳоятда камгап бўлиб қолганимдан рафиқам ҳайрон.

– Тинчликми? – деб сўрайди.

– Тинчлик, Ҳудога шукур, – дейман.

Дам олиш кунлари китоб ўқиши баҳонасида уйга қамалиб оламан. Миямда тақорланаётган мантиқсиз ўйларни қанча ҳайдамай, устимга бостириб, ўзим ўйламаган ҳавои гаплар келаверади. Телефон гўшагини олсан, калламга келган сўзларни тинмай гапиравераман. Бу гапларни ҳеч ким мендан сўраётгани йўқ-ку?! Ихтиёрим ўзимдан кетганини сезмай, худди туш кўраётгандек ҳаёлимда гавдаланган воқеалар кўз ўнгимда намоён бўлади. Кейин сўзлайвераман, сўзлайвераман, ҳеч гапим тугамайди. Қулогимга кимдир пицирлаб мана бу гапни айт, энди у гапларни айт, деб



бошқараётгандай туюлади. Олдинлари режа тузиб, тайёргарлик кўриб, ҳангомаларни эслаб, уни зериктириб қўймаслик учун гапирган бўлсам, энди тайёргарликсиз гапириб, баъзан соат тўрт бўлганини сезмай қоламан. Гапиравераман, гапиравераман, ҳеч сўзим тугамайди. Менга бу сўзамоллик қаердан илашди? Ҳайронман. Ўзимни-ўзим тушуна олмаяпман. Гўё мени қандайдир файритабии куч бошқараётгандай эди. Эрталаб яна иш. Хонамга келдим. Керакли ҳужжатларни тахлаб бошлиқка имзо қўйдиришга кирар эканман, котибага зимдан қарадим. Унинг негадир кайфияти йўқ. Кўзлари қизарган, қовоқлари шишиган, чиройли табасумидан асар ҳам кўринмайди. Ҳар доим кулиб турдиган яноқлари сўлғин. Эътиборсиз саломлашдим-да, бошлиқнинг хонасига кирдим. Бошлиқ тўрда ястаниб ўтиради, у мени мулойимлик билан қарши олди. Ҳужжатларга кўл кўяр экан:

– Эрқор ака, сиздан бир илтимосим бор, котиба қизимиз Моҳиранинг ножӯя ҳаракатини сезиб қолдим. Унга озроқ насиҳат қиссангиз,— деди.

Мен бу изоҳни жавобсиз қолдирдим. Чунки Моҳира билан Карим Суярович ўртасидаги "ошиқ-маъшуқ"лиқдан озроқ хабарим бор эди.

Яқинда мөҳнат таътилига чиқишимни билдириб, хонамга қайтдим. Телефонни кўзимдан яшириб, ўзими чалғитиш мақсадида хиргойи қила бошладим:

– Йигит омон бўлса хавфу хатар йўқ.

Бир оздан кейин телефон жиринглади. Гўшакни оларканман, ғалати бўлиб кетдим. Соат ҳали ўн бўлгани йўқ. "Алло" деган овоз келди.

Овозидан танидим, ёзувчи дўстим Маҳмуд Оқбош.

– Ассалому алайкум, дўстим.

– Ваалайкум ассалом.

– Нега гурунгга келмай қўйдингиз, Эрқоржон? Иш ҳеч қачон тугамаган ва тугамайди ҳам. Келсангиз, шахмат ўйнар эдик. Бирон ёққа чиқмасангиз ҳозир олдингизга ўтмоқчи эдим. Маслаҳатли иш бор.

– Келинг, соат учгача келинг, учдан кейин мени то полмайсиз, – дедим.

– Хўп, ҳозир бораман,— дея гўшакни қўйди Маҳмуд Оқбош.

Ажойиб, истеъдодли ёзувчи, борган жойида даврани тўлдириб ҳаммани кулдириб ўтиради. Ҳикоялари, қиссалари рус, қозоқ, тохик тилларига таржима бўлган. Ҳажвияларини айтмайсизми. Ҳавас қилса арзийдиган истеъдод эгаси.

Маҳмуд Оқбош ҳақида ўйларканман, унинг қиёфаси кўз ўнгимда гавдаланди. Тўладан келган, елкалари кенг. Хумкалта, гавдаси мендан иккита келади. Қўл панжалари попвонларнинг панжаларида гўштдор, бўлиқ. Шахмат ўйнашга ишқибоз бу дўстимнинг ҳангомаларини эшитиш жуда мароқли.

Соатга қарадим. Учгача беш соат вақт бор. Радиони қўйдим, ёқимли куй тарала бошлади.

Кўп ўтмай Маҳмуд Оқбош етиб келди. Ичкарига кириб, қулочини кенг ёзиб, мени осонгина бағрига олди. Қуюқ сўрашди. Ўтирик.

– Хўш, дўстим Бакаччо (менга нима учундир шунақа лақаб қўйган эди. Гўё мен грекга ўхшар эканман), ҳангоманинг янгисидан айтами?

Жавоб кутмасдан бошлади:

– Десангиз, бир подшо мулозимлари билан бошқа

бир мамлакатга борибди. У мамлакат подшоси борган меҳмонларни иззат-икром билан кутиб олиб, юртининг (тинч-тотув, бой эканлигини кўз-кўз қилибди) баланд-баланд иморатларини, ўзи яшайдиган ҳашамдор саройни кўрсатиб мақтаниди.

Меҳмонларни тушликка таклиф қилибди. Шуна-қанги лаззатли, антиқа таом тайёрлашган эканки, жуда мазза қилишибди. Овқатдан кейин меҳмон подшо ўз маслаҳатчисини чақириб:

– Билгин-чи, овқатни нимадан тайёрлади экан. Юртимизга боргандা биз ҳам уларни сийлашимиз керак, – деб топшириқ берибди.

Маслаҳатчи таомнинг таркибини тезда аниклаб, Олий Ҳазратларига ҳисобот берибди:

– Жаноби Олийлари, биласизми тамадди қилган овқатимиз... – деб қулогига нималарнидир шивирлабди...

Ўз навбатида донғи оламга кетган шоҳ ҳали у дарражада тарақкий этмаган, ўзи яқинда меҳмон қилган подшонинг мамлакатига ташриф буорибди. Улуғ шоҳ юрт билан танишиб, мамлакатнинг салоҳиятини янада ошириш учун подшога маслаҳатлар берибди.

Улуғ шоҳни подшо ўз аркига меҳмондорчиликка айтибди. Дастурхон атрофида ўтирган меҳмонлар ҳар хил ичимликлардан истеъмол қилиб овқатни кута бошлабди. Тоқати ток бўлган подшо, улуғ шоҳнинг олдида изза бўлиб, ўрнидан туриб, эшик ёнига бориб, маслаҳатчига қичқирибди:

– Яна қанча кутиш мумкин, таомни сузмайсизларми?

Маслаҳатчи аста келиб, подшонинг қулогига, овқат бўлмайди, саройдаги мулозимлардан йигирматасининг калласини олиб кўрдик, уларда мия йўқ, – деб қалтирабди.

Иккимиз ҳам хохолаб кулиб юбордик.

– Бизга хизмат, – дедим ўзимни зўрға кулгидан тўхтатиб.

– Иссикхона қурмоқчи эдим. Шунга озроқ пишиқ ғишт керак. Нархини арzonрок қилиб берсангиз,— деди хижолатомуз.

– Сиздек одамга, бепул берса ҳам бўлади. Ахир прокурор, солиқчи акаларга битта қўнғироқ билан берилаяпти-ку. Албатта, бу ҳожатингизни чиқараман, – дедим. У севинчи ичига сифмай мени қайта-қайта кучоқлаб хонамдан чиқиб кетди.

Ҳисоботларни топшириш учун солиқ идорасига йўл олдим. Бу ўта салобатли бино темир панжаралар билан ўраб олинган. Кирадиган йўлакка тўсиқ ўрнатилган бўлиб, ўзингизнинг ким эканлигинизни тасдиқловчи ҳужжат кўрсатмасангиз ичкарига қўйишмайди.

Панжара атрофида одам кўп. Таниш ҳисобчидан ичкарига нега қўйишмаяпти, деб сўрадим.

– Мажлис деяпти. Бир соатдан бери ўтирибман. Ҳисоботларнинг эса муддати келиб қолди. Вақтида топширмасангиз жаримага тортишади, – деди тўпланган одамларга ишора қилиб.

Кутишга тоқатим йўқ. Тушдан кейин муовинимни юбораман, деган ўй билан идорага кетдим.

Август күёши аёвсиз қиздиради. Яхшиям одамлар совутгичларни ўйлаб топишган. Хонамдаги совутгич меъёрида ишлаши учун ўртacha иссиқликни 25 даражага мослаб қўяман.

Телефонга кўзим тушди. "Ким бўлса бўлаверсин. Фариштами? Шайтонми? Фарқи йўқ. Хаёлимга нима келса айтавераман. Тез кунда меҳнат таътилига кетаман. Кейин Худо пошшо" деб ўзимни-ўзим овунтирас эдим.

Соат уч. Қўнгироқ овозидан ҳаловатим йўқолиб, осойишталиқдан асар қолмади. Хаёлимга нималар келмади дейсиз. Гўё кимгadir айтиб юрагимни бўшаби олишим керақдай гўшакни олдим.

Жимлик.

"Бугун Сенга айтадиганларим, бошлиғим ҳақида бўлади. У мендан уч ёшлар кичик, олдин унинг отаси билан ишлаганман. Бироз қитмирлик ва қаттиклигини эътиборга олмасам, мени тушунадиган одам. Ўзини ниҳоятда авайлаб-асрайди, олий сифат матолардан кийим тикириб, дид билан кийинади. Айтишича, йигирма беш ёшидан бошлаб раҳбарлик лавозимида ишлаб келаяпти. Иш бошқариш соҳасида тажрибаси катта. Ишлаб чиқариш соҳасида бирон иш қилмоқчи бўлса, ўн ўлчаб, бир кесади. Отасининг сўзини доим ёдида сақлайди. "Ўғлим, бу мансаблик курсисида мих бор. Унга чидаган одам ўтиради", деган ўгитини менга ҳам бир неча бор айтган. Ўзининг таъкидлашича, кўпроқ мендан маслаҳат сўрайди. Нима бўлганда ҳам мен билан ўта мулойим, эҳтиёткорона гаплашади. Айрим ҳолларда, айниқса солиққа пул тўлаш тўғрисидаги тўлов топшириқномаларини имзо қўйдиришига олиб кирганимда, менга солиқчига қарагандай қарайди. Шу соҳада озми-кўпми тортишамиз.

Тушликни кўпинча бирга қиламиз. Овқатланиш вақтида унинг гапи кўпроқ иш эмас, аёллар ҳақида бўлади. Ў гўзал, дунёкараши кенг аёлларни ёқтиради. Қайси корхонада раҳбар бўлиб ишлаган бўлса, котибаси ўта чиройли, дид билан кийинадиган, боши очиқ аёл бўлган. Бунинг ўзгача завқи бор, дейди викор билан. Келишган, хушрўй аёл ёнингда турса, ҳамиша ўзингга оро беришга мажбурсан. Яхши кийинасан. Ўзингни маданиятли тутишга ўрганасан. Маст-аласт юрмайсан. Оғзингдан ёмон сўзлар чиқмайди. Индаллосини айтганда, зиёли жанобга айланасан. Бу ўгитларни марҳум устозим Бекназар Бек ака ўргатган. У кишининг айтишича, ёш, гўзал аёлга кекса одам ўйланса, ёшарип, умрига умр қўшилар экан. Бу ҳолатни ўзим ҳам ҳаётда кузатганман. Бекназар Бек ака, хотини ўлгач, саксон тўрт ёшида ёш жувонга улланиб яна ўн йил умр кўрганлар. Саксонбой, Тўқсонбой деган фарзандлар кўрдилар.

Сұхбатни бошқа томонга бураман. Солиқ соҳасида испоҳотлар бўлаётганини, ташкилотлар учун солиқ юкининг камайиши эвазига иқтисод қилинган маблағлардан корхонанинг ишлаб чиқариш салоҳиятини ошириш, ишчи-хизматчиларнинг меҳнат ҳақини кўпайтириш, иқтисодий ҳолатни тиклашда кўшимча манба сифатида катта ишлар қилиш мумкинлигини тушунтираман.

– Қўйинг шу солиғингизни! Солиқ десангиз қон босимим ошади: ҳаммаси қофзода ёзилган, амалда эса эски ҳаммом, эски тегирмон. Гулдир гуп...

Билмадим, ҳали-бери корхонанинг фойдасини кўрмасам керак. Ана шу, ташкилотни қаритади. Оёқлантиримайди. Билганимда бошқача ишлаган бўлар эдим. Худди чет эллардагидай.

Энди бошлик умуман бошқа одамга айланган, ҳозиргина гўзал аёллар ҳақида ширин-шакар сўзлар айтиб ўтирган одамга умуман ўхшамас эди.

– Ўртоқ иқтисодчи, бу гаплардан чалғиб дам олишни ҳам билиш керак. Яшаш керак, демоқчиман. Бугунга етади, тушлигимиз тугади, – деб ўз хонасига кетди.

Ха, соат ҳам чиқиллаб юриб турибди. Ҳар ким ўз билганини ўқиди. Менинг билгандарим ишга келиш, уйга бориш, оила деган аравани юргизиш, рўзгорнинг горини тўлдириш... яна нима ҳам қўлимдан келади. Менда сармоя йўқ. Иқтидорим шунақа, майдадашвишлар билан чегараланган.

Худди бошқа қиладиган ишим йўқдай соат учни пойлаб куним ўтаяпти, минг афсус. Бу ҳолат яна қанчадавом этар экан-а, дейман ўзимча.

Хонамда кун бўйи қамалиб олиб, худди берилиб ишлайдиган жонкуяр одамдай ўзимни ўзим алдаб яшаганини ўйласам, қанчалар ночор эканлигимни англаб эзиламан. Хўш, додингни кимга айтасан? Эшиладиган, сени тушунадиган, хом ғояларингга қулоқ соладиган жонзор борми?

Ана, жим тинглайдиган гўшак бор, соат уч...

Сармоя...


"Хусусий мулки бўлмаган фуқаро беватандир", деганда ҳақ экан бир файласуф. Бизнинг сармоядорлар қандай одамлар? Уларда ўзлари ҳам сезмаганга олиб турадиган иллат бор. Бу иллат сармоядорларнинг бирбирини тан олмаслиги. Корхонада меҳнат қилаётган ишчи-ходимларнинг иш фаолиятини қадрламаслиги. Арзимаган иш ҳақи белгилаб, боқиманда солиқлардан қочиш, сабаби – иш ҳақини оширса, солиқ тўловлари ҳам ошар эмиш.

Узокни кўрмайдиган, кун ўтиши ҳисобига яшаётган кичик-кичик мулк эгалари йилдан-йилга тугаб, ишсизлар сони ошса-ошдики, камаймади. Натижада кичик корхоналар ўртасида молиявий таназзул вужудга келди.

Бу иллат нафақат сармоядорларда, балки барчамизнинг қонимизда бор. У олимми, файласуфми, шоирми, ёзувчими ёки раҳбарми, оддий ишчи-ходимми – бир-бирини тан олмайди, ҳамма ўзича зўр. Тараққиёт эса олдинга қараб кетаяпти. Бошлиқ японлардан қаеримиз кам, деган билан ўзининг сўзига амал қилмайди. Унда Ватан, ҳалқ учун қайғуриш туйғуси сўнган, бу иллат фарзандларига ҳам ўтиб бўлган. У ўзи чиқкан тепани ўйлайди. Давлатга иложи борича солиқ тўламаслик йўлларини ахтаради.

"Нега бизнинг мулқдорлар японларнинг бойлардай эмас?!" – деб ўйлайман ҳамиша. Ўз ташкилотини иқтисодий тараққиёт даражасини кўтариш учун япон мулқдорлари ўзида мавжуд сармояни сарфлаб солиққа тушадиган даромадни яширмай давлат хазинасини бойитади. Бизда-чи, мана, ўттиз беш йилдирки, иқтисод соҳасида ишлайман. Тажрибамдан келиб чиқиб айтаманки, мен билан ишлаган раҳбарлар иложи борича солиқ тўловидан қочиш йўлларини ахтаради. Бу давоси топилмайдиган дард хўжаликларни инқирозга етакловчи омиллардан биридир.

Бир-бирини алдаш, ғайирилик, димоғдорлик. Мен сендан камми қабилида иш юритиб, ўзаро низоларни авж олдиришади, ривожланиш ўрнига ички зиддиятлар оқибатида корхоналар тугатилади.



Мен гўшакка тўхтовсиз сўзлардим. Бу мантиқсиз ҳаракатим ўзимга жуда ёқарди. Кимdir эшитаётидику, худди дардини қудуққа айтаётгандай, гўё айтмасам ёрилиб кетаман чоғи, тўхтовсиз сўзлардим. Кейин ваҳимага тушиб, қудуқдан қамиш ўсиб чиқса-чи, деб ўйлардим. Нима бўлти?! Кимdir қамишдан най ясад чалса – чалар. Ўзи Искандарнинг ҳақиқатан ҳам шохи бўлганми?...

Кул, ҳеч бўлмаса кулгингни эшитай. Ё менга раҳминг келиб йиглаляпсанми?!

Йигла, тўйиб-тўйиб йигла, йигингни эшитай!

Қандай бўлса ҳам овоз бер, шоввоз!

Дуд-дуд, дуд...

Соат тўрт. Тўрт бўлмай кет, соатга нафрат билан қарайман. Ҳаммасига тўхтовсиз «чиқ, чиқ, чиқ...» этаётган соат айборд.

Яна, «чиқ, чиқ, чиқ...» Қаёққа чиқай?! Қаёққа борай?! Бошимни қайси деворга урай? Гўшақдаги сукунатдан кўра соатнинг бир меъёрда эринмай ўз тилида кишиларни огоҳлантириши, вақт ғанимат эканлигини эслатиб туриши реал воқеа-ку. Ҳаётимда кечаётган бир хиллик, осойишталик, ҳар нарсага кўникиш мени ўз домига олаётган эди.

Одам ҳам шунчалик мутеъ бўладими? Ўз ҳақ-хукукини талаб қилиш шунчалик қийинми? Нега бунчалик манкурт, мижғовсан! Қаердан юқтиридинг бу ғаройиб феълни. Куним ўтса бўлди қабилида яшашдан чарчадингми?! Бола-чақанинг тинчи деб яна қанча йиллар шу турмушнинг шу ботқогида яшайсан! Ёнгинангда нонингни тия қилаётган, кўша-кўша машина, кошона ҳовлилар, етти пуштига етадиган бойликни кўз-кўз қилаётган, номига бўлса ҳам, қолган сукни хайрия деб ногиронларга тарқатाइтган бойвачаларнинг тегирмонига яна неча йил сув куясан? Ўлгунингча куясан. Улар сендан усталик билан фойдаланишади. Тўкин яшашни орзу қилмаганмидинг?! Йиллар ўтиши билан қора ишчига айландинг.

Наҳотки бой-бадавлат яшаш учун одамзот инсоф, диёнат, ишонч, муҳаббат, эътиқод деган туйғулардан кечиб, сўнг давлатга эришса?! Ё бу инсонларга хос қисматми?! Балким мен орзу қилган бойлик ҳеч вақога арзимас. Арзимаса нега бу нокас бойлар ҳар доим уйнинг тўрида, ошиғи олчи, мансаби, мартабаси юқори?!

Шоирнинг шеъри ёдимга тушки:

Қандайин гуноҳим бор эди, Худо,
Рози эдим банди бўлсам зинданга.
Рози эдим жондин бўлсамда жудо,
Мұхтож қилиб қўйдинг мени нодонга!

Қандайин гуноҳим бор эди, Аллоҳ,
Лозиммиди ёвга ё бош эгишим?!
Кураш майдонида панд берди, эвоҳ,
Хоин бўлиб чиқди ишонган кишим!

Қаёққадир кетишум керак. Ўзим бу ҳисни тўлиқ англаб етмаган бўлсам-да, вужудимда ҳукм сураётган тушкунлик, ишларимдан қониқмаслигим мени номаълум томонларга кетишга ундарди.

Ишхонага келиб меҳнат таътилига чиқиш учун ариза ёздим. Ҳали имзо қўйдиришга улгурмаган ҳам

эдимки, хонамга икки киши кириб келди. Ҳужжатларини кўрсатиб, ўзларини таништириши.

– Сизларнинг ташкилотингиз режали текширувга тушган. Мана буйруқ, бу иш режамиз, – деб қофозларини кўрсатди. Улар солиқ идорасидан бўлиб, корхонанинг икки йиллик молиявий фаолиятини ва ишлаб чиқариш самарадорлигини тафтиш қилишга келганини айтишиди.

– Бошлиқ ҳозир йўқ экан. Биз ҳужжатлар бўйича асосан сиз билан ишлаймиз. Шунинг учун ишни сиздан бошлаганимиз маъқул, – деди гавдали, формаси ўзига ярашиб турган солиқ ходими.

– Яхши, лекин корхона раҳбарини огоҳлантириб иш бошлашингиз керак, – дедим хотиржам.

– Майли, кутамиз, – дейишиди. – Биз унгача ғазна, омборхона ва бошқа моддий бойликлар сақланадиган жойларга сизнинг иштирокингизда назорат белгиси кўйиб чиқамиз.

Мен энди гапиришга оғиз жуфтлаётган эдим, бошлиқ шошиб хонамга кириб келди.

Улар билан худди қадрдонлардай саломлашиб, ўз хонасига олиб кириб кетди.


Бир соатдан кўп вақт ўтди. Улар нимани сўзлашиди, менга қоронгу. Ниҳоят котиба бошлиқ чақираётганини айтиди.

Солиқчилар режали текширувни ҳужжатлар асосида бошлашни айтишиди. Уларга алоҳида хона ажратиб, ташкилотга алоқадор икки йиллик ҳисобот ҳужжатларини олиб бориб бердим.

Хонамда ёлғизман. Бунақа текширувларни иш тажрибамда кўп кўрганман. Уларнинг қандай текширув олиб боришини яхши биламан. Номига ҳужжатларни олдига йиғиб олиб, аслида омборхонадан ва ишлаб чиқарилган маҳсулотларнинг таннархидан хатолар ахтаради. Ўзларига тегишли улуши "ҳалоллаб" олишга уринишади. Корхонамизнинг йигирма беш фоиз улуши давлатга тегишли. Акцияларнинг ҳаракати, дивидендларнинг тақсимланишини назорат қилиш органидан ҳам текширувчи келди.

Меҳнат таътилим кечикадиган бўлди. Хизмат вазифаларини бажариш билан овора бўлиб соат уч бўлганини сезмай қолибман. Назоратчилардан менга бир соат халақит қилмасликларини илтимос қилиб хонамга кирдим. Эшикни ичидан қулфлаб қўнғироқни кута бошладим.

Менинг ички вазиятимда қанчалик безовталик бўлмасин ташки кўринишимида вазминлик, ишонч, қатъият ҳукмрон эди. Ўзимга ўзим далда бериб, ҳаётнинг бу ғаройиб ўйини ҳар кимга ҳам насиб этавермаслиги ҳақида ўйлар, бу синов Худонинг менга юборган каромати деб ишонардим. Бу ғайритабии жараённинг нима билан тугашини Худодан сабр тилаб кутардим. Телефон қўнғироғи қандай пайдо бўлган бўлса, худди шундай тўсатдан йўқолади, деб ўзимни ўзим ишонтирас эдим. Яна шуни ўйлардимки, агар қўнғироқ тўсатдан йўқолиб қолса нима қиласман, қанча кунлардан бери сас чиқармай тинглаётган бу қулоқнинг маълум вақтдагина мени сухбатга чорлашига ўрганиб қолган эдим. Назаримда соат учда бўладиган қўнғироқ учун яшаяпману ҳаётимнинг шу бир соати асрларга татигулик даврни эслатарди.



– Алло...

– ...

– Ассалому алайкум, – дея салом бердим мулойм оҳангда.

"Таътилга чиқиш кечикирилди. Режали текширув тугагандан кейин, насиб бўлса, дам олишга кетаман. Унгача, эҳтимол, бирор мўъжиза рўй бериб сен билан бирон жода учрашиб қолармиз.

Ҳаёта нималар бўлмайди? Бу сир-асрорга тўла оламда қизик-қизик воқеалар жуда кўп бўлган. Кўринмас одамлар, учар тарелкалар, бошқа сайёраликлар, рухлар, ажиналар кимларнингдир кўзига кўринган-ку?! Бу ҳақиқатдан ҳеч бир кимса кўз юмолмайди. Сен ҳам шулар шажарасига мансуб ғойибдан кўрувчи, олдиндан шу қисқа ҳаётимиз ҳақида башоратлар айтувчи Аллоҳнинг мўъжизаси бўлсанг, ажаб эмас. Нима бўлганда ҳам, мен сенга жуда ўрганиб қолдим. Шу ёшгача ўзимга бир дардкаш ахтардим. Энди адашмасам, топдим. Тўғри, дўстларим орасида шоир Элёр алоҳида мавқега эга. Унга ишониб дилимдаги бор гапларимни айта оламан. Нима учундир сен жуда бошқача чиқдинг, худди илҳом манбаидайсан.

Сенга кўнглимда газак олиб ётган, тузатиб бўлмайдиган, хом-хатала, пишмаган ўйларимни ҳам айтавераман. Юракнинг туб-тубида, ҳали бирон кимсага айтмаган анча-мунча сўзларим бор. Яхшиямки, Худойим менга сендеқ ноёб ҳамроznи ато этди.

Менинг атрофимда яшаётган одамларга эътирозим ниҳоятда катта. Қалбимнинг энг тўрида ётган, қанча даврлардан бери тинчлик бермаётган, менинг азоб гирдобига тортаётган, тўғриси, эркинлигимга раҳна колаётган бу оғир кўтариб бўлмайдиган тош мен тенги катта-кичик замондошларимнинг ҳам елкасида юқ бўлиб ётиби. Бунақа ҳаёт юкини сезмаганлари эса, бир-бирини алдаш, ҳasad қилиш, қандай йўллар билан бўлса-да, юқори мартабага кўтарилиш, бойлик орттириш, бойлигини кўз-кўз қилиш учун хайриялар тарқатиш, ногиронлар қорнини тўйғазиш эвазига охиратларининг обод бўлишига эришиш никобида яшаётпи. Асл башараларини кўрсатишмайди. Қадимиy ривоятларда айтилишича, диний таълимотларни муқаммал ўрганган бир шайх, уламолар ва одамларни тўплаб:

– Хўш, нима учун Худога ибодат қиласизлар? – деб савол берибди. Гуноҳкор бандалар:

– Аллоҳ бизнинг гуноҳларимизни афв қилишини сўраб илтижо қиласиз, – дейишса, гуноҳ қилмаганлари:

– Охиатларимизни обод қилиш учун, – дейишган экан.

Шунда Шайх яна сўрабди:

– Сизлар Худога рўпара бўлишини хоҳлайсизларми?

– Қандай қилиб? – дейишибди улар.

– Аллоҳга юз тутиш учун икки қадам кўйиш керак...

Биринчи қадам дунёдан (мол-бойлиқдан) воз кечиш, иккинчи қадам охиатдан воз кечиш, – деганида бошқа, Шайх уламолар ғазабланиб дунёдан воз кечишни тушунса бўлади. Лекин охиатдан нега воз кечиш керак, деб уни ўртага олишибди. Шайх уларга тик қараб:

– Кўрдингларми, гуноҳкор оломон бу химматни англамади. Сиз аҳли исплом уламолари Худога юз туладиган одам эмассизлар. Сизлар охиатларингизни

ўйлаб бу дунёни тарқ этгандан кейин жаннатдан жой олиш учун тоат-ибодат қилгансизлар. Юракларинг тўрида у дунёнинг манфаати ётиби. Худо учун, Худо йўлига деб ҳалқни алдайсизлар. Бу қилаётган ибодатларинг ёлғондир, – деган.

Шайху уламолар улуғ Шайхни шаккоклиқда айблаб, унинг ўлимига фатво берган. Кўпгина кишилар кўнглини ёлғон таскинларга тўлдириб, ўзларини ўзлари алдаб яшаяптилар. Бу азалдан бўлган, бундан кейин ҳам бўлади, дейишади жўр бўлишиб.

Дунёга келдингми, иймон-эътиқодингни бутун қилиш учун тавба қил! Тавбангни Тангри қабул қиласиди. Гуноҳларингни (тўхтовсиз гуноҳ қилавер-да) кечиради.

Комил инсонни етиштиришга кўп уриниши, лекин чиқмади. Нега комил инсон чиқмаяпти, деб бонг уришади. Қаерда хатога йўл қўяяпмиз, дейишади. Бандаси тақрор-тақрор хатога йўл қўяверади.

Давраларда уламоларни эслалиб қани энди улуғ шахсларимиз яна кўпроқ бўлса эди дейишади, куюншади.

Лекин уларнинг таълимотларига заррача ҳам амал қилишмайди.

Аллоҳга юз тутиш учун икки қадам у ёқда турсин, ярим қадам ҳам ташламайдилар.

Бўрттириб-бўрттириб улар ҳақида ривоятларни бичиб-тўқишиади. Гўё улар шунга мухтождай. Яна комил инсон ҳақида ўйлай бошлашади.

Кўп ва узоқ ўйлайман... Шу оқимга кириб чўкиб кетайми бўлмаса?! Миллионлаб одамлар туппа-тузук чўкиб-ботиб, кўриниб-кўринмай юрибди-ку. Сен ҳам шуларнинг бирисан-да. Замондан чиқиб қәёққа борасан. Бу ҳолатдан фақат тарки дунё қилиб қутилиш мумкин. Ўзингни ўзинг кўп қийнама. Шунчалар ҳам ношуд бўласанми, жон шунчалар ширинми?! Шайтон бутун вужудингни эгаллаб олибди-ку! Ундан қутилиш йўлларини бобокалонларимиз тақрор-тақрор айтишган-ку. Шунга ҳам бардошинг етмайдими?! Ўзи бардош борми?! Қаердан келувдинг, қаерга кетаяпсан?! Дунёни расво қилиб кетаяпсан-ку!

Айбим шу жамиятда яшашимми?! Нега энди бу дунёга келганим учун айбдор бўлишим керак. Қанча-қанча улуғ ишлар бўляяпти. Шаҳарлар кўркамлаштирилмоқда, янги шаҳарлар бунёд этилмоқда. Алломаларнинг мақбараларини қайта тиклаш, тараққиёт, техника, самолётлар, коинотни ўрганиш, ўзга сайёralарни топиш – буларнинг ҳаммасини менинг замондошим қилаётпику! Нега кўз юмишим керак бу тараққиётдан. Боболарим бу мўъжизаларни кўрганда албатта:

"Баракалла, болам, омадларингни Худо берибди. Худонинг севган бандаларисиз", – деган бўлар эди. Инсоннинг ички қиёфаси-чи, ўзгардими? Худбинликдан чекиндими? Миллион йил олдин яшаган одам билан ҳозир яшаётган одам орасидаги ички ўхшашлик қай даражада? Ўзгарганми?

"Яхшилик қанча тарғиб қилингани билан, ёмонлик унинг аксидалай кенгроқ қулоч кермоқда. Шу нафс балоси бор экан, бу иллатдан одам боласи кутула олмайди. Инсоннинг қизиқишини яхши томонга йўналтириш учун нима қилиш керак? Жамиятни нима бошқарайти? Изла, буларнинг ҳиссиз юрагинг, кар кулғонг, кўркўзинг кўрмаяпти буни..."



Дуд, дуд, дуд...

Соат тўрт.

Беҳол бўлиб қанча ўтирганимни билмайман. Шу ўтиришда оромкурсида қотиб ухлаб қолибман.

Үйғонганимда вақт алламаҳал бўлган чоғи, ташқари қоронғу эди. Хонамдан чиқдим. Идорада қоровулдан бошқа ҳеч ким йўқ. Соат кеч тўққизлар чамаси.

Корхонамиз шаҳарнинг жанубий чеккасида жойлашган, катта йўл ёқалаб аста уйга жўнадим. Атрофимдан физ-физ ўтаётган турли маркадаги енгил машиналарнинг чироқлари кўзни қамаштиради.

Хаёл билан бўлиб, шаҳар марказига етганимни сезмай ҳам қолдим.

Тунги шаҳар. Худди байрамлардагидек ўчиб-ёнувчи ёритгичлар билан безатилган. Йўл бўйлаб тизилиб кетган қатор чироқлар ўзининг чиройини кўз-кўз қилиб, шаҳарга янада салобат, файз бериши билан бирга, кўчани худди кундузгидай чароғон қилиб кўрсатади.

Шу кунларда шаҳар таниб бўлмас даражада ўзгарган эди. Шаҳарнинг қоқ ўртасидан ўтадиган кенг кўча бўйлаб эски шаҳарга борар эканман, бундан бешолти соат аввал гўшакка айтган сўзларимни батамом унутган эдим.

Осмондаги юлдузлар ёниб-учаётган чироқлар билан кўз қисишаётгандай гоҳ хира, гоҳ чароғон нурларини таратар эди.

Йўлкада пиёдалар сийрак кўринади. Бу тунги сайдиринг роҳатбахш озуқасидан тўйиб-тўйиб хузурланаман. Шаҳарнинг тунги манзарасига маҳлиб бўлиб, Одина масжидига етиб келдим. Боболаримиз меҳнатига қанча таҳсиллар айтсан оз. Одина масжиди ёриткичлар қуршовида мовий осмонга учаБтган ғаройиб ярим шарни эслатади.

Масжид устида тўлин ой, бор ёғдусини тўкиб, уни қаёкларгадир олиб кетаётган йўлдошдай фазога чорларди.

Қадим Насаф. Бу шаҳар X-XII асрларда жаҳоннинг энг йирик шаҳарлари қаторида турган.

Мадинаи мунаvvара, Бағдод, Исфаҳон, Нишопур, Марв, Бухоро, Самарқанд, Насаф...

Насафнинг бу кутлуғ шаҳарлар сафига кўшилиши, довругининг оламга ёйилишида шу шаҳарда туғилган, ислом маданиятининг шуҳратига шуҳрат қўшган олим уламоларнинг ҳиссаси катта.

Узоқ ўтмишни ёдга солувчи бу зиёратгоҳ шаҳар, не-не бўхронлар, қанча-қанча урушлар, қирғинлар, вайронагарчиликлар, зилзилаларнинг шоҳиди бўлди. Бузилди, қайта тикланди, яна бузилди... Собиқ Шўролар даврида Одина масжиди жиноятчилар учун хибсонага айлантирилди...

Эрталаб, ишга келгач, турли ўйлар гирдобида паришин ўтирап эканман, телефон жиринглади. Соатга қарадим. Соат ўн бир.

Гўшакни олдим.

– Алло?!

– Ассалому алайкум, Эрқор ака, – деган овоз эшитилди гўшакдан.

– Ҳа, шоирим, бормисиз? Нега узоқ жим бўлиб кетдингиз?

– Пойтахтдаман. Бир олам янгилик, яқинда бора-

ман, гаплашамиз. Янгамга, жиянларга, дўстларга салом айтинг.

– Хўп, ўзингиз ҳам соғ бўлинг, Элёржон! – дедимда, гўшакни қўйдим.

Яна иш. Тафтишчиларга арзимаган камчиликларни тушунтириш, уларни тушликка олиб чиқиб, меҳмон қилиш, шунга ўхшаш кунлик ташвишлар менинг зиммамда. Соат учга яқинлашган сайин ўзимни ноқулай хис эта бошлайман. Меҳмонлардан узр сўраб, хонамга кирдим. Эшикни бекитиб, қўнгироқни кутдим. Телефон жиринглади. Гўшакни олдим.

– Омонмилар, менинг фариштагинам!

Бугун нима учун мен бой эмаслигим ва бўла олмаслигим тўғрисида гапирмоқчиман. Биламан, ишлаб чиқаришини йўлга кўйишга сармоям йўқ. Ёлланиб ишлайман. Ҳали косам оқармади, сочим оқарди. Худойим яна қанча умр бергани ўзига аён. Ёмон яшамайман. Яхши ҳам эмас, ўртача, одамлар орасида бир гап борку: "Қозиқнинг боши ҳам, учи ҳам бўлма. Боши бўлсанг гурзи ейсан, учи бўлсанг, ерга кирасан. Ўртаси бўл". Қозиқнинг ўртаси, қозиқнинг боши ерга киргунча, то бирон болта келиб энди керак эмассан, деб ёриб ташлагунча яшайверади...

Эҳтимол, менинг пешонамга қозиқнинг ўртаси бўлиш ёзилгандир. Бой бўлиш айб эмас. Мен ўттиз беш йилдан бери тер тўкаман. Бой бўла олмайман. Бой бўлишнинг ўз сирлари бўлса керак. Бойлар бу ҳақда лом-мим дейишмайди. Бир танишим бор, яхшиси шу одам ҳақида сўзлаб берай. Исли Мардон. Бирон бир давлат идорасида ишламайди. Данғиллама ҳовлиларидан ўнтасини биламан. Укасининг, жиянининг, болаларининг номига қуриб ташлаган. Машинасини ҳар ой алмаштиради. Айтишича, "бизнес" билан шуғулланади. Дўқонларга ҳар хил спиртли ичимликлар тарқатади. Иқтисодий ахволи тарагланашганда, олдимга маслаҳат олгани келади. Албата куруқ қўл билан эмас, тўлиб-тошиб, бир ойга етадиган озиқоватни усталик билан йўлни қилиб рўзгоримга ташлаб кетади. Рафиқам, рўзгорда камчилик кўпаяверса, анави "бизнесмен" жўрангиз кўринмай қолди, ишлари яхшими дейман, деб менга шама қиласди.

Бир куни шу "жўрам" дардини тўкиб солди. Анчагина кайфи бор. Менга жуда ишонишини, агар рухсат берсам, чала турган ҳовлини тез кунда битказишини, унга жуда ёқишимни, менинг маслаҳатларим боис кўп ютуқларга эришаётганини айтиб, баландпарвоз гаплар қилди. Кейин секин қулоғимга шивирлаб: «Яна битта ароқ цехи очдим, мана беш йилдирки, дала ҳовлим ертўласида ўғилларим билан ароқ тайёрлаймиз. Кечаси ишлаймиз. Мен биламан бу бойликлар қаердан келаётганини. Тўғриси, ёмон яшамайсану бой бўлиш қийин. Маҳаллага катта мачит қуриб бердим. Давлатимга давлат қўшилишини сўраб, ҳаққимга дуо қилишяпти. Ҳар ой уларни чақириб худойи қилиб бераман. Чиқим ҳам қилиш керак-да. Кеча меҳрибонлик ўйига иккита рангли телевизор, иккита совутгич ҳадя қилдим. Насиб бўлса йилнинг охирида битта «Дамас» машинаси олиб бераман. Бу ишни ҳозир амалга оширишга кучим етади. Баъзи одамлар кўролмайдими, ишонч рақамларига қўнгироқ қилиб ёки юмалоқ ҳат ёзиб, жигимга тегишади. "Борни кўролмайди, йўққа беролмайди". Бунақалар ҳам анчагина. У куни устин-

гиздан шикоят тушган деб роса титкилашди. Ароқ ишлаб чиқарадиган цехларим шаҳардан ташқарида. Уни ўзим, ўғилларим билади. Барibir, меҳмон қилиб, совға-салом билан жўнатдим..."

– Ўчирасанми, йўқми овозингни?! – бақирдим фиғоним ошиб. Йўқол! Аблаҳ! Иккинчи қорангни кўрмай! Аҳмоқ. Лўттибоз!!!

Овозим баланд чиқаётганини эшишиб ўғлим чопиб келди.

– Олиб чиқиб ташла бу итни, – дедим ҳансира.

Ўғлим Мардонни қўлидан ушлаб олиб чиқиб кетди.

Бу мен билган манзараларнинг эна кичкинаси. Бойлик изидан кувиб, не-не расво ишлар билан шуғулланиб юрган каслар озми?! Қайси шаҳарга борма – тиқилиб ётиби. Уларнинг қармоғига илинаётган ёшёш қизлар камми... Тақинчогу совғаларга ўч бўлган қиз-жувонлар машшат ботқоғига ботмоқдалар.

Эй, гўшак, сенга айтаяпман. Бу беҳаёқ кинолар ёшларни қаёққа бошпаяпти? Ҳамманинг ҳам бардоши бир хил эмас-ку. Ўзини тия биладиганлари ҳам бор. Лекин бу иллат болалагандан болалаб, муҳитни бузаяпти. Унинг олдини олиш йўлини қанча излама, тўхтатишнинг ҳеч иложи йўқ. Мамлакатга яширин йўллар билан кириб келаётган яланғоч, беҳаёқ расмлар ва касеталар оқимини ким тўхтата олади?! Де Саднинг расволоварча ёзилган китобини ўқиётган одамлар ҳаёт тўғрисида нималарни ўйлайпти? Ёки бу ўтиш даврими? Инсон зотига тўғри келмайдиган бу жоҳилликни инсоният бошидан кечириши керакми?!

Бир пайтлар буюк ҳинд ёзувчиси: "Эй Аллоҳ, ҳеч қачон Ҳиндистонга Мопассан келмасин", деб илтижо қилган экан.

"Ўғил болани кўп пул, қиз болани кам пул издан чиқаради", дегани рост. Тарбия қачон бузилган? Бой бўлгин-да, муҳитни истаганингча бузавер, дегани эмас-ку?! Бу касалликларни даволашнинг иложи борми?! Иложи бўлса нимани кутаяпмиз?!"

Дуд, дуд, дуд...

Сукунат. Бошим қизиб кетди. Соат миллари тўртни кўрсатмоқда. Ҳеч ким билан хайрлашмай уйга жўнадим.

Нега мен гўшакни олганда фақат қора доғларни кўраяпман? Ҳаёлимда олдингидай мавж урувчи соф, тоза фикрлар ўрнига ҳаёт оқими нуқул иллатлардан иборатдай туюлаётпти. Ўзи кимман? Бу дунёга нимага келдим? Ёруғ дунёга келишим менинг ихтиёримда эдими? Вужудимни қамраб олаётган, менга таҳдид солаётган вахималар қаёқдан келаяпти? Энди нималарнидир англаб ета бошлаганимда ёруғ оламдан нечун кўз юмишим керак? Нима учун ҳад-худудсиз коинот тизимида, ҳеч қандай қадриятларга эга бўлмай, тасодифларга тўла ҳаётнинг оддий ўйинчогига айланиб қолишим, умримнинг самарасиз ўтиб кетишига йўл қўйиб беришим керак?!

Нега?!

Шунча йиллик ҳаёт тажрибасига эга бўлган мендек одам ҳам бу саволларга жавоб топишга қийналар эдим. Юк жуда-жуда оғир, уни кўтаришга илм етишмасди. Илм бўлганда ҳам ботиний илм йўқ. Ер юзида ҳозирги кун маълумотларига кўра етти миллиард

одам яшашини инобатга олсак, шу одамлар яна юз йилдан кейин ном-нишонсиз тупроқа қоришиб йўқ бўлиб кетишини, улардан саноқлигина номлар, яъни тараққиётга ҳисса кўшган (олимлар, ихтирочилар, шоирлар, ёзувчилар, рассомлар ва х.) ларнинг номлари қолишини эсласам, ўшаларнинг бири-да мен ҳам, ном-нишонсизлар сафида йўқ бўлиб кетаман дердим. Ўрнимизга худди бизларга ўхшаган яна тўқиз миллиард одам қайтадан дунёга келиб, борлиқда бу ҳолат неча бор тақрорланиши ажабланарли. Бундан дунёга нима фойда?!

Эй, тинчгина ўз оиласи бағрида, ойнаи жаҳонда ҳар хил сериалларни кўриб, ҳалол-покиза яшаётган эдинг-ку. Қайт шу ҳаётга...

Эҳ, тезроқ тафтишчилар ишини тугатсалар эди. Бироз дам олган бўлардим. Бутун танам, асабларим зўриқандан зўриқаяпти...

* * *

Ишга барвақт келдим, ҳамишагидек узундан-узок иш, тушунтиришлар, қоғозбозлик.

Ишхонамда ўзимга ўзим ҳисоб бериб, радионинг овозини кўтариб кўйдим. Радиодан майин мумтоз куй янгради. Оҳанги шу қадар ёқимли, худди бу куй менга ором бериш учун таралаётгандай эди, ёмон хаёллардан ўзимни чалғитишига уриндим. Мусиқа қалбимдаги вахимани сиқиб чиқарди гўй...

Хонамга тафтишчи кириб келди. У радионинг овозини бироз пасайтириди-да:

– Мумтоз кўйларни ёқтирап экансиз-да, – деди рўпарамдаги стулга ўтириб: – Текширувни якунлаш арафасидамиз. Ҳисоботлар бўйича эътирозим йўқ. Қанийди, ҳамма ҳисобчилик сиздай ишлашса. Кўп ташкилотларни текширганман. Ҳеч қайсисидан қониқмаганман. Ўчириб ёзишлар, бошлангич ҳужжатлардаги чалкашликлар, ҳужжатларни тўлиқ тақдим этмаслик текширувни орқага суради ва мураккаблаштиради. Сизда ҳаммаси оддий, жой-жойига қўйилган. Андоза сифатида кўргазмага қўйса арзиди.

– Раҳмат, – дедим фикрларимни бир жойга тўплаб қаршимда турган, мендан ўн беш ёшларча кичик йигитнинг юзига бўқарканман. У жуда хотиржам. Эгнидаги формаси ўзига ярашган. Енги калта кўйлагидан бақувват мускуллари унинг кучга тўлганлигини кўрсатиб турарди. Үнга бир оз қараб турдим-да: "Савол берсан бўладими?" – деб сўрадим.

– Марҳамат, кўлимдан келса жавоб бераман, – деди у мулоҳимлик билан.

– Ойлигингиз қанча?

– Шартми жавоб беришим, – деди у ажабланиб. Қуюқ қошлари чимирилди.

– Жавоб бермасангиз ҳам майли, шунчаки сўрадим-кўйдим, – дедим.

– Сиз менинг янги машинада юрганимни кўриб шу саволни бераяпсиз чоғи? – деди.

У безовталана бошлади. Ноқулай ҳолатдан чиқиш учун бўйинбоғини тўғрилаган бўлди-да, ўзини хотиржам тутишга уринди.

– Узр, ноўрин саволим учун. Кечиринг мени, бекорга кирмагандирсиз? Хизмат? – дедим.

– Менга сизнинг иш услубингиз ёққани учун айрим ўзимга боғлиқ нарсаларни сўрагани кирган эдим. Малол



келмаса, тушунтирсангиз, пишиқ ғишт ишлаб чиқариш бўйича тежамли, арzon лойиҳаларни сиз яратган экансиз. Бу борада ажойиб натижаларга эришибиз.

Сиз ҳақингизда кўп одамлардан эшитдим, қайси ғишт заводига бормай, бу Эркор аканинг лойиҳаси бўйича курилган дейишади. Ҳақиқатан ҳам, шу кечакундузда улар жуда яхши натижа бераётганига ўзим гувоҳман. Мен ҳам пишиқ ғишт ишлаб чиқарадиган корхона очмоқчиман. Ўзингиз бош-кош бўлсангиз, харражатлари менинг ҳисобимдан, – деди у паст овозда.

Мен иккиланмай унинг юзига қараб: "Йўқ", – дедим.

– Нима учун ўйлаб кўрмасдан рад жавобини берайпиз?

– Сабаби шуки, сиз ёшсиз, қолаверса, нозик жойда (солиқ идорасида демадим) ишлайсиз. Ишлаб чиқаришнинг моҳиятини билсангиз-да, унинг манбаларини билмайсиз. Билганингиздан кейин эса, жиноят йўлига кира бошлайсиз. Кейин қайтиш қийин. Шунинг учун тинчгина ўз ишингизни давом эттирганингиз маъқул.

– Сиз бу ерда ишлаб жиноят қиласпизми? – деди унинг важоҳати ўзгариб.

– Йўқ, жиноят қилмаяпман, жиноятчиларнинг орасида ишлайпман, – дедим кўзимни лўқ қилиб.

– Қандай жиноятчилар? Нега биз кўрмадик? Ким улар? Бизга айтинг, чора кўрайлик? Мен сизни тушунмадим. Шунча йилдан бери бирга ишлаган одамларни қандай қўрқмасдан жиноятчилар дейсиз!

– Ҳазиллашдим, – дедим хотиржам. – Сизни синамоқчи эдим. Жуда хушёр экансиз. Ёшлар шундай бўлиши керак. Доим сергак, ҳар қандай хавфга зарба беришга тайёр туриши шарт. – Ўрнимдан туриб, қўлини маҳкам сиқиб қўйдим. У нима қилишини билмай, каловланиб ўрнидан турди. "Қизиқ, жуда қизиқ", – деди-да, хайрлашмасдан чиқиб кетди.

Ха, солиқчи укам, жуда қизиқ. Энг қизиги шу ердаки, ҳамма балони билиб турибсан. Пишиқ ғишт ишлаб чиқаришни обдон ўрганиб, менинг олдимга кирдинг. Аввал бу содда лойиҳаларни ким яратганини, қўёш нурида текинга қуриётган хом ғишларнинг ҳисоб-китобини қилиб хумдонларга жойладинг. Пишиқ ғиштлар жарақ-жарақ пул бўлиб тинчингни бузди. Келаетган фойда ҳисобсиз эканлигини англаб етдинг. Кейин менинг олдимга келиб, aka, корхонани курайлик, ўзингиз бошқарувчи бўласиз, дединг.

Соатга қарадим, соат миллари учни кўрсатмоқда. Телефон жиринглаши билан, гўшакни олдим. Вужудимни жунбушга келтирувчи, ўзимни ғойибона қўлловчи, қўргоним десаммикан? Нима десам ҳам, мени тоқат билан эшитувчи, сўзларимни бўлмай, барча ҳасратларимни бирга тингловчи, эй овозсиз, тилсиз, кулоқсиз, кўзсиз, жарангиз, жонсиз ҳамроҳим. Сенинг бир соатлик ташрифинг, менинг йигирма уч соатлик умримдан буюк.

"Хаёлларим пайҳон-пайҳон, ўйларим сарсон, кўнглим-чи вайрон-вайрон. Ичимда яшар бир одам, ташимда яшар бир одам. Иккиси ҳам менман-ку. Яйраган ҳам мен бўлдим, яйрамаган ҳам мен бўлдим. Қақшаган ҳам мен бўлдим, қақшатган ҳам мен бўлдим. Ўзлигини унтиб яшамаган ҳам мен бўлдим. Ўзгаларга ўз бўлган, тузлиғига туз бўлган, шўр пешона мен бўлдим. Ҳай, айтайн нелардан, сўзидан қайтган мен бўлдим. Юра-

гим пора-пора, танам қалтирад, қара. Бу аҳволда куним ўтар, не чора? Яна қанча яшайман, Худо билар. Борлигимга шубҳам бор, гумонларим минг пора... Эй парилар-парилар, сўзланг, жим туриш етар..."

Негадир жим бўлиб қолдим. Тилимга қўйилиб келаётган сўзлардан ўзим ҳам таажӯбланиб соатга қарадим. Соат ўн беш дақиқа кам тўрт.

Бурнимдан қон кела бошлади. Чап қўлим билан стол тортмасидан пахта олиб бурнимга тиқдим. Қон тўхтагандай бўлди. Гўшакни стол устига қўйиб, эшикни кулфладим. Мени бу ҳолатда кўришларини хоҳламас эдим.

Анча вақт осмонга қараб турдим. Бурнимни, юзими совуқ сув билан ювдим. Қон тўхтади. Келиб гўшакни олдим.

"Ҳаммасини сезиб турибсан-а?

Мени қандай аҳволга солдинг. Ёки шаънингга ножӯя сўзлар айтдимми?

Устингдан кулдимми?"

Дуд-дуд...

Жимлик. Соат тўрт.

Ўзимга келишим анча қийин бўлди. Кимлардир хонамнинг эшигини тортиб кўрди, тақиллатди. Сассиз ўтиравердим.

Соат олтиларда уйга қайтдим.

Рафиқам мени кўриб:

– Рангингиз оқариб кетиби, нима бўлди? Мазангиз йўқми? – деб саволга кўмиб ташлади.

– Ҳа, негадир мазам йўқ, – дедим жавоб беришдан қочиб.

Юмшоқ кўрпага ўралиб, ухлаб қолибман...

Эртаси куни тонгда ишга боришим билан, мени Карим Суярович сўраётганини айтишди.

Хонада текширувчилар ҳам бор эди, бошлиқ чақчаклашиб нималарнидир муҳокама қиласпизган экан. Ходимлар билан саломлашиб бўш стулга ўтиредим.

Карим Суярович менга синчиклаб қаради-да:

– Мана, текширув далолатномаси, танишиб, имзо кўйиб беринг, – деб бир нусхани қўлимга тутқазди.

Далолатнома ҳайрон қоларли даражада ёзилган эди.

Гўё ҳужжатлар асосида текширилганда ишчиходимлардан ушланадиган даромад солиги кам миқдорда ушланган. Айрим ойларда, ушланган солиқ йигими ўз вақтида солиқ идораси ҳисобига қўчирилмаганлиги сабабли ҳар кечиккан кун учун жарима солинган эди. Маҳсулот сотишдан олинадиган ягона солиқ бўйича ҳам солиқка тортиладиган сумма камайтириб кўрсатилган ҳоллар мавжуд. Ўқидим: "Ташкилот ҳисобидан солиқка ундириладиган жами сумма кўлланилган жаримаси билан 1240000 (бир миллион икки юз қирқ минг) сўм ундирилсин. Ташкилот раҳбари, бош ҳисобчиси йўл қўйилган нуқсонлар учун маъмурий жавобгарлика тортилиб, беш минимал иш ҳақи ҳисобида жарима ундириб олинсин".

Ажабланиб солиқ инспекторига қарадим. Бошлиқ нимадир дейишимни билди-да:

– Эркор Орипович, юринг хонангизга, сизга баъзи нарсаларни тушунтириб бераман, – деб мени хонамга бошлади.

– Биласизми, – дея гап бошлади у. – Агар ҳозир шу далолатномага имзо қўймасак, аҳвол чатоқ. Со-

тилган маҳсулотларнинг баъзилари кирим қилинганини аниқлаган. Бундан ташқари, омборхонадаги камчиликларни ҳам далолатномага ёзишса, солиқдан катта миқдорда қарз бўлиб чиқамиз. Биз ўзаро келишдик.

Хужжатлар бўйича далолатномада қайд этилган камчиликлар йўқ бўлса ҳам, ўзим рухсат бердим. Оппоқ деб ёзиб кета олмайди-ку. Сиз иккиланмай имзо кўяверинг, бу ёғига ўзим кўндаланг, – деди бошлиқ асабийлашиб.

– Мен тушуна олмаяпман, Карим Суярович. Агар мен билан маслаҳат қилганингизда, далолатномани бошқачароқ қилиб ёзишига кўндирадим. Ҳойнаҳой, анча-мунча харажат қилгандирсиз, – дедим ўзимни хотиржам тутиб.

– Сиз имзо қўйиб беринг. Вассалом, – буйруқ оҳангиди деди Карим Суярович.

– Йўқ, – дедим шартта. Қандайдир ички куч шу сўзларни айтишга ундади мени.

– Мен, хужжатларда акс этмаган, ёлғон далолатномага кўл кўймайман, – дедим. Карим Суярович худди айбини тезгина бўйнига олган одамдай:

– Шунча йил бирга ишладик, ака-укачилик ҳурмати мени шарманда қилманг. Энди барча маҳсулотларни тўлиқ кирим қилдирман. Бунака чўнтағимдан пул тўлаб ишлаш ўзимнинг ҳам ҳиқилдоғимга келди. Ишонинг менга, – деди ялинган оҳангда.

– Мени озроқ ёлғиз қолдиринг, ўйлаб кўрай, – дедим. Карим Суярович чиқиб кетди.

Хўш, кўл кўймасам нима бўлади? Демак, ишдан кетаман. Кейин-чи? Қаерга иш қидириб бораман?! Бу эски най кўп вақтдан бери бир хил куйини чалаётган бўлса...

Бошингни кўп қотирма, далолатномага имзо қўй. Мендаги охирги ўй ўз ҳукмини ўтказди. Ҳақиқатдан кўркоқнинг кўрқоғи эканман, далолатномага имзо қўйдим. Котибани чақириб, қофозларни бошлиққа олиб боришини айтдим.

Бутун танам зирқираб, шу қадар ночор, ҳеч кими йўқ, суннчиқсиз кимсадай нотавон эканлигидан уялиб кетдим. Мен ичимдаги бу ўйларимни ўзгартира оламанми? Уларнинг гирдобида парча-парча бўлиб йўқолиб кетмайманми? Ҳозир борманими ўзи? Яшашим ёлғон, сўзим алдовлардан қурилган. Йўқ ҳисобиман. Бу тушкунликлар хаёлимга қаёқдан келаяпти? Охирни борми? Миямга бостириб келаётган қора қуюндан қутулишнинг чорасини излардим.

Чалғишим учун шоирнинг телефон рақамини тердим.

– Ассалому алайкум, муҳтарам шоири олам. Соғликлар яхшими? Сизни жуда соғиндим. Ҳозир қаердасиз?

– Ваалайкум ассалом, Эрқор ака. Ишларингиз яхшими? Янгамлар, болалар омонми? Ҳозир пойттахтдаман. Яқинда бораман, албатта учрашамиз. Ўзингизни эҳтиёт қилинг. Тез кунда учрашгунча, хайр.

Гўшакни қўйдим. Шоирнинг овозини эшитиб тети-клашдим. Кучимга куч қўшилиб, кайфиятим кўтарилигини сеза бошладим.

Ички телефон жиринглади.

– Эрқор Орипович, меҳмонлар билан тушлик қилсанак девдим. Овлоқ бир ошхонага овқат буюрганман.

Бирга борсак. Нима бўлганда ҳам хайрлашув куни, – деди Карим Суярович.

– Раҳмат, мен ўзимда бўламан. Сизлар bemalol тушлик қилаверинглар, узрим бор. Ҳафачилик йўқ, – дедим.

Яна ёлғизлик. Энди Карим Суярович ҳақида ўйлай кетдим. Карим Суярович ёш бўлса-да, ҳамма соҳага қизиқувчи, ҳаётнинг паст-баландини ўзича талқин қиласидиган, раҳбарлик унга ота касб эканлигидан магурланиб юрадиган зотлар сирасига киради.

У ишлаб чиқаришни оёққа қўйиш мақсадида каттагина сармоя сарфлади. Эндиги нияти корхонани тұлиқ хусусийлаштириб олиш.

– 25 фоизи давлат улуши бўлса, 10 фоизи ишчиходимларники, қолган 65 фоизи Карим Суяровичнинг мулки ахир. Унинг менга ёқмайдиган жиҳати, хотинларга ўчлиги. Аёллар ҳам пули кўплигини билиб, ортидан югуришади.

Хатто баъзилари адашиб менинг хонамга ҳам кириб қолишиади. Суқсурдай ёшгина жувонлар тараффудланиб мени бошлиқ деб ўйлайди шекилли, чақирган экансиз, деб гап бошлайди. Шундан биламанки кўпчилиги Карим Суяровични кўрмаган, танишиш мақсадида келган бўллади. Булар учун ҳаёт лаззатдан иборат. Карим Суяровичнинг назарида севги қорин тўйғизмайди. Ҳирс-ҳавасга қоришган туйғулар кўшилганда шунга ўхшаш, одамнинг қорни очганини англатувчи ширин иштиёқ пайдо қиласиди. Қориннинг тўйдими, унугасан, лекин биласанки, қорнинг яна очади. Қоринни доим тўқ сақлаш танга зарар, шунинг учун оч қолиб, овқат ейиш ажойиб "лаззат" бағишлидайди. "Муҳаббат оҳ-воҳлар билан бошланиб, эснаш билан тугайди", деган ақидага жуда ўхшаш.

Ҳозирча котибасини беш марта алмаштириди. Билмадим, яна неча бор алмаштиаркин.

Моҳира негадир кўпроқ ишлаб қолди. Унинг келишган қомати, кўрки менман деган эркакни ўзига жалб қиласиди.

Карим Суярович нозиктаъб Моҳирани очиқасига ҳаммадан қизғанади. Ўзича унинг қаерга борганини, дам олиш кунлари нималар билан шуғулланишини одам ёллаб бўлса ҳам, кузатиб юради. Хуллас, Карим Суярович бировларга ўзини хафа қилдирмайдиганлар тоифасидан.

Бу фикрларимнинг гўшакка қизиги йўқ. Мен ҳам шунчаки ўйладим, холос.

Таътилга чиқиш ҳақидаги аризамни олиб, Карим Суяровичнинг қабулига бордим. Тушлик аллақачон тугаган. Котибдан сўрадим:

– Ўзларидами?

– Ҳа, – деди Моҳира менга жилмайиб. Юзининг тиниқлиги, юонон маъбуналарини эслатувчи чехраси, кўзларидаги беғуборлик. «Ё алҳазар, Моҳирани Карим Суяровичга боғлаган ришта нима экан? Ўйладим. Албатта гўзаллиги», деб ўзимча пиҷирладим. Ичкарига кирдим.

Карим Суяровичнинг кайфияти жойида. Мехмонлар билан яхши базм бўлган шекилли, юзига қизиллик юргурган эди. У телевизордан Москванинг спорт каналида берилаётган теннис ўйинини томоша қиласди.

Мен тик турган ҳолатда аризамни Карим Суяровичга узатдим.



У аризамни қўлига олиб ўқиди-да:

– Ҳозир таътилга чиқишинг мавриди эмас, – деди. – Банқдан шу кеча-кундузда қарз оламиз. Банк бошлиғи билан келишганман, имтиёзли қарз беришга рози бўлди. Қарз олишга тааллукли ҳужжатларни тайёрлаб банкка боринг. Хоҳласангиз, ишни эртага эрталабдан бошланг. Кейин аризани кўриб чиқаман. Маъкулми! – деди думалоқ, айни вақтда қизғиш тус олган юзини менга қаратиб.

– Мени тўғри тушунинг, Карим Суярович, кўпдан бери ўзимни жуда ноқулай ҳис қиласяпман. Бирон яхшироқ клиникада тиббий кўриқдан ўтишим керак. Гап соғлигим тўғрисида кетаяпти. Ҳужжатларни муовиним рисоладагидек тайёрлаб олади.

– Йўқ. Мен муовинингизга ишонмайман. Унинг оғзида гап турмайди. Моҳирани ҳам менга қарши қайраётган сизнинг муовинингиз. Ҳужжатларни ўзингиз тахланг. Пулни ҳисоб рақамга туширинг-да, бемалол дам олишга бораверинг. Моддий ёрдам пули ёзиб бераман. Ахир даволанишга пул керак-ку?

Хонадан чиқдим. Банкка тааллукли ҳужжатларни тахлашга киришдим. Соат тўртдан кейин банкга бораман, ҳужжатларни бемалол шу бугун топшираман. Банк ҳақидаги фикрим ниҳоятда ноxуш. Банк билан боғлиқ ишлар кўпинча жанжал билан битар, баъзан бошлиқнинг ўзи аралашиб ишни тинчтар, кўпинча келишмовчилик юзага келарди. Ишчи-ходимларга маош олганимизда нақд пул йўқ деса, бирон ташкилотга маҳсулот олиш учун ўтказиладиган пулни вақтида ўтказмай ҳафсалани пир қилар эди. Бу можаролар ҳар куни бўлмаса-да, ойига уч-тўрт маротаба бўлиб турарди.

Соатга қарашга юрагим бетламасди. Назаримда телефондаги номаълум шахс, мен ҳақимда кўп маълумотларни биладигандай, қандайдир ноxуш воқеа бўлишини ич-ичимдан сеза бошладим. Қанчалик ўзимни хотиржам тутмай ичимдаги тошқин, катта ташвиш юзага келишидан хабар берарди.

Телефон жиринглади. Соат уч. Гўшакни олдим.

...Жимлик. Негадир унга дардларимни тўкким келмай қолган эди. Нима бўлганда ҳам бир соат гапиришим, унинг менга бўлган тоқатини ҳурмат қилишим керак, деб ўйлайман.

Олис болалигим ҳақида гап бошладим.

"Мен Эрқор 1950 йилда қиш ойида Тошгузар қишлоғида туғилдим. Отам Ориф ўғли Элдор 1918 йилда, онам Аҳмад қизи Хурсанд 1926 йилда шу қишлоқда чорвадор оиласида дунёга келган.

Улар уруш тугаши арафасида оила қуришган. Опам Оймеҳр 1948 йилда, синглум Машар 1956 йилда, кичик синглум Гулнор 1958 йилда – айни юрт қашшоқлашиб, одамларнинг қорни нонга тўймаган даврда туғилишган.

Отамнинг от араваси бўлиб, бизнинг оиласи, қолаверса, бутун қишлоқнинг оғир кунларида мададкор бўлганини, турмушнинг аччик қийинчиликларини енгишда катта хизмат кўрсатганини, ҳали-ҳали одамлар оғзиларидан қўймай гапириб юришади.

Эсим кириб мактабга борганимда, отам менга янги кийим олиб берган. Тушдан сўнг уйга келсам, итимиз мени танимай уйга киргизмаган. Шуларни эсларканман, болалигимнинг энг баҳтиёр дамлари баҳор бу-

лутидай шамолларга ўйин бўлиб ўтиб кетганини ҳис қиласман, холос.

Синфдан синфга аъло баҳолар билан ўтиб, ёшимга ёш кўшилган сари, турмушимиз ҳам фаровонлашиб бораради. Тўйиб овқат ердик. Мириқиб болалар билан ҳар хил ўйинларни ўйнар эдик: чиллак, ошиқ, зув-зув, бекинмачоқ, уруш-уруш, ланка, оқ теракми-кўк терак, подшо-вазир, соққа, мак-мак, пойга...

Саккизинчи синфга ўтгач, таътил вақтида қўшни қишлоқда яшовчи Фотима холамникига меҳмонга кетдим. Икки ойки болалар билан ўйин гаштини сурib чопқиллаб юрганимда, холам келиб: "Эрқор, тез бўл, ўйингга кетамиз, – деб қолди. – Ўйинг қўиди, болам", – деди-ю, уввос солиб юборди. Ўн тўрт ёшдаги ўспирин нима бўлаётганини тушунмай, вужудим титраб кетди. "Нега ўйим қуяди? Ким ўт қўиди, холажон", деганимча ўйимизга етиб келдик. Ҳовлимизда бутун қишлоқ йиғилган, хотин-қизлар "ув-увлаб" йиғлашади. Деворга тўртта тобут суялган. Иккита кичик, иккита каттароқ ёғочдан ясалган бу хунук тахталарни ҳали-ҳали нафрат билан эслайман.

Наҳотки ўт тушган бўлса, нега ёнгин кўринмайди. Юрагим шувиллаб, жойимда ўтириб қолдим. Катта момом (менинг киндигимни кесган) Беғам момо бошимни үқалаб: "Эрқоржон, сен омон бўл, Худойим уларнинг умрини сенга берсин. Ўзингни тут, гавдангни кўттар, сен йигит кишисан, сен эрсан, йигитлар, эрлар йиғламайди, болам. Бевақт ўчган ўйнинг чирогини энди сен ёқасан. Отанг ҳам йўқ, онанг ҳам йўқ, сингилларинг ҳам йўқ. Опанг мажруҳ, касалхонада. Ўзингни ушла, болажоним", – деб уввос солиб йиғлайди.

Кўзларимга бир қатра ҳам ёш келмасди. Гўё ёш кўзимда музлаб қолгандек эди. Момомнинг дийдиёлари, эркаг-у аёлларнинг фарёди ҳам бу музыни эрита олмади. Қанча вақт ўтганини билмайман. Мени уйга олиб киришди. Ўйнинг тўрида отам чиройли, қора соқоли ўзига ярашган, уйқуга кетган одамдай ётарди.

– Отанг билан хайрлаш, – деди елкамдан тутиб амаким.

Мен тош ҳайкалдай қотиб қолгандим.

Мени бошқа хонага киритишиди. Онагинам гулдор матога ўралган, фақат юзи очик, худди менга қараётгандай эди. Ёнларида иккала синглум ҳам матога ўралган, юзи очик, тепага қараб ётишарди. Тамоман ўзимни йўқотиб қўйдим. Мозор тепасидагина ўзимга келдим. Худойшукур амаким қўлимдан тутиб, олдин отамнинг қабрига, кейин онам ва сингилларимнинг қабрига бир сиқим тупроқ ташлатди. Хаёлимда яшин тезлигига "Опан қани? деган мудҳиш садо янграгандай бўлди. Амаким сезди шекилли:

– Опанг касалхонада. Худога шукур, ҳозирча яхши, – деди бошимни силаб. Юрагимни бир умрга мажруҳ қилган бу манзара умрбод кўз ўнгимда, то қиёматгача унутмайман...

Шу билан менинг ўсмиrlигим якунига етди. Бирданига катта одамлардай, ташвишларга кўмилган қиёфада улғайган эдим. Момом бекорга уввос солиб йиғламаган экан, эр бўлдинг деб. Мен йигитликни сакраб ўтиб, ўзимни кап-катта эркақдай тутардим.

Опам анча ўзига келиб уйга қайтди. Үндан нима воқеа юз берганини сўрашга кўрқардим.

Амакимнинг айтишича, отам бозордан сара буғдой дони олиб, уни тегирмонда ун қилдирган. Мен бўлмаган икки ой ичидан онам тегирмон унидан нон қилиб ёпгандар, ҳаммалари ейишган. Баъзи ҳамсояларга ҳам улашганлар. Ун заҳарланган экан. Улар оз истеъмол қилганлиги сабабли касалхонада даволаниб соғайиб кетишган. Шифокорлар опамнинг тирик қолганига ҳайрон. Ёш бўлгани учун заҳарга қарши кураша олган, дейишади.

Амаким отни ва аравани сотиб, бизнинг камкўстимизга ишлатдилар. Холам келиб опамни ўз уйига олиб кетди. Амаким менинг ҳовлида қолишимни, агар кетсам, уй бузилиб кетишини тушунтиридилар. Ёлғиз ўзим катта, ҳувиллаган уйда яшарканман, тақдиримда ўсмирилгимдан ёлғиз яшаш битилганини у вақтлар тушунмас эдим.

Опамни ўн етти ёшида қўшни қишлоққа турмушга беришди. Менга поччам бўлгувчи одам умуман ёқмасди. Шу сабабли опамникига бормас эдим. 1967 йилда мактабни битирдим. Мен учун қишлоқда яшаш ниҳоятда оғир кечарди. Отам, онам, сингилларимнинг ҳаётдан бевақт кўз юмгани кўз ўнгимда тақрор-тақрор намоён бўлаверарди. Тунлари тушларимга кириб, аллақандай мудхиш воқеалар ичидан яшардим. Тенгдошларимга қўшилмасдим. Ёлғиз ўзим ғамгин ўйларга ботиб, гўё юз берган ҳамма воқеаларга ўзимни айбордor ҳисоблардим. Ёлғизлик мени ўз қаърига тортиб, рангимни сомон рангидай хазон қилиб кўрсатарди. Бундан ташвишланган опам қайнонаси билан келиб, мени уйга олиб кетишига кўндиromoқчи бўлди. Кўнмадим. Шаҳарга ўқишга кетаман, деб оёқ тираб туриб олдим. Саратон ойининг охирларида бор-будимни тўплаб мен учун нотаниш бўлган шаҳарга жўнадим. Опамнинг қистови билан ўзим истамаган, умуман қизиқмаган иқтисодчилик бўлнимига ҳужжатларимни топширдим. Имтиҳонлардан ўтдим. Ниҳоят, талаба бўлдим. Менинг ўқишга киришим келгуси ҳаётимни ўзгартириб юборишини, мурғак тасаввуримга сиғмаган турмушнинг аччиқ ҳақиқатларини англашам-да, бу мен учун қизиқарли ҳаётнинг бошланиши эканлигини билмасдим.

Опам ўқишини битиришим арафасида оламдан ўтди. Ортидан чирқиллаб, икки қиз, бир ўғли қолди. Менинг нотавон ёшлигим шундай якун топди. Мен энди шаҳарлик эдим.

Менинг мураккаб ва фожеали ўтган ёшлигим ҳимояяни ниҳоятда муҳтоҳ бўлса-да, атрофдан суюнчиқ топа олмасдим. Қариндош-урӯғлар ўз йўлига, улар ҳол сўрашади, насиҳат қилишади, ўзларича йўл кўрсатишади.

Начора, 1970 йил декабр ойларида газ таъминоти бошқармасига оддий ҳисобчи бўлиб ишга жойлашдим. Менинг шаҳардаги иш фаолиятим аянчли ёлғизлик гирдобига ботган ҳолда бошланди. Болалигимдан прокурор бўлишни орзу қилардим. Ҳечқиси йўқ, иқтисодчи бўлдим...

Айни баҳорнинг қизғин палласи, ҳамал ойи. Қирлар кўм-кўк билан лолақизғалдоқларнинг чандон очилган даврда ҳарбий хизматга чақирилдим. Москвадай катта шаҳарда ўтган икки йиллик ҳаётим, одамларга бўлган меҳр-муҳаббатим тубдан ўзгариши, мустақил яшаш ва дадил ишга киришиш учун ҳаёт мактаби вазифасини ўтади десам, янглишмайман. Ҳарбий қисмда

олти ойлик курсга қатнаб, ёғочсозлик бўйича ўқиб, хунар ўргандим.

Мен ҳали ўз йўлини излаётган, ёшлиқда ота-она меҳрига тўймаган ўспирин бўлсан-да, қатъиятли, ўта вазмин, бир ишга киришишдан олдин обдон ўйлаб оладиган кап-кatta одамга айландим.

Хизмат тугагандан сўнг Москвада қолсам ҳаётимда қандай ўзгаришлар юз беришини сезар, бу катта шаҳарда қолиш учун албатта шу шаҳарда яшайдиган қизга ўйланишим, ўйланадиган қизим ўзимга мос, мени тушундиган, оқила, ҳар жиҳатдан қўллаб-куватловчи ҳамфирк дўст бўлса, ғоят ажойиб бўларди, дердим.

Аслида ҳаётнинг бу узун-қисқа йўлларида мени нималар кутаётганини билмасдим. Мен кўпроқ китобий ўйлардим. Шу қисқа давр ичидан жуда кўп бадиий асарлар ўқидим. Ҳудди китобдаги қаҳрамонлар каби, орзуларим оғушида сузиб, гоҳ Ўзбекистоннинг беғубор осмонида, гоҳ Россиянинг булутга бурканган қуюқ ўрмонларининг тепасида парвоз қилардим.

Ниҳоят мен кутган, бир қарорга келишим керак бўлган кун ҳам келди.

1973 йил май ойида аскарлик хизматимни тугатдим. Москвада, хизматдош дўстларимницида навбатма-навбат қолиб бир ой яшадим. Бутуниттифоқ қурилишларига ишга кетаётган тенгдошларим билан танишдим. Уларнинг мамлакат равнақи йўлида ҳузур-ҳаловатидан кечиб, БАМга, Уралга, Ўзбекистонга йўлланмалар асосида жасорат билан сафарга отланиши мени аниқ фикрлашга унади.

Москвада қолсам қандай иш билан шуғулланаман, қурилишларда ишлайманми? Кейин-чи?

Бу олис ўлкада қолиб кетсам, олдимга кўйган мақсадларим нима бўлади? Отамн, онам, сингилларим, боболаримнинг қабрлари Ватанимда бўлса-ю, мен бу ерларда ризқимни излаб юрсам... Эрқор, яхшилаб ўйлаб кўр. Сенинг жойинг туғилган юртингда. Ватанга қайт. Ҳаммасини бошидан бошла, деган нидоич-ичимдан қуилиб келаверарди.

Июн ойининг охирларида Москва-Тошкент самолётига ўтириб, Ватанимга қайтдим.

"Мана сенга менинг мураккаб ва фожеали ҳаётим. Нега мени танладинг, гўшакдаги одам. Ҳамма қатори Худонинг бир ожиз бандаси бўлсан. Одамлар бир-бирларини алдамаса, иймонни арзимаган чақага сотмаса, дейман. Муллаларни, эшонларни кўрдим. Ўзманфаати йўлида ҳамма нарсага тайёр. Оғизларидан диёнат, инсоф, бирорнинг ҳақиқига хиёнат қилмаслик, охират ҳақидаги ваъз тушмайди. Амалда эса тескариси. Буни ҳамма кўриб туриби. Мен ҳам жим, бошқалар ҳам жим. Ҳамма жим, сен ҳам жим".

Дуд-дуд... гўшакни кўйиб кўйдим... соат тўрт.

Ҳужжатларни олдим-да, банкка жўнадим. Банк биноси шаҳар кўркига кўрк кўшувчи ҳашамдор кўп қаватли иморат бўлиб, корхонамиздан уч-тўрт чақирим нарида, шаҳар ичкарисида жойлашган. Конус шаклидаги бу иншоот ҳамманинг диққатини тортади. Ичкарига кираверишда посбонга рухсатномани кўрсатдим. Семиз юзли, иш формаси ўзига ярашмаган ходим ҳужжатимни бир оз ушлаб турди-да:

– Соат тўртдан ўтди, ака, – деди рўпарада осилган катта соатни кўрсатиб. – Энди эртага соат тўққизда келасиз.



Мен шу банкнинг доимий мижози эканлигимни тушунтирдим.

Учинчи қаватга тез-тез чиқиб банк бошқарувчисининг хонасига етиб келдим. Котибдан ичкарига киришга рухсат сўрадим.

Қадди-қомати келишган, дид билан кийинган, йиғирма ёшлар атрофидаги қиз: "Хозир", – деди-да, бошқарувчининг хонасига кириб кетди. Фурсат ўтмай қайтиб чиқди-да:

– Киринг, – деди.

Олдин ҳам иш юзасидан банк раҳбари билан кўп бор учрашганман. Ҳурматимни жойига қўйиб, қарши олди.

Қарз олиш бўйича Карим Суярович юборганини, ҳужжатларни олиб келганимни айтдим. Унинг хабари бор шекилли, қоғозлар ичидан аризани олди-да, имтиёзли қарз ажратилсин, деб имзо қўйди.

– Кредит бўлимига боринг, – деди мулоим оҳангда.

Раҳмат айтиб, мижозларга қарз бериш бўйича ҳужжатларни қабул қиласидиган бўлимига ўтдим. Бўлим бошлиғи саломимга жавобан истар-истамас бошини қимирлатиб қўйди. Гўё соат тўртдан кейин нега ишлашга халақит бераяпти дегандай менга эътибор бермади. Қоғозларни олдига қўйдим. У аризага бир зум қараб турди-да:

– Имтиёзли?! – Ниҳоятда ажабланиб, худди биринчи бор бунаقا сўзни ўқиётгандай, – имтиёзли кредит, шунақа кредит бор эканми? – деди, аёлларнига ўхшаган ингичка овозда, қошларини чимириб.

– Ё тавба, бошқарувчининг эси оғиб қолганми дейман. Юқоридагилар бунга рухсат бермайди-ку! – У ўзи билан ўзи гаплашарди.

Бўлим бошлиғи худди бомбани ушлаб тургандай эҳтиёткорлик билан ҳужжатларни олдимга қўйди.

– Бунақа кредит йўқ! – деди буйруқ оҳангиди.

– Буни бошлиққа айтинг, – дедим телефонга ишора қилиб.

– Керак бўлса ўзи чақиради. Олдин мен билан маслаҳатлашиб иш қилиш керак. Бу бўлимга бошим билан жавоб бераман. Қабул қилмади деб айтинг, – деди, кейин кал бошини силаб қўйди.

Мен бошқарувчи ёнига кириб, бўлган воқеани унга тушунтирдим.

Банк бошлиғи асабийлашиб, тугмани босди. Котиба кирди.

– Бадалбоевни чақиринг, – деди. Бадалбоев келгунча хонага узоқ жимлик чўқди. У келди-да, бошқарувчининг ёнига ўтириди.

– Хўш, Умарбой. – У "бой" сўзини урғу билан айтади. Қулогимга "Үммор" дегандай эшитилди.

– Битта акахонимиз бор вилоятда. У кишини сиз ҳам яхши биласиз, Карим Суярович. Агар у кишининг ҳожатини чиқармасак хафа бўладилар. Ҳужжатларни олинг-да, комиссияга тахланг. Кўриб чиқишади, бу ёғи бир гап бўлар, – деди у босиқлик билан.

– Жаҳонгир Маматович, мен-ку ҳужжатларни оламан, лекин марказ имтиёзли қарзга рухсат бермайди.

– Бу ёғини менга қўйиб беринг, сиз тезлик билан ўзингизга тааллуқли ишларни бажаринг, вассалом, – деди бошқарувчи буйруқ оҳангиди.

Умарбой бўйинини эгиг хонадан чиқди. Изидан борарканман, ҳужжатларни мендан олиб, дикқат билан юзимга тикилди:

– Қанчага келишилди? – деди яқинроқ келиб.

Мен бундан хабарим йўқлигини айтдим.

– Ҳа, ҳаммангинг тилинг бир. Ахир сиз бosh ҳисбочисиз, Карим Суярович сизсиз бу ишларни қила олмайди.

Мен елкамни қисиб қўйдим.

– Майли, ҳужжатлар қолсин, бир ҳафтадан кейин хабар олинг, натижасини биласиз, – деди у. Шу ерда хайрлашдик. Уйга кетдим.

Кайфиятимни хушлаш ниятида бадантарбия машқларини бажаришга киришдим.

Боққа чиқиб дараҳтларни томоша қилар экаман, имкони борича бўлган воқеаларни эсламасликка ҳаракат қилардим.

Менга энг қадрдон кунлар – шанба ва якшанба бўлиб қолди. Бу икки кунда бир оз бўлса-да, ташвишлардан, асабийлашишлардан, ўзимни-ўзим сўроқ қилишлардан чалғиб, ором олиш, ҳордиқ чиқариш гаштини сезаётганимни англаб борардим. Телефонда бўлаётган сухбатлардан тез кутулишим керак. Таътилга чиқаман, шоирга телефон қилиб айтаман, пойтахтдан келмай турсин. Тез кунда ўзим етиб боришими билдираман, деб ўзимни тинчлантирдим.

Эрталаб ишхонага келиб шоирга қўнгироқ қилдим:

– Алло! Элёржон! Ассалому алайкум, яхшимисиз?! Мен Эрқор акангизман.

– Эрқор ака, зўрмисиз? Насиб бўлса эртадан кейин етиб бораман, – деди севиниб шоир.

– Элёржон, дўстгинам, иложи бўлса келмай туринг. Менинг ўзим жума куни бормоқчиман. Учрашсак, сизга сабабларини тушунтираман.

– Майли, кутаман сизни, – деди-ю, алоқа узилди.

Бугун ҳафтанинг иккинчи куни, яна уч кун бор йўлга чиқишимга. Бардам бўл, Эрқор! Ўзингни тут. Ҳали ҳаммаси олдинда. Кўрмагандай бўлиб кетасан. Бу кўпкарига ўхшаган талатўп ўйинлардан кутуласан. Ўзимга тасалли бериб бошлиқнинг хонасига кирдим.

Карим Суяровичнинг кайфияти яхши, мен билан куюқ сўрашди. Ўзим гап очмасдан:

– Кетишингиз аниқми? Билсан бўладими, қаерга, қайси мамлакатга бормоқчисиз? – дея ҳазил аралаш сўради.

– Насиб бўлса, пойтахтдаги бир оромгоҳда ҳордиқ чиқармоқчиман, – дедим мамнун бўлиб.

– Яхши, биз ажратган ёрдамларни олинг-да, тайёргарлигингизни кўринг.

– Айтгандай, банк бўйича ҳужжатларни топширингиз-а?

– Ҳа, топширдим.

– Қачон йўлга чиқасиз? – деди, кетишимдан норозилигини унтиш мақсадида.

– Насиб бўлса, жума куни, – дедим ўзимни эркинроқ ҳис қилиб.

– Сизга оқ йўл! Соғликни асранг, – деди қўлимни қаттиқ қисиб.

Хонамга қайтишим билан чўнтак телефонимга хабар келди. Унда шундай сўзлар бор эди: "Сафаринг хайрли бўлсин. Хонадаги телефон рақамини чўнтак телефонинг рақамига алмаштир! Ўзингга яхши бўлади!"

Ё тавба! Бу нимаси? Аслида шу телефондан қочиб кетаяпман-ку?! Эй Худо, нима қилай? Ўзинг мадад бер. Бошқа чидай олмайман. Сабрим тугади. Ўзинг қўлла,

кудратингни кўрсат. Мендек беозор одамга кўрсатган кароматингга ишондим. Сен мен билан болалиқдан, эсимни таниганимдан бери биргасан. Ё, қодир Худо! Қилган гуноҳларимни ўзинг кечир. Агар жоним керак бўлса, бу тарзда олма, тавба қилдим. Тўқсон тўққизта номингни ёд олиб айтаманки, ўзинг кечир эй, Эгам!

Узоқ ўйладим. Охирги қарорим шу бўлдики, телефон компаниясига бориб, хонамдаги телефон рақамини ёнимда олиб юрадиган телефона кўйдирдим. Ҳақиқатан ҳам, бирон кор-ҳол бўлишидан кўрқардим. Корхона ҳисобидан ён телефонимга кўпроқ пул ўтказдим. Бу можаролардан ҳали-вери қутулишим қийин эканлигини юрагим сезиб турарди.

Ўйга бориб, қотиб ухлаб қолибман. Кўққисдан уйғониб кетдим. Хонада ёлғиз ётганим, ўз уйимда эканлигимга ишонч ҳосил қилиб, деворда осилган соат милларига қарадим. Бир дақиқаси кам уч. Қотиб ухлабман, ҳатто овқат ҳам емабман. Ён телефонимни олдим, соат уч. Телефоним ёқимли куй чалиб, овоз берди.

– Алло!

– ...

Қўнғироқ қилувчининг рақамига қарадим. Не кўз билан кўрайки, иш хонамдаги телефон рақами турар эди. Бу қандай мўъжиза? Менга телефон қилаётган одам ишхонамдаги рақамдан чиқаётганди. Ақлимга сиғдиролмасдим. Наҳотки у менинг хонамдан телефон қилаётган бўлса?

Жимлик. "Ҳа, қадрдоним, сенмисан? Бу энди отиқча. Ахир бу телефонда бир соат гаплашиш қанча турди? Нима қилмоқчисан ўзи?" – овозим баландлаша бошлади. Бориб эшикни ичкаридан қулфладим. "Ҳой, шоввоз, ялинаман, ҳеч бўлмаса таътил вақтида тинч кўйгин. Қайтиб келганимдан кейин яна гаплашаверамиз.

Наҳотки сен ҳам менга шунчалар боғланиб қолган бўлсанг.

Умуман ақлга сиғмайдиган, қанча ўйламай, охири кўринмайдиган самарасиз ташвишларим сенга нима учун керак?"

Бироз жим турдим. Мен кашф қилган одам фариштанинг ўзгинаси. Нафас олиши, хўрсиниши.

– Энди мен билан бирга яшамоқчисан, шекилли. Яхши, лекин билиб қўй, телефонга кетадиган харажатлар сенинг ҳисобингдан, – дедим кулимсираб.

Яна алжирашлар бошланди. Диққатимни бир ерга жамладим-да: "Яхиси, сенга шоир дўстим Элёр ҳақида гапириб берай", – дедим.

Элёр мендан ўн ёшлар кичик. У билан танишган даврим ...80-йилларга тўғри келади. У шу вақтларда ҳам сара шоирлар қаторида турарди. Матбуотда кам кўринса-да, шеърлари ёшлар орасида кенг тарқалган. Унинг ғазалларини машҳур ҳофизлар қўшиқ қилиб куйлашади.

Биз бир вилоятдан бўлсак-да, у асосан пойтахтда яшарди, ижодининг энг гуллаган навқирон фасли марказда ўтди. У доим: "Шоир қишлоқда туғилади, шаҳарда ўлади, – дер эди. – Менинг юрагимга ҳамиша ёруғлик нурини солган туғилган масканим, юртимдаги одамларнинг соддалиги, болалигимдан қалбимга муҳрланган бўлиб қолган қишлоғимнинг содда одамлари. Шу куч, шу ишонч ҳамиша мени қўллаб-куватлайди", – дер эди.

Эсимда, 85-йиллар хизмат юзасидан пойтахтга бордим. Шоирни жуда изтиробда кўрдим. У ўзига сиғмас, бўлаётган воқеаларни телба-тескари баҳоларди. Ўзбек тили ҳақида, миллатнинг тақдири тўғрисида куйиниб, бу олчоқлар нима қилмоқчи ўзи, Ўзбекистонда яшасанг-у, ўзбек тилида бирон-бир муассасага мурожаат қила олмасанг? Нималардир қилишимиз керак. Воқеалар кўр-кўронга факат кўрсатмалар асосида давом этиши мумкин эмас. Хўш, Эркор ака, айтинг, корхонамизда қанча ўзбек ишлайди? Мингтами, икки мингтами – бунинг аҳамияти йўқ. Ҳужжатларнинг тўлдирилиши, йиғилишлар рус тилида бўлади. Нега? Одамлар тушунса, тушунмаса, бошини тебратишиб маъқуллашади. Раҳбарларга бунинг қизиги йўқ. Улар мансабдан кетмаса бўлди. Шу ҳам адолатданми? Қаҷонгача чидаш мумкин? Бу юртнинг олимлари жим, шоиру ёзувчи, зиёлилари жим...

Яна қанча жим яшаймиз! – дерди кўзлари чақнаб. Мамлакатда шу йиллари йилдан-йилга жуда қалтис воқеалар юз очмоқда эди.

Пахта иши, қама-қамалар, раҳбарларнинг қамоқларга ташланиши, қандайдир тозалашдай кўрингани билан бу машъум воқеалар, 37-йилларни эслатувчи қатагон кунларининг давоми, юрт зиёлиларини, меҳнаткаш оммани боши берк кўчага бошлаб кирди. Ҳамма ниманидир кутарди.

Шоир билан пойтахт хиёбонида айланиб тушлик қилдик.

У соат тўртда атоқли шоирлардан бирининг хотира кунига бағишлиланган анжуманга бирга боришимни илтимос қилди.

Дўстим айтган шоир мен учун ҳам қадрли. Мактабда шеърларини ёд олганмиз, кўм-кўк диёrimиз манзарасини чизиб берган, бизни бахтлар водийсига етакловчи ажойиб истеъдод соҳиби эди. Бирдан кўл телефонимда узилиш бўлди, шунда англадимки, ҳар йигирма дақиқада алоқа узилиб ўчиб, қайта қўшилар, мени сухбатга чорлар эди.

Соат тўртдан ўтгач, маданият институтига етиб бордик. Йиғилиш бошланган. Атоқли профессорлар, шоирлар, шоирнинг қизи гуллар билан безатилган саҳнада қатор бўлиб стулларда ўтиришибди. Тўрда шоирнинг катта қилиб ишланган сурати осилган.

Мен биринчи қатордан жой олдим.

Минбарда гапираётган одам, шоирнинг болалиги ҳақида сўзини давом эттириди. Кейин шоирнинг ижоди тўғрисида гапирдилар. Бу сўзларнинг ҳаммаси бизга мактабдаёқ таниш бўлган, кўп бора эшитавериб ёд бўлиб кетган жумлалар эди. Учинчи бўлиб шоирга сўз берилди.

Шоир минбарга яқинлашиб, микрофонни ўзига қулав жойлаштириди. Катта, кенг хона талабалар билан тўла.

У оҳиста сўзларкан, гапни узоқдан бошлади.

– Хурматли талабалар, азиз ўқувчилар, муҳтарам устозлар, – бир оз жим туриб саҳнага қараб олди ва яна сўзида давом этди. – Мен ҳам ўқувчилик даврларимдаёқ юрагимда туғён урган Ватанга муҳаббатимни, шу она юртга садоқатимни қир-далаларда мавжланган, ҳар мавсумга хос тақрорланмас гўзалигини қалбимизга сингдирган шеъриятни ўқиб катта бўлганман.



Ўзим кўрмаган бўлсам ҳам, қўлимга ижод қала-
мини олишимга туртки бўлган устозимни ҳурмат қи-
ламан, қадрлайман.

Лекин, ҳурматли ёшлар, сизлар бор ҳақиқатни би-
либ қўйишларингиз керак. Машъум 30-37 йилларда,
ўзбек халқининг асл зиёлилари турмаларда сақланиб,
халқ душмани деган тамғани босиб, рус ўрмонларини
кесишга бадарға қилинганини, асосан, Байкал-Амур
лагерларида, Волга-Москва канали қурилишларида,
Владивосток, Новосибирск лагерларига олиб бориб,
ишлатиб-ишлатиб отиб ташланганлигини айтадиган
вақт келди.

Энг катта лагер Дмитлогда жуда кўп маҳбуслар
сақланган.

Шундай қатағон йилларида шоир яратган шеър-
ларни ўқисангиз, қувноқ, завқ-шавққа ҳамоҳанг, ҳамма
ёқ кўм-кўк, баҳтлар водийсига айланган бу ўлкада
ҳамма баҳтиёр яшаётганини ҳис қиласиз. Биз бу
оҳангни болалиқдан қалбимизга сингдирганимиз.

Аслида-чи? Ҳаёт шоир айтгандай, шеърларида
тасвирлангандай эдими? Одамлар баҳтиёрмиди?!

Бу ерда савлат тўкиб ўтирган устозлар мендан ҳам
кўра яхши билишади. – Саҳнага яна бир қараб олди.
Адабиётимизнинг асосчилари – Абдулла Қодирий,
Фитрат, Чўлпон, Усмон Носир, Абдулла Авлоний ва
қанча олиму фозиллар қатағон қурбонлари бўлишди,
уларнинг номларини бир соат ўқисангиз ҳам тугата ол-
майсиз.

Афсуски, уларнинг фожеали ҳаёти, бугунги кунда
ҳаммага тўлиқ маълум қилинмаган. Матбуотда суку-
нат, телевидениеда жимлик...

Хўш, бу улуғ зиёлиларнинг ўлимига кимлар сабаб-
чи бўлган?..

Унинг овози жаранглаб чиқарди. Залда жимжит-
лик ҳукмрон эди. Талабалар нафас олмай эшитаёт-
гандай, уларнинг кўзлари шоирга қадалган, шоирнинг
овози эса акс-садо берарди. Ўтирганларни ўз измига
солиб, қўринмас, қандайдир даъват этувчи сўз кучи
 билан уларни бошқарарди. Менинг этим жимирлаб
кетди. Сезаяпманки, ўтирганларнинг қалбида, сўз би-
лан ифода этиб бўлмайдиган туйғу ўзлигини ошкор
қилгандай ҳаммани ўз сеҳрига олган эди.

Қулоқлар динг, вужудлар таранглашгандан-та-
ранглашиб бораради.

Эллик йиллар орасида бунақа манзарани ҳеч ким
эшитмаган. У даврларда бунақа сўзларни айтиш, бо-
шини кундага қўйиш билан баробар эди.

Шоир сўзини давом эттириди: – Биз келажакка тик
боқишини ўрганишимиз керак. Ўзимизни-ўзимиз мақтаб,
ота-боболаримиз улуғ кишилар бўлган деб кўкракка
уришимиз яхши, лекин бу билан биз ҳам яхши бўлиб
қолмаймиз-ку.

Улар биз айтолмаган ҳақ сўзларни айтиб, қурбон
бўлишди. Қачонгача ўзимизнинг тинчлигимизни кўз-
лаб, ҳаётнинг маъқул томонларини ёритишида давом
этамиз? Устозлар мени кечиришсину, турмушнинг ҳам-
ма қирраларини баланд-пастигача очиб бериш, мада-
ният юксалишига одилона хизмат қилиб, одамларни
маърифатга етаклаш биз адиларнинг вазифалари-
миз эмасми?

*Усмон Азим сатри

Устоз шоирнинг тантанали туғилган кунида, яша-
ган давридан келиб чиқиб, илоҳийлаштирамай, унинг
инсонга хос бўлган сифатлари очиб берилса, ўтирган
ёшларга катта сабоқ бўлади-ку, нега қўрқамиз?..

Шоир шеър ўқий бошлади:

Ўлгин дединг – ерга кўмдинг –

Илдиз бўлдим.

Кўкка отдинг – йўқ бўл дединг –

Юлдуз бўлдим.

Тилим кесдинг – дилим айтди

Рост қалима...

Қийин бўлди сенга шўрлик

Душманим-а!

Душманим-а, тошлар отиб

Тўймайдирсан –

Тупроқ бўлай десам, нега

Кўймайдирсан?..*

Талабалар шоирнинг шеъри тугаши билан ўрни-
ларидан туриб қарсак чалишиди.

Шоир ўрнига бориб ўтиргади. Тўғри эшикка қараб
йўл олди. Зал уни қарсак билан кузатиб қолди. Изидан
мен ҳам кўчага отилдим.

Мана сенга олис ўшликнинг бир бўлаги".

Кўл телефоним учди.

Тушунарли.

Кийиниб кўчага чиқдим. Ҳаво анча салқинлаб
қолган. Енгил шамол дараҳтлар баргини шитирлатиб
кишига ором бағишлайди. Мезон ойининг бошлари.
Қаерлардандир учеб келаёттган узун, ипак толасини эс-
латувчи оппоқ толаларига илашиб, сунбула оий билан
хайрлашаётгандай ҳилпирашади.

Кузнинг шашти йўқлиги шунчаки табиат учун ўйин.
Дараҳтлардаги барглар чанг-ғуборларга кўмилган. Ой-
лаб ёмғир кўрмаган барглар табиий рангини ўйқотган.
Теракларнинг пастки шохларида япроқлар сарғая
бошлаган. Кексаларнинг айтишича, дараҳтларнинг
барглари пастдан сарғайса қиши совуқ, сарғайиш тепа-
дан бошланса қиши иссиқ келар экан. Бу ҳикматни би-
лишга ҳали эрта. Куз эндигина бошланди.


Катта йўл четида секин қадам ташлаб борар экан-
ман, гўё эркинликка қараб бораётгандай эдим. Қа-
фасдан чиқкан күшдай енгил учардим.

Юлдузларни соғингандим. Ҳар замонда осмонга
қараб-қараб қўярдим.

Кеч тушса, безовта қилаётган ўй-хаёлларим тун
кўйнига шўнғиб уйқуга кетадигандай осмонни кузатар-
дим.

Йўлда қатнов сийраклашиб қолганди. Аҳён-аҳён-
да енгил машиналар ёнимдан ўтиб фикримни жам-
лашга, эҳтиёт бўлишга ундарди. Кўча бўйлаб болалар,
катталар, асосан хотин-қизлар сайдрга чиқкан, қатор-
лашиб қўлларида турли рангдаги елим халтларини
кўтартганича гоҳ у ёнимдан, гоҳ бу ёнимдан ўтиб кети-
шарди. Яёв айланиш қанчалар мазза. Табиблар бекор-
га айтишмаган: эллик ёшдан кейин ҳар куни тўрт-беш
километр пиёда юрган киши қаришнинг олдини олади,
саломатликни мустаҳкамлайди.

Иш-иш деб, бу муҳим машқларни бажармай, ор-
қада қолганимдан афсусланардим.



Уйга қайтдим. Хотинимга жума куни пойтахтга боришим кераклиги учун йўл анжомларини ҳозирлаб қўйишини тайинладим.

Аслида телефондан қочаётган эдим. Энди бунинг иложи йўқ. "Фаришта" чўнтағимга жойлашиб олди. Шоир билан маслаҳатлашиб яхшироқ оромгоҳда дам оламан. Қолаверса, ўзимни малакали шифокорларга кўрсатаман. Телефонни кўп ҳам ўйлайвермай, уйда бир кун бўлса ҳам дам олай.

Эрталаб... тушлик... уйқу. Яна худди кечагидай қўқисдан уйғондим. Соат уч. Телефоним ажойиб оҳангни таратди.

"Ҳа, қадрдоним, мана энди ҳар доим чўнтағимдасан. Иложи бўлса сұхбатлашишни кеч тўққизларга кўчирсан. Менга қулай бўлар эди. Таътил тугагач, яна ўз ҳолига қайтарамиз.

Биродар бўлганидан кейин бир-бири билан келишиши, маслаҳатлашиши, ўзаро ёрдам бериши уларни яхшиликка етаклайди. Мен айтганларингни қилдим-ку.

Бир-бирига зиён етказаётган оға-инилар, қариндошлик ришталарини узаётганлар камми, деб ўйляяпсан.

Тўғри, айрим ака-укалар, опа-сингиллар, яқин жигаргўшалар арзимаган бир қарич ер учун ёки хотинларининг сўзига кириб, гоҳида отасининг мулкини бўлишолмай қирпишоқ бўлишяпти. Менда эса на ака, на ука, на опа, на сингил бор. Фарзандларим, оиласам борлигига шукур қиласман. Аллоҳим уларни ҳамиша ўз паноҳида асрасин.

Пойтахтга боришимга сен сабабчисан.

Тўғриси, олдин мен ваҳимага тушдим. Ўзинг ҳам телефонимга хабар жўнатиб кўрқитдинг. Менинг ўйлаган ўйларимни, фикрларимни қандай қилиб биллиб оляйсан? Бу жуда даҳшатли-ку! Аста-секин ҳаммасига кўниқдим. Бошқа иложим йўқ. Энди абадий дўст бўлайлик. Мен ҳам одамман, адашиб фифоним чиқиб сени сўксам аччиғинг келмасин. Менга ёмонликни раво кўрма. Эндигина оёққа турган фарзандларим ҳаққи. Агар болаларим, оиласам бўлмаганида, менинг ҳаётим тамом бошқача кечган бўларди. Юрагимда ёнаётган исён алангасида аллақачон қоврилиб, бошқа оламга кетган бўлардим.

Ҳозир эса бу сирли олам билан муроса қилишга, айрим одамларнинг ақлдан оздирувчи жиҳатларини кўрсам-да, кўрмаганга олиб жим яашашга мажбурман.

Бу менинг ожизлигим. Бир файласуф айтган экан: "Халқ бу миллион ноллардан иборат" деб. Олдига бир рақами қўйилса у ҳаракатга келади. Мен бир рақами бўлолмайман. Шу миллион нолларнинг ичида битта ноль бўлиб яшаяпман. Мехнат одамни улуғлайди, дейишади. Мехнат меъеридан ошса-чи? Буни ўз кўзим билан кўрганман. Ҳамма ишларнинг ўз меъерида бўлиши ҳаёт мезони саналади.

Ҳар қандай воқеа унга қандай нуқтаи назар билан қарашга боғлиқ. Хайриҳоҳ кўз билан қаралса яхши. Агар қора кўзойнак остидан қаралса, унинг оддий кўзга кўринмаган доғларини кўриб истаганча қораласа бўлади. Худди шундай ҳаёт сўқмоқларидан теран нигоҳ, ўта зийраклик билан оғишмай юриш ҳам муҳим. Унинг ботқолларига ботиб ётган чувалчангү илонларга: "Сизларнинг ҳаққингиз йўқ", – деб уларга қарши очиқдан-очиқ жангга кириш, шу йўлда қурбон бўлиш ақлсизликдан бошқа нарса эмас.

Ўзимнинг ҳаёт тажрибамдан келиб чиққан хуласам шуки, Аллоҳ, Ватан ва Муҳаббат – абадийдир. Бу буюк учлиқда ҳаёт мужассамлашган. Қайси одамнинг кўнглида Аллоҳ, Ватан, Муҳаббат бор экан, у яшяпти. Шу учта илоҳий қудратдан маҳрум мавжудотлар (одамлар дейишига тилим бормайди) ботқолларда ботиб ётиби.

Неча кундирки, сен билан сұхбатимизда айтилаётган аламли, изтиробли гапларга келсак, бу менинг дардларим. Буларсиз инсон – инсон бўла олмайди.

Сен ҳам Худонинг ожиз қулидирсан, сенга буюрилгандирки, мени танлабсан.

Эллик йилдан ошиқ яшадим. Бунақа сиру синоатга дуч келган одамни эшитмаганман.

Худодан илтижом шуки, сенинг кимлигини билсам, кейин армоним йўқ эди".

Телефон учди.

Соат тўрт.

Назаримда фикрларим теранлашиб, юксалгандан-юксалиб борардим. Ўтган саноқли кунлар ҳаётимда туб бурилиш ясаётгандай, қалбимда эркинликни соғиниш ҳислари кўзғалаётганини англай бошладим. Мен уйғонаётган эдим. Узок уйқуда ётган ўлик томирларимга жон кириб мени бошқача яашашга ундар эди. Нима учун шоирга интилишимни, нега шоирни қўмсашимни билмайман, бизни боғлаб турган ришта дўстликми? Ёки яна мен англаб етмаган, энди эшигини очаётган у ердан қалбимга кираётган тоза шамолнинг беғуборлиги мени бошқача яашашга ундарди. Шоирни ички меҳр билан соғинардим. Шоир ҳалқининг мардлиги, дорнинг тагида бўлса ҳам ҳақ гапдан тонмаслиги, ўз эътиқоди йўлида событ туриши уларгагина ато этилгандай эди. Ҳавасим келарди. Нега мен улардай бўла олмайман? Олдин ҳам кўп бор ўзимга шу савонни берганиман. Ҳақиқат йўлида курашиш истаги бўлган, уддалай олмаганиман. Ҳаёлимдан шунга ўхшаш ўйлар ўтар экан, нега ён телефонимда айнан ишхонамдаги телефон рақами кўринаяпти, деган қизиқиш мени ишхонага етаклади. Эрталаб ишхонага бордим, телефоним ишлайяпти. Баъзи жойларга қўнгироқ қилиб кўрдим. У ёқ-бу ёқни тартибга келтирган бўлдим. Эртага саклизларда йўлга чиқсан, эрталаб пойтахтда бўламан, деб ўйладим. Сафарда қилишим керак бўлган айрим ишларни режамдан ўтказдим. Албатта руҳшуносга учрашаман. Шоирга бу ғаройиб воқеалар тўғрисида айтсаммикин, деб ўйлардим.

Хонамнинг эшиги очилиб, котиба ичкарига мўралади.

– Эй, Эрқор ака, сиз шу ердамисиз? Ассалому алайкум, – табассум билан салом берди Моҳира.

– Ваалайкум ассалом, Моҳирахон. Мумкин бўлса, чой дамлаб берсангиз. Озроқ ишламоқчиман, – дедим. Котиба эшикни секингина ёпиб қўйди. Қиз тўғрисида ўйлай бошладим.

Туппа-тузук, эс-хуши жойида, бир рўзғорни гуллатди. Агар ўзи рўйхушлик берса, манаман деган йигит ўйланади. Бироқ Карим Суяровичнинг бу қиз ҳақидаги фикри бошқачароқ: "Уни фақат сайилларда, байрамларда кўз-кўз қилиб олиб юрса бўлади. Ундан яхши хотин чиқмайди", – дейди.

Котиба чиройли, ихчам пахта гулли чойнакда чой ва пиёла олиб келди.



– Ўтиринг, Моҳирахон, – дедим мулойимлик билан. У мендан бу илтифотни кутмагани учунми, ажабланиб, тортиниб чап томонимдаги курсига чўқди ва чойни ҳафсала билан қайтара бошлади. Унга дикқат билан разм солдим. Оппоқ юзига тушкунлик соя солган. Кўзлари катта-катта, чарос. Ҳар қандай йигитнинг ақлини оладиган дараражада гўзал. Бу қиз ташки жиҳатдан бекаму кўст. Жозиба ато этган табиатга тасанно айтса арзийди.

Моҳира зимдан кузатганимни сезса ҳам ноқулай аҳволга тушмади. Пиёлага чой куйиб узатар экан, ўта назокат билан қараб кўйидики, тўғриси, баданим жимирилаб кетди. Карим Суяровичнинг дидига қойил қолдим.

– Хўш, Моҳирахон, ишлар қалай? Бошлиқ шу ердами?

– Карим Суярович қандайдир иш билан кетди. Бугун бўлмасалар керак. Ишларим эса ўзига яраша, – деди синик жилмайиб.

– Мен меҳнат таътилига чиқдим, сафарда бўламан. Тўй қачон, яна қолиб кетмай. – Моҳирага тасалли бериш ниятида ҳазиллашдим.

– Тўй ҳали бўлмайди, Эрқор Орипович. Чунки яхши кўрган йигитим Россияяда ишляяпти. Унинг келишини кутаман, – деди маъюс тортиб.

– Майли, сизга раҳмат чойингиз учун. Кўп ўқинманг. Ҳаммаси яхши бўлади. Албатта тўйни зўр ўтказамиз, – дедим кўнглини кўтариб. У жилмайганича чиқиб кетди.

Ҳа, шўрлик қизга қийин. Яшашни қайта бошлаши учун анча тер тўкиши керак. Ҳали ёш. Яхши кийингиси, яирагиси келади. Бунинг учун пул керак. Пулни топишнинг ўзи бўладими... Хонада озроқ вақт бўлдимда, уйга қайтдим. Ҳаёлларимни чалғитиш мақсадида бир шоирнинг охирги чиқсан китобини жавондан олиб вараклай бошладим:

Гар ўлсам бешигумнинг
Ёпинчигин топинглар.
Йиртиқ, ямоқ бўлса-да,
Тобутимга ёпинглар,

Кўрсинлар йигилгандар,
Умрим бари хатодир.
Бу оламда топганим,
Шу бир парча матодир...

Шеърнинг мағзини чақиши учун файласуф бўлиш шарт эмас. Фақат одам бўлиш керак эди, холос. Нима учундир ўзимга-ўзим аланималарнидир валдираб уйга сиғмасдим. Бошлиқнинг ҳайдовчисини соат учларга яқин чақириб идорага қайтиб келдим. Хонамга кирдим.

Ҳаёлимда мени қандайдир шарпа кузатаётгандай туюла бошлади. Хоҳ уйда, хоҳ ишхонамда бўлмай, мени таъқиб қилаётган кўзга кўринмас бу кўланкадан кутулиш йўлини излай бошладим.

Соат уч. Дабдурустдан кўл телефоним жиринглаб қолди. Яшил тутмачани босдим:

Жимлик...

– Ҳой, нега кўл телефонимга чиқаяпсан?

Ахир мен атайлаб сен билан сухбат қилиш учун бу ерга келдим. Кел, хонамдаги телефонда сухбатлашайлик, – деб гўшакни кўтардим. Қисқа-қисқа дуд-

дуд-дуд овозини эшитдим. У дил сўзларимни қўл телефонимда эшитиши истарди.

“Марказга кетаётгандигим сабабли ҳаётимдаги унупилмас бу воқеани сенга айтмоқчиман.

1986 йилларда мамлакатда Муборак Наврӯз байрамини ўтказиш, майитнинг жанозасини ўқиш, мозорга бориш, диний маросимлар, мачитларга қатнаш умуман тақиқланган эди. Одамлар ҳайрон. Нима бўлдаяпти? Нега қадриятларимизни оёқ ости қилишяпти? Қанча минг йиллик тарихга эга урф-одатларни тўхтатиб қўйиш мумкин экан-да, деган гаплар чойхоналарда, ошхоналарда, майда гурунгларда айтилса-да, бирон кимса юрак ютиб очиқчасига минбардан айта олмайди. Ҳадди сиғмайди. Зиёлилар бу жараён яхшиликка олиб бормаслигини билсалар-да, жим...

Бу даҳшатли жимликнинг замирида кучли тўфон борлигини кўпчилик англаса ҳам, унинг қачон бошланишини билмайди. Бунга бош-қош бўлиб турган юқори мансабдорлар ўзлари бошқараётган механизмнинг бирон винти синиб бузилишидан кўрқади.

Радио, телевидениеда Наврӯз сайлининг диний маросимлигини уқтираётган, газета, журналларда ёритилаётган олди-қочди мақолаларни ёзаётган журналистлар шу юртнинг фарзанди эканини унупиб кўйгандай вайсагани-вайсаган...

Ҳозирги ўшлар аллақачон ўтмиш бўлиб қолган бу кўнгилсиз воқеаларни эшитишса ажабланмайди. Олдинги раҳбарлар сиёsat қурбонлари бўлган деб кўйишади, холос.

Халқнинг урф-одатини йўққа чиқариш, қадриятларини ерга уриш, ясама тарихий ибораларни тўқиб, улусни парчалаш, унинг бир тан, бир жон бўлишига йўл қўймаслик ғояси давлат тепасида турган бир сиқим амалдорларнинг байроби бўлиб бошқарув тизими ни осонлаштириш йўли эди.

Тўқсон олти уруғга бирлашган қудратли бу улусни фақат бир-бирига қарши қўйиб, ғурурини топташ орқали жиловлаш мумкинлигини тарих саҳнасига олиб киришди. Қарлиқ, ўғуз, найман, қиёт, қўнгирот, кенагас, барлос, дўрмон, бурқут, курлаут, манғит, дўлдой, чимбой, чиғатой, тубой, ўқтой, теймас, эчки, шунқорли, шодбоқли, жалойир, қирқ, юз, минг, лақай, қатағон, мажор, турк, қарой, элбек, курама, қанғли, уз, нукуз, тангут, ўйғур, аргин, аймоқ, уйшун, ғончи, қушчи, ийкон, сүғд, иғроқ, чингил, яғмо, аргу, тухш, басмил, қипчоқ, субрин, татар, қирғиз, қозоқ, қорақалпоқ, қовчин, кейикчи...

Кўп уруғларнинг номлари йўқ бўлиб кетди. 70 йил мобайнида улар орасига адоват солиб, ўз ғояларининг кучлилигини исботлаб ҳам беришди. Улар бундан усталик билан фойдаланиб, катта ургуларни милллатларга бўлиб, шу миллат вакилларининг қўли билан бажаришди. Бажаришмаса сиёсий ўйинлар топиб, қатағон қилишди. Бу фитна машинаси қанча-қанча улуғ инсонларнинг бошини еди. Не-не алломаларининг ёстигини куриди.

Бу таниш саҳнада кўп ўйинлар бўлди, бўлдаяпти...

Шундай алғов-далғов пайтларда пойтхатга бордим. Катта шаҳарда осойишталик ҳукм сурса-да, зиёлилар даврасида, талабалар шаҳарчасида ҳаёт бошқача эди.

Шоир мени ўюшмага бошлаб борди. Ўюшма олдида анчагина одам тўплланган, уларнинг кўпчилиги

шоир, ёзувчилар, олиму фозиллар, вилоятдаги ижодкорларни ташкил қиласы. Тұпланғанлар Наврұз сайлиниң нотұғри қораланғанини, уни халқа қайтариш кераклигини ёқлаб ҳукumat рахбарларига мурожаатнома юборганини, ҳозир жавобини кутишаётганини айтишиди.

Мен одамларнинг бу даражада ахил бўлиб йиғилғанларини ҳеч кўрмаган эдим. Улар тўда-тўда бўлишиб, Наврұзның қадими халқ сайли эканлигини, унинг ислом динига алоқаси йўқлигини жон кийдириб тушунтиришарди. Дўстим ҳам шоирлар даврасига бориб қўшилди. Баҳс-мунозара авжида, бу тўлқин денгиздан тошиб чиққану, адашиб шаҳарнинг қоқ ўртасига келиб қолган. Энди яна денгизга қўшилиш йўлини изларди...

«Союз» биноси ёнига чиройли никелланган қора рангли енгил машина келиб тўхтади. Машина эшиги очилиб, қора кўзойнак таққан, мовий рангли бежирим кофта-юбка кийган, ёши 40-45 ларга борган қомати тик аёл тушиб келди. Йиғилған одамларнинг кўплигини кутмаган шекилли, тараддулданиб атрофга қаради. Үюшма раиси югуриб опанинг олдига борди.

Опа тўпланғанларга қараб: "Нима бўляяпти бу ерда?" – деди.

– Озроқ анжуманимиз ҳам бор эди. Шунга келишган, рухсат берсангиз, ичкарига киришса, Ҳуррият Аёзовна, – деди раис пичирлаб.

– Улар кўпчиликми? – ажабланиб сўради Ҳуррият Аёзовна. – Ичкарига киришсин. Нега кўчада туришибди?! – деди опа зарда билан. Унинг кўз қарашларидан бунча кўп одамлар тўпланғанидан норозилиги шундоққина кўриниб турарди.

– Қани, ўртоқлар, ичкарига киринглар, – деди раис. Раис деганлари олтмишлардан ошган, барваста, соchlарининг оқ-коралиги ўзига ярашган, қомати тик, чет элларда ишлаб келган дипломат одам эди.

Опа шошилмай бино ичкарисига йўл олди. Одамлар унинг орқасидан эргашдилар.

Катта бинонинг йиғилиш залига ҳамма йиғилди. Опа юқорига ўтиб, стулга ўтирди. Ёнига раисни чақирди. Улар ниманидир пичирлаб гаплашиб олишиб. Саҳнада ихчамгина стол, унинг атрофида тўртта стул. Ўнг томонда мамлакат герби чизилган минбар.

Раис ўрнидан туриб, йиғилғанларга бироз қараб турди-да, салмоқлаб гап бошлади:

– Ҳурматли ижод ахли. Бугун бизнинг мажлисимиизда биринчи бор ҳукumatимизнинг таниқли арбоби маданият ва маърифат ишлари бўйича ЦК компартияниң секретари, ҳурматли ва муҳтарама Ҳуррият Аёзовна қатнашаяптилар.

Ўзларингизга маълумки, Наврұз сайли ҳақида турлича фикрлар мавжуд. Бизнинг мақсадимиз ҳар хил қарашларга чек қўйиш. Ягона мақсад ўйлида, яъни совет давлатининг равнақи ҳақида кўпроқ бosh қотириш, шу йўлда ахил, бир тан, бир жон бўлиб курашмоғимиз лозим. Бу бизнинг бурчимиз, – деди.

Ҳукumatimizning Наврұз сайлини Навбаҳор байрамига айлантириш тўғрисидаги оқилона қарорини халқа тушунтириш, сиз ва бизнинг асосий мақсадимиз эканлигини унутмаслигимиз керак. Дўппини бошдан олиб ўйлаб кўрайлик-чи, биз учун сайилнинг номи Наврұз бўлди нимаю, Навбаҳор бўлди нима? Энг асо-

сийси, Навбаҳор бу баҳор фаслидан нишона, у келгусида улуг кунларнинг бирига айланишига ишонаман.

Ҳукumatimiz қарорини бир овоздан қўллаб-куватлайлик, давлатимизнинг биз ижодкорларга кўрсатаётган ғамхўрлиги, яратаетган шарт-шароитига тасаннолар айтиб, Ҳуррият Аёзовнадек жонкуяр рахбар йиғилишимизда иштирок этаётганидан фахрланиб, бизнинг, яъни ижод ахлиниң фикри раҳнамоларимиз кўрсатган одилона йўлда муштарак эканлигини юкори рахбарларга етказишига ишонаман. Аввалдан миннатдорчилик билдириб, Ҳуррият Аёзовнани бу хизматлари учун олқишлиб қўйганимиз маъқул деб ўйлайман, – дея қарсак чалди. Ўтирганларнинг озилик қисми қарсакка қўшилди.

Раис залга синчковлик билан қаради-да: "Сўз айтвучилар борми?" – деб сўради. Раис иложи борича йиғилишни тезгина тугатиш тараффудида эди. Ҳамма жим. Ҳозиргина кўчада Наврұз ҳақида бир-бiri билан тортишаетган одамлар елкаларини қисиб, мум тишлаб ўтиришарди.

Кутилмаганда шоир минбар томон юра бошлади. Не-не профессорлар, устоз шоирлар, ёзувчилар ўтирган жойда шоирнинг саҳна томон бориши раиснинг энсасини котирди.

– Нима, шу боладан олдин сўзлайдиган одам йўқми?! – ажабланиб залга қаради раис. У ўзининг гапини маъқуллайдиган кексароқ шоир ёки ёзувчининг чиқишини кутаётган эди.

Ўтирганлар жим. Ҳамманинг кўзи минбарга яқинлашаётган шоирга қаратилган. У минбарга чиқиб, аввал раисдан узр сўради. Нега узр сўради, бу менга қоронғу. Кейин жуда босиқлик билан гап бошлади.


– Ҳурматли устозлар, авваламбор сизлардан ҳам узр сўраб шуни айтмоқчиманки, биз бугун халқ сайлиниң номини нега ўзгартиришганини мухокама қилишга йиғилмадик. Қадим-қадимдан ота-боболаримиз ардоқлаб келган Наврұз сайли бугунги кунда халқдан нега тортиб олинаётганини билишга йиғилдик. Ўтмишимизни қадрловчи бу улуг сайил нега бизнинг ҳаёт турмушимиздан чиқарип ташланиши керак?

Сайилнинг ислом динига алоқаси йўқлигини яхши биламиз. Тўрт минг йиллик, балки ундан ҳам кўпdir, тарихга эга бўлган Наврұз бугунга келиб нега диний байрам бўлиб қолди? Буни сиз устозлар, қалам аҳли, жуда яхши биласизлар-ку!

Наҳотки, юқорида ўтирган ҳукumat рахбарлари билмайди, деб ўйлайсизлар? Бу кимнингдир топшириғи билан ўйлаб топилган, чаласавод, тарихни ўқимаган, атеистик таълимотга тиш-тарноғи билан ёпишган диндан хабарсиз кимсанинг навбатдаги хуружи. Қадимий покиза қадриятларимизга тош отиш кўп йиллардан бери давом этиб келаяпти. Алам қиладиган жойи шуки, тошни ўз қўлларимиз билан оттираяптилар.

Шу ерга келганда раис микрофонни уриб: "Қисқа қилинг", – деди. Залда бир овоздан, олдиндан келишилгандек: "Гапирсин", – деган гуриллаган овозлар янгради. Бундан руҳланган шоир сўзларини чертиб-чертиб гапиради:

– Менинг кимларгадир таъна, маломатлар қилиш ниятим йўқ. Бугун юртнинг зиёли қатлами йиғилған эканмиз, ҳар биримиз юрагимизга қулоқ солайлик. Кўхна тарихнинг қаъридан келаётган нидоларга



кулоқ солайлик. Доро, Александр Македонский, мұғулларнинг шафқатсиз қырғынларини, арабларнинг босқынларини оласизми, ана шу талотұлардан ўтиб Наврұз айёми эсон-омон бизгача етиб келди. Халқ үзининг оташпарастлик даврида бу сайилни қандай иззат-икромда ўтказган бўлса, ҳозиргача янги кунни янгиланиш, уйғониш фасли деб нишонлаб келмоқда. Нишонлайди ҳам!

Нутқини тугатган шоир минбардан тушиб, ўз жойига бориб ўтириди.

Раис сўз беришга улгурмай минбарда яна бир ёш ижодкор пайдо бўлди.

– Ўртоқлар, – деди у тантанавор оҳангда. – Мен шоир дўстим Элёрнинг таклифини маъқуллаш ва кўллаб-қувватлаш билан шуни айтмоқчиманки, хукуматимизнинг вакили ҳурматли Ҳуррият Аёзовна, очиғи, биз ёшларнинг қўйидаги талабларимизни мамлакат раҳбарларига етказинг.

1. Давлатимиз БМТ га аъзо бўлсин.

2. Ўзбек тилига давлат тили мақоми берилсин.

3.Ўзбекистонда етишириладиган пахта, қазиб олинаётган олтинлар, нефт маҳсулотлари, ер ости бойликлари мамлакатнинг ўзида қайта ишлансин...

Ҳуррият Аёзовна чидай олмади, ўрнидан сапчиб туриб кетди ва важоҳат билан:

– Бу қанақа ғалаён! Ҳамманг жавоб берасанлар! Нонкўрлар! – дея бақира кетди. Ва шитоб билан эшик томон юра бошлади, ернинг остидан чиқдими ё бошқа ёқдан тушдими, милиция ходимлари пайдо бўлди. Опага йўл ажратиб унинг чиқиб кетишига шароит яратишиди. Опа дадил қадамлар билан йўлақдан юриб борар экан, рўпарасида бир ёш йигит кўндаланг бўлиб туриб олди.

– Ҳуррият Аёзовна, сўзимизни охиригача эшиласиз, дардимизни сизга айтишга келганмиз. Сиз эса раҳбарларга етказасиз. Маъқул келмаса, ҳаммамизни тутиб қамоққа ташлайсиз. 37-йилнинг шарпаси кезиб юрибди. Сизларнинг кўлингиздан қамаш, отиш, йўқ қилиш келади.

Милиция ходимлари келиб, йигитнинг қўлини қайира бошладилар. Опа қўриқчиларга ишора қилиб, қўйиб юборинглар, дея буйруқ берди. Шу шашт билан опа изига қайтди ва минбар томон юрди. Сўзи чала

қолган шоир раисга қараб: "Мен сўзимни тугатишим керак", – деди.

Опа минбарга чиқди. Йигитга қараб: "Фикрингизни ёзма равишда топширинг", – деди.

Йигит иложксиз жойига бориб ўтириди. Опа бироз тин олиб, рус тилида гапира бошлади.

– Товарищи!

Залдан қийқириқлар эшитилди:

– Ўзбек тилида гапиринг! Ўзбек тилида гапиринг! – деган хитоблар эшитила бошлади. Опа иложксиз ўзбек тилида гапирди.

– Ўртоқлар! Бу нима шовқин! Мен бизнинг зиёли ёшлар шунчалар маданиятсиз эканлигига ишонмаяпман. Устозлар нега жим ўтирибдилар? Бу ўзбошимчалик эртага сизларга жуда қимматга тушадику. Қудратли мамлакатимиз коинотни забт этиб турган бир пайтда, бутун ер юзининг тинчлигини кўзлаб, қудратини жаҳонга кўз-кўз қилаётган бир пайтда, сизлар қандайдир эскилик сарқити бўлган Наврӯз ҳақида оғиз кўпиртираяпсизлар, ўзларингизнинг ички ҳаяжонларингизни босолмай тутуриқсиз, мантиқсиз талабнома қўйишдан қўрқмайсизларми?!

– БМТ га аъзо бўлгин эмиш, ўзбек тилига давлат тили мақоми бер эмиш – бу нима? Исёнми бу? – сўнг раисга қараб мурожаат қилди:

– Ким эди фамилиянгиз?

Ҳамма жим ўтиради.

– Азизов, – деди раис аста.

– Азизов! – Опанинг овози микрофонда гуриллаб чиқди. – Ҳозироқ марказга борасиз. Бу ўзбошимчалик учун аввал сиз жавоб берасиз. Кейин сўзга чиқканларнинг исм-фамилиясини ёзиб беринг!

Опа шиддат билан минбардан тушиб, зални тарк этди..."

Телефон овози ўчди. Соат тўрт. Ҳаёлимга бундан 24-25 йиллар аввалги воқеалар ўзининг тарихий ўзанидан тошиб, пишқириб келарди. Афсуски, ён телефоним энди эшитмаётган эди.

Йўлга чиқишим керак. Шоир кутаяпти. Хонамга обдон назар солиб, ўрнимдан турдим. Стол устида тўзғиб ётган газеталарни тартиба солаётганимда эшик очилди. Қараашга улгурмадим. Бошимга оғир нарсанинг текканидан йиқилдим...

Давоми келгуси сонда





Нази Нази Нази Нази

Шавкат ОДИЛЖОН

Кўнглими таржими қилдим сен учун

СИЗГА СУЯНГАЙМИЗ...

Осмонга боқаман.
Бепоён, тубсиз,
Кўнглимни эзади исмисиз ҳасрат.
Гўё инсоният қолган қутбсиз,
Сизга суянгаймиз, Навоий ҳазрат.

Мана, неча аср ўқиб, ўрганиб,
Гоҳида ўнгланиб, гоҳи ўртаниб,
Баъзида тутабу, баъзида ёниб,
Сизга суянгаймиз, Навоий ҳазрат.

Заминга ёмонлик раво кўрмайман,
Оҳиста юргайман, озор бермайман,
Чалишиб ииқилгай ерга гердайган,
Сизга суянгаймиз, Навоий ҳазрат.

Ҳар ёшда кўзимга сингасиз турли,
Ўн саккиз ёшимда ошиқсиз сирли,
Ўттизимда юзи файласуф нурли,
Сизга суянгаймиз, Навоий ҳазрат.

Шавкат
ОДИЛЖОН



Неча аср тинмас алқаш, хитоблар,
Сиз деса чарақлаб кетар офтоблар,
Сизга суянгайдир барча китоблар,
Сизга суянгаймиз, Навоий ҳазрат.

Оз-оздан ўрганиб, қатралаб йигиб,
Қалбга муҳрланган Навоий туғи,
Ҳар битта туркйининг катта ютуғи,
Сизга суянгаймиз, Навоий ҳазрат.

ОСМОН ОЛИС ЭДИ...

Осмон олис эди, осмон жсим эди,
Соддаман, билмасдим чақмоқнинг кучин.
Тунов кун ёнингда турган ким эди?
Кўнглимни таржима қилдим сен учун.


Атиргул кўкламни тарқ этди – фироқ,
Кўксимни поралар Момақалдириқ,
Қачон жавоб топар абадий сўроқ –
Кўнглимни таржима қилдим сен учун.

Маглубият бўлди менинг зафарим,
Сенинг юрагингга қилган сафарим,
Тунлар эслаб сенга етган маҳалим
Кўнглимни таржима қилдим сен учун.

Сени Есениндан рашик қилган пайтим,
Тўпори болайдим, ўзимдай байтим,
Ҳеч қайси сўзимга бермадинг қайтим,
Кўнглимни таржима қилдим сен учун.

Кундуз Қуёши гувоҳ, оқшом Ой гувоҳ,
Гоҳи савоб қилиб, гоҳида гуноҳ,
Гоҳ истиҳолада, баъзан тортиб оҳ,
Кўнглимни таржима қилдим сен учун.

1989 йилда Самарқанд вилоятининг Жомбой туманида туғилган. Ўзбекистон Миллий университетининг журналистика факультетини тамомлаган.



НОЗИКЛАШУВ ЖАРАЁНИ

Маълумки, журналнинг ўтган сонида модерн адабиётнинг эстетик қиммати ҳақида мулоҳаза юритган эдик. Ушбу кузатишларимиз қуруқ мулоҳазалардангина иборат бўлиб қолмаслиги учун энди айрим модерн асарларни таҳлил қилиб кўриш мақсадга мувофиқ деб билдик. Назаримда, бугунги ўзбек модерн шеъриятининг таникли вакили Фахриёрнинг асарлари таҳлили модерн адабиётнинг моҳияти борасида фикрлашга етарлича асос беради.

Тириклик савдога қўйилган, умр бозорга чиқарилган, энг муқаддас туйғулардан оддий ашёларгача олиб-сотилаётган, бутун инсоният истеъмолчига айланган бир шароитда одамни атрофга эмас, ўз шахсига қаратадиган, ўзига бўлгандаям сиртига эмас, кўкрак қафасини ёриб, ичкарига киришга унайдидиган адабиётта кучли эҳтиёж сезилади. Жамият аъзоларининг асл одамий сезимлардан тамомимла айрилиб қолмаган қисми ана шу эҳтиёжмандлар лашкарини ташкил этади. Бу эҳтиёжмандлар жамоасининг борлиги жамиятнинг потенциал имкониятини билдиrsa, бундай қатламнинг тобора кўпайиб бораётгани миллатнинг ижтимоий соғломлашувидан далолат беради. Демак, ана шундай ижтимоий руҳоний ҳолатнинг ифодаси ўлароқ юзага келган модерн адабиёт миллат бадиий дидининг бузилишидан эмас, аксинча, унинг нозиклашувидан далолатdir.

Асл шеър одамнинг ичидаги бўлаётган долғали талотумлар, омонсиз жангларни кўрсатиш орқали унинг кўнглидан туйғусизлик зангини кетказиб, юракка тоза эпкин олиб киради. Бу билан ҳам қаноатланмай, ўша эпкинни булуутга, булууни ёмғирга айлантиради ва юрак деб аталмиш чегарасиз ҳамда ҳимоясиз мулкни эзгулик ёмғирлари билан ювиб, ундаги манфаат кирларини, лоқайдлик музларини эритади. Маълумки, инсоннинг баҳти ўткінчи, ғуссаси эса доимийdir:

Юрак инграр чорасиз
Чатнаб ётар музлиги,
На адoқ бор, на хулоса
Азоб узлуксизлиги.

Бу шеър ҳар бир ўйчил шеърхонга ўз юрагидаги музлик миқёсини туйиш имконини беради. Туймоқ билмоққа, билмоқ эса, муздан қутулмоққа олиб келиши мумкин. Шоир юрак ҳолатидан шунчаки ахборот бермагани каби, чақириқ ҳам ташламайди. Одамни ўз кўнгли хусусида ўйга толдиради. Бундай самарага эришиш учун шоир ғоятда чигал, ўта мавҳум туйғуларни туйимли қилиб моддийлаштиради. Инграётган чорасиз юракда чатнаб ётган музлик тасвири ўқирманга ўз кўнгил ҳолатини тасаввур қилиш имконини беради.

Фахриёрнинг шеърларини ўқиш ҳам, уқиш ҳам, таъсирланиш ҳам осон эмас. Лекин унинг битганлари миллий шеъриятимиз тараққиётининг шундай даражасидирки, уни билмаслик эстетик ва маънавий қиёфанинг кемтиклигига олиб келиши мумкин. Шунинг учун ҳам бугунги ойдин ўзбек Фахриёр асарларини ўқиши, ўрганиши, таҳлил қилишга эҳтиёж сезиши керак.

Фахриёр руҳий ҳолатлар мураккаблигини ўта нозик ҳис қиласи ва ғоят ингичка тасвирлайди. Шоирнинг “Суйгулим...” тарзида бошланадиган шеърида севги деб аталмиш у билан дардланган киши дунёсини остин-устун қилиб юборишига қодир муқаддас туйғунинг кутилмаган қирралари сўз ўйинлари воситасида акс эттирилган. Шеърдаги сўзларгина эмас, балки ҳар бир товуш ва тиниш белгиларига ҳам алоҳида эътибор берилсагина унинг поэтик жозибасини ҳис этиб, ундан таъсирланиш мумкин. Шундагина шеърнинг: “Суйгулим, суй, гулим, суйгу лим” мисраси билан бошланиши тасодифий эмаслигини пайқаб, шаклан бир сўзнинг шу тарзда турли бадиий маъноларни юзага келтираётганига эътибор қилинади.

Юракнинг ҳосиласи бўлган муҳаббат одамнинг, аввало, кўзида зоҳир бўлишини ўйлаган ўқирмангина “юракларим кўзимдан тошар” ифодаси моҳиятини англай олади. Кўнгил истагини бајаролмаган афтода ошиқ ва бунга имкон бермаган маъшууқа руҳий ҳолати шеърда бирваракайига: “Мени енгиб бормоқда ўлим, сени эса қийнайди яшаш” тарзида тасвир этилган. Шоирнинг ҳам иккиланиб, ҳам зидланган андуҳи сабабини англашга

уриниш ўқирман сезимларини ингичкалашибиради, унинг туйғуларини юксалтиради. “Мен”нинг ўлимга енгилиб бораётганидан ёзғириши осон тушунилади, лекин “сен”нинг яшашдан қийналиши сабабини илғаш учун фикр учқурлигидан ташқари, хиссиёт тоғалиги ҳам керак бўлади.

Шеърхон: “Кўймоқ бўлди менинг насибам, бахтиёрлик – сенинг қисматини” сатрлари англатган ҳолатни олдинги мисралардан келиб чиқадиган мазмунга боғлай олса, қаҳрамонни яқиндан ҳис этади. Фахриёрнинг ифодаланаётган туйғуни жилолантириш борасидаги маҳорати шундаки, у сўзлар ташийдиган одатий маъноларни тубдан ўзgartириб юбориб, уларга тамомила янги маъно ва сезимлар юклай олади. Одатда, ижобий маъно ташийдиган “насиба” сўзи ўз-ўзидан насибадор одамнинг мамнунлигини ҳам ифода этарди. Шеърда эса шоир бу сўзга салбий маъно оттенкаси юклаб, куйиш ҳолати билан боғлайди. “Қисмат” сўзи замирауда эса, табиий равишда, чорасизлик, маҳкумлик маънолари ҳам бўларди. Фахриёрнинг шеърида қисмат бахтиёрлик билан боғланиб, ифодага ўзгача бир рангинлик беради. Муҳими, бунда ифодагина ўзгариб қолмай, мазмун ҳам теранлашади.

Шеърдан: “Сен-чи ётсан. Бахтнинг аёли” тарзида телеграф йўсунинда чиқарилган хулоса ўқувчини ҳаётий вазият ва инсоний муносабатларнинг нақадар чигал экани ҳақида жиддий мулоҳаза юритишига ундейди. Шеърнинг сўнгги бандидаги мисраларга оғир инсоний изтироб яширганини пайқаш киши туйғуларини юксалтиради:

Юракларим кўзимдан тошар,
қисмат бўлди кўзлар қароси.
Қошлар аро айрилиқ яшар.

Бу ўринда сатрлардан чиқадиган мазмунни англашгина етарли эмас. Чунки умумий маънодан ҳам кўра айнан ифодадаги инжалик шеър мазмунини теранлаштирган ва айнан шу ўринларда модернча поэтик тафаккур йўсунидаги ўзига хослик ёрқин нағоён бўлган. “Қисмат бўлди кўзлар қароси” сатри орқали “менинг қисматим сенинг кўзингдай қора бўлди” тарздаги ҳасрат билан бирга ёр кўзининг қоралигига ҳам нозик ишора бор. Лекин бу – муҳими эмас. Негаки, мисрада ҳали оқибат ҳақидаги ахборотгина айтилган. Сабабнинг кутилмаган сехрли ифодаси “Қошлар аро айрилиқ яшар” сатрида бўлиб, у: “Бизнинг қисматимизда абадий айрилиқ бор, икки қош бир-бирига кўшилолмагани сингари биз ҳам айрилиққа маҳкуммиз” йўсунидаги андуҳни акс эттиради.


Фахриёрнинг “Бўғзимдан сирқирап товуш – қон” қатори билан бошланадиган шеърида ишқ йўлида юраги лахта қонга айланган ошиқ изтироблари акс этган. Шоир шеърда туйғуларнинг шунчаки тасвирини бермайди. Шунинг учун ҳам у илк мисрада ёз ҳолатини фавқулодда йўсунда ифодалайди.

Бундай муқаддима ўқувчини беихтиёр ҳушёр торттириб, товушнинг қонлиги, овознинг “хирқиаш” ўрнига “сирқиаш”и сабаби ҳақида ўйлашга мажбур этади. Шеърда шунчаки ахборот йўқ, унда дардли юрак зарблари акс этган. Ишқа мубталолик сабаб ошиқ вужудининг барча мучалари юракка айланган. Хижрон азоби бу юракни зардобу қонга тўлдирган. Маълумки, тўлиб кетган юрак туғёнлари ташқарига чиқмоқ истайди. Йўл эса битта – бўғиз орқали. Шу сабаб бўғиздан товуш эмас, қон чиқади ва у худди юрак каби “сирқирайди”. Чигал руҳий ҳолатнинг бундай инжа тасвири ўқирманни мушоҳадага чорлайди.

Шеърдаги: “Гул менинг энг сўнгги сўзимдир” тасвири замиридаги маънони изоҳлаш ўқувчи бадиий заковатини оширади. Маълумки, гул фақат чечаккина эмас, ёр ҳамдир. Демак, ошиқнинг бўғиздан чиқадиган сўнгги сўзи ҳам “ёр” бўлади. Шоир шеърнинг иккичи бандида: “Юрагим товондир – ёрилар”, – деб нола қилса, сўнгги бандда ўз иродасини: “Юрагим товондир – тўлайман” тарзида ифода этган. Шаклдош сўзларнинг кўзбоялағич каби усталик билан ўйнатилиши натижасида шоир яратган бадиий эфект шеърхонни лол қолдиради. Бунинг учун ўқирман “товон” сўзининг икки маъноси борлигини билишдан ташқари, маъшуқа ситами туфайли юраги товондай ёрилган ҳамда ҳар дақиқада ишқи учун юраги билан товон тўлашга шай ошиқ ҳолатини туйиши ҳам керак бўлади. Шундагина шеърдаги: “Суярман, куярман, бошимга Етар ишқ, мен сенга етмасман” шаклидаги умидсиз тўхтам сабаби англаб етилади. Кутилмаган изланишларга бой ўзбек адабиётида ҳам зидлик маъноси бутун бир асарнинг бошидан охирига қадар бу қадар изчиллик билан ва сездирмай ифода этилган шеърлар жуда кам учрайдики, бу ҳол Фахриёр поэзияси бетакрорлигидан белгидир.

“Осмон яратганинг...” сўзлари билан бошланадиган шеърда шоирнинг ҳаёт тартиботи, Яратганинг интизом ва адолати ҳақидаги фалсафий ўйлари ўзига хос йўсунда ифода этилган. Шеърнинг биринчи ва иккичи бандларида Аллоҳнинг қудрати, унинг одамзотга қилган чексиз марҳаматлар тизими тасвир этилади. Шоир ўқувчини шеърдан келиб чиқиши мумкин бўлган кутилмаган маънога Яратганинг иродаси натижаларини холис тасвирлаш йўли билан киши билмас тарзда тайёрлаб боради. Одамга берилган неъматлар орасида шеърнинг учинчи бандидаги: “Кўнгилга доғ берди, дийдаларга – ёш” мисраси мазмунини чақиш, “ёш” ва “доғ” тамсиллари нима эканини ўйлаш ўқирманни ташқи ҳайрат оламидан ички дардкашлик очунига олиб киради.

Шеърнинг “Кўймоққа дил берди, сўйимоққа – аёл. Чўймоққа тиз берди, эгмоқ учун – бош” сатрлари замиридаги теран маъноларни юзага чиқаришга уриниш шеърхонга кутилмаган ҳаётий ва бадиий ҳақиқатларни кашф қилиш имконини беради. “Жон берди аёлга этгудай нисор, Уни деб ёнмоққа – шам каби ҳаёт” мисраларида эр кишига тегишли қандай



юксак туйғулар куйланаётганини англаш ўқирман сезимларини нозиклашириб, шахсияти юксалишига туртки беради. Шоир Яратган томонидан инъом қилинган нарсаларда фақат күнгил ва севгига доир олий неъматларнингина кўради. У ўз борлигини ёлғиз ишқ оғушида, муҳаббат кучоғидагина тасаввур этади. Шоир кучли руҳий зарбани шеърнинг сўнгида беради: “Яралмай қолгани биргина висол”, – дейди у гўё бамайлихотир, жўнгина. Демак, ошиқ чин висол қиёматда эканига кўникмоғи лозим бўлади. Аммо бу ҳолат унинг севгиси даражасини бир мисқолга бўлсин пасайтирумайди. Ишқдан натижа кутиш таъмага ўхшаб қолади ва шоир чоғдошимизнинг кутилиш ҳам, воз кечиб кетиш ҳам мумкин бўлмаган севги домидаги нозик туйғулари, ингичка сезимларини таъсири ифода этади.

Фахриёрнинг “Сенсизлик” туркумидаги шеърлардан биридаги “Сочларингда адашди сўзлар. Не сўз эди, қорайди туйкус, Сочларингга қўшилиб куиди” мисралари маъносини англаш сўзнинг ифода имкониятларини очиш нуқтаи назаридан катта самара беради. Машуқанинг сочи қора экани маълум. Унга айтилган сўз асли қора эмасди, лекин туйкус қорайиб кетди. Демак, унга ошиқнинг истагига терс мазмун жойланган. Кўймоқ янада қораймоқдир. Сўзнинг қоралиги сочнинг қоралигига қўшилиб кетди ва уни кучайтириди. Бундан келиб чиқадиган бадиий маънони топиш учун астайдил ўйланмоқ даркор. Эҳтимол, бу маъно “Не қисматки, сўз ва соч ўйқаш” мисраси замиридадир. Унда ё хусусиятига ва ёки вазифасига кўра “соч”га ўйқаш бўлган “сўз” ҳақида ўйлаш шеърхонни истеъмолчидан ижодкорга айлантиради. Бу ўйқашлик “қора соч”га “нари қоч” каби шаклдамикин ёхуд “бахти қора” сингари моҳиятда? Шеърдаги: “Не бахт, мени ҳижронинг сўйди?” мисраси ошиқ учун топиш ёки йўқотишнинг ифодаси эканини аниқлаш, қаҳрамоннинг чиндан ҳам бахтли ёхуд бахтсизлиги тўғрисида мулоҳаза юритиш ўқирман туйғуларини ўстиради. Бу сатрларни ҳар ким ўзича изоҳлайдики, модерн шеърнинг ўзига хослиги ҳам уни туйишнинг турфалигига кўринади.

Шеърдаги “Юрак кетди, қолавердим мен” ифодаси замиридаги улкан ғамни тушуниш ўқирманни маънавий-эстетик жиҳатдан юксалтириши, шубҳасиз. Бундай шеърхон “Менда энди ҳеч ким яшамас” тарзида таъкид “юрак кетди” ифодасининг оқибати эканини англаш етади. Шоирнинг:

Сенга кетмоқ бахтиёрлиги,
Менга қолмоқ азоби насиб.
Кетмаслигингга зорлигим


Қолмоғингга эмас муносаб – тарзида изҳорлари сабабини англаш ва шарҳлаш учун кўнгил ҳолати нозиклигини илғайдиган тийрак назар зарур бўлади. “Ўзни сендан олгандим тилаб, Энди ўзни кимдан кутарман?” мисралари замиридаги бадиий ва ҳаётий маънони изоҳлашга уриниш сезимларни

теранлаштиради. Шеърдаги “Муҳаббат – армонли тенгиззлик” хукм-мисрасини, “Мен сени йўқларман, борларман” сатри маъносини, “Хавфсиз кўнгил бадбахт ва бўм-бўш” таъкидини англаш кишига эстетик лаззат берибина қолмай, унда шахслик сифатларини қарор топдиришга ҳам хизмат қиласди.

Фахриёрнинг “Бир кеча...” деб бошланадиган шеърида ҳижрон азобида ўртанаётган ошиқ ҳолати жуда нозик ва замзамали акс эттирилади. Ўқирманни шеър бошидаги “Бир кеча минг кеча бўлган бу кеча” мисрасида аллитерация фақат товшуларга эмас, балки сўзларнинг маъносига ҳам кўчиб, тасвир инжалиги ва маъно серқатламлигини юзага келтирган. Аслида, ҳижроннинг азобли ва узоқ туни ифоданинг ўзгачалиги туфайли ўта енгил оҳанг билан берилган. Шеърдаги ташки “беозор” оҳанг туфайли туғилган кайфият оғушидаги шеърхон шоирнинг: “Юрак – қаршилиги бўлмаган узв” тарзида хуласасига беихтиёр қўшилади. Негаки, одамга даҳлдор неки яхши-ёмон нарса бор, ҳаммаси юракка кириб келаверади. Юрак уларнинг биронтасига ҳам эшигини ёпиб ополмайди. Унинг муҳаббатга ҳам, нафратга ҳам, азобу қувончга ҳам қаршилик қилолмайдиган муча экани ҳақидаги ҳаққоний ва дардчил таъкиднинг ғоят мулоҳим оҳангда берилиши ўқувчи шуурига кучли таъсири кўрсатади.

Шеърдаги: “Дил оғриб соғинар, соғиниб оғрир” мисрасини сабаб ва оқибат муносабати нуқтаи назаридан изоҳлаш кишини ўзига хос поэтик кашфиётга ундейди. Одам ўйлаб қолади: дил оғридан соғинадими ёки соғинчдан оғрийдими? Шунингдек, “Тушларим сўллими, ўнгим ўнглими?” саволидағи сўзларнинг кўпқатламлиги ҳамда маъно ўйини тагига етишга уриниш киши фикрини чархлаганидек, сезимларини нозиклашириди. Эркакларнинг туши тескарисидан келади деган қараш бор. Лекин ошиқнинг туши эмас, ўнги ҳам тескарисидан келмасмикин, ишқилиб? Ўнгнинг ўнг эмаслиги шеърхонни ҳам хавотирга солиб, уни шоирга туйғудош қиласди. Шу боис шоирнинг: “Ўнглар азобидан тушга қочаман” шаклидаги икрори ўқирманни ҳам.

Фахриёрнинг кўпчилик шеърлари мусиқий оҳангдорликка курилган эмас. Уларда долғали руҳий ҳолат мусиқага солинмаган. Чунки бу шеърлар қулоққа атаб битилмаган. Улар ёлғизлиқда кўз билан, ундан ҳам кўра, кўнгил билан ўқилиб, теран идрок этилиб, ўз руҳий ҳолатининг ички мусиқасини топиб олишни кўзда тутиб яратилган. Айни вақтда, шоирнинг қофиясиз шеърларида ҳам умумий ички оҳанг, яширин гармония борлиги уларнинг ўзгачалигини таъминлайди. Фахриёр шеърларининг вазни ҳам турлича. Унинг баъзи шеърлари мутлақо қофиясиз бўлса, бошқасининг бир мисраси ўн, иккинчи қатори уч бўғинли ҳам бўлаверади. Лекин ўша битиклардаги ички бир мунг, ҳазинлик, дард барча шеърларни худди бир устун сингари бошдан охиригача тутиб туради. Мавзунлик бахш этади. Фахриёрда худди қадим ғазаллар сингари



ҳар байти ўзгача маъно ташийдиган, яъни якпора бўлмаган шеърлар ҳам бор. Лекин тасвирдаги мозаика туйғулар ифодасидан келиб чиқадиган умумий маъно салмоғи залворини камайтиrmайди:

“Бутламоқ” калимаси бутга айланар,
сигиниб ўтирас кечаю кундуз
унга бир этак бола
қорин сигинчини эсдан чиқариб.
Эҳтиёж маъбудага айланар секин,
Оммалашиб борар халқнинг ичидা,
Эҳтиёжга бўйинсиниб яшар раият...

Чуқур ўйланмасдан ўйнаб айтилганда туолгувчи бу пардозсиз сўзлар замиридаги ҳаётий-эстетик маънони туйиш киши этини жунжиктириб юборади. Уларда нафснинг истакларини бутламоқ илинжидан бут (санам), ҳеч туганмас эҳтиёждан эса маъбуда (илоҳа) ясад олган инсонларнинг фожиавий ҳолати бутун даҳшати билан акс этган. Бу ҳолатга замоний аниқлик, маконий мансублик, яъни хронотоп талаби билан ёндашиш самара бермайди. Иллатларнинг илдизи чуқур, уларнинг тарқалиш жуғрофияси чегарасиз, у кўнгил мамлакатини эгаллаб олган. Шеърда ташқи жозибанинг кўзга ташланмаслиги, мазмуннинг ўзгача йўсунда ифода этилгани унинг ҳиссий қудратини оширган.

Фахриёрнинг битикларини туйиш ва таъсирланиш, модерн адабиётининг барча яхши намуналарида бўлгани каби, ўқиб тугатилгандан кейин бошланади. Ундаги яширин маъноларни ҳар ким ўз ҳолига яраша аниқлади, чоғи келар даражада англайди, тафаккур ва кўнгли имкон берган миқёсда таъсирланади. Айрим шеърларнинг силлиқ эмаслиги, унда на қофия, на вазн, на банд мавжудлиги бир сухбатида Фахриёрнинг ўзи айтганидай: “Шеърнинг фақат қоғозда мавжудлиги, овоз чиқариб ўқилмаслиги унинг анъанавий унсурлари бўлмиш қофия, туроқ, бўғин, банд, байт, радиф сингари... “рудиментлар” и йўқолиб боришига сабаб бўлиши, экспериментлар оҳангдан шаклга – визуал ҳолатга кўчиб ўтиши ҳам мумкин” лигини кўрсатмоқда.

Айтиш керакки, модерн шеърда шакл иккиласи ҳодиса эмас. Битикнинг қиммати унинг айнан


айни тарзда ёзилганидадир. Бу ҳол ўқирманинг фикригагина эмас, сезим ва кечинмаларига ҳам ранг-баранглик бағишилайди. Фахриёрнинг туйғуни фикрдан, фикрни сўздан, сўзни унинг ўйноқи жилваларидан айрмайдиган поэтик истеъоди ўқирманин ўқиган шеърининг чин ижодкорига айлантиради. Чунки у ўқирманга сўз дарёсидан балиқ тутиб бермайди, балки унга фикр ва туйғу қаромини совға қиласди. Бу ҳол шеърхоннинг ўзини ишлашга, ифодадаги сирли ва жумбоқли ўринларни кашф қилишга ундаиди.

Фахриёр сўз, маъно, оҳанг ва поэтик воситалар билан алоҳида-алоҳида ишламайди. Истеъодод қудрати шоирга назмнинг барча унсурларини бирдай туйиш, қўллаш ва бирваракайига бадиий эффектга эришиш имконини беради. Шоир “шакл симфонияси”ни шундай уйғунлаштирадики, ўқирманда бир вақтнинг ўзида товушни кўриш, рангни эштиш, шаклни туйиш, барчасидан баравар лаззатланиш имконияти пайдо бўлади. Фахриёрнинг на сўзлашув ва на илмий тилда қайта ифодалаш мумкин бўлган шеърларида ўзбекча фикрнинг қиличдай ўткирлиги-ю, ўзбек тилининг ифода имконияти чексиз экани намоён бўлади. Айни чоғда, ахборотлар замонида давридан ортда қолмасликка интилаётган замондошимиз руҳиятининг аниқ чизгилари ҳам берилади.

Одам тафаккурининг юксалиши унинг туйғулари нозиклашишини ҳам тақозо қиласди. Акс ҳолда, тафаккур ва туйғу номутаносиблиги кишини маънавий таназзулга олиб келиши мумкин. Бугунги одам ҳеч қачон фақат баҳтдан иборат ҳаёт кечиролмаслигини теран англаб бораёттир. Зоро, яшаш янгидан-янги гуноҳлар қилиш ва шу сабаб мабдадан борган сари узоқлашишга маҳкумликдир. Демак, мунг доимий, қувонч ўткинчи йўлдошдир. Айни шу ҳолат юзага келган шароитда модерн изланишларга эҳтиёж пайдо бўлади. Синчиклаб қараган киши Фахриёрнинг шеърларида ана шу доимий мунг ифодасини кўради. Унинг шеърларида ҳамишалик мунг исканжасидаги инсоннинг мураккаб ва инжа руҳий ҳолатлари маҳорат билан кўрсатилади.

Давоми. Боши ўтган сонда





Баҳром РЎЗИМУҲАММАД

Нази Нази
Нази Нази Нази



Оқшом теваракни яширган эди


ЖИЙДА ШОХИДАГИ ПАРИЛАР

Қоронги кечада эди
Оқшом теваракни яширган эди
Нон жийда ёнидан ўтиб бораётган эдим

Ёқимли шивирларни эшиитдим
Қарадим тепага бир жийда шохларини
Кўрдим эшиитдим кўрдим эшиитдим
Баданимни юзлаб асаларилар талаган каби
бўлди
Асаларилар бир ширин чақмоқда эдилар
Тубсиз осмонда томир
Ёйди чақмоқ

Қарасам кўзлари мовий балки яшил
балки бол рангида
Парилар ўтирибди шохларда
соchlари тилло балки зумрад
Туси ила ёнмиши туши кўрдимми ё дебман
Бир гал тош ичидан оққан шундай булоқни
Кўрган эдим шу эсимга тушди
Бир ширин ширин
Эсладим
Кулдим
Йигладим
Ичимда
Тинч
Оҳ

Баҳром РЎЗИМУҲАММАД



1961 йилда Хоразм вилоятининг Шовот туманида туғилган. Тошкент Давлат университетининг журналистика факультетидага таҳсил олган. “Тоғушисиз қадам”, “Теракка яқин юлдуз”, “Икки нур”, “Давсаман”, “Тинч гуллайдиган дарахт”, “Кундуз сарҳадлари”, “Соялар сухбати” номли шеърий тўпламлари нашр этилган.

Қоронги кечада эди
Оқшом теваракни яширган эди
Нон жийда ёнидан ўтиб бораётган эдим

Тунни чайқатиб бир оҳиста кулмакда эди жийда
Париларнинг қўли қўрмизи сочи тилло овози кумуш
Ранглар бошимни бир айлантирилар

Эй одам деди бир пари нечун
Умринг йигига чулганмиш
Яшаш истарсен яшаб билмассен
Кулсанг биз каби бир озод кул
Бўса билганинг заққумдан аччиқ
Кел бери сен жисн каби кел

Қоронги кечада эди
Оқшом теваракни яширган эди
Нон жийда ёнидан ўтиб бораётган эдим

Тепага боқдим дум-думалоқ
ёқутлар рақсини кўрдим

Тенага бокдим ёқутлар орасида
 шар сингари олтинларни кўрдим
 Тоғларни кўрдим сўқмоқларни кўрдим
 Ёлларини титратиб хирқираётган
 арслонларни кўрдим
 Қаҳ қаҳага тоиниб йиқилдим мен
 Турдим сояларим яна йиқилди
 Бир кафт
 Устида
 Юриб
 Бораётган
 Каби
 Бўлдим

Нон жийда ёнидан ўтиб бораётган эдим
 Оқшом теваракни яширган эди
 Коронги кеча эди

Жийда кечака оқиом
 Оқ
 Шом
 Шам

ТУТ


Ковагига чумчук уя солган эй
 қишилогимиздаги тут сени согиндим
 хон қизи гавҳар мунчоқдек шиппа
 ётишиган янтоқ кўргим келади сени
 мен ер ҳидини согиндим лой
 ўйинчоқларимиз турпоқ эмиши ҳануз
 бўжилари ила қўрқитган дала тузларимиз қани
 уялибдими мендан кичраймииш кулба
 нос рангидағи қовоқлар товланмииш
 сувлар оқаётганмииш
 бир ииғи каби
 семиз ўт дўмбоқ қиз каби эркаланиб ётмииш
 мол тезаги туртиб уйготди алланималарни
 балки ишонмассан тер ҳиди эсимдадир

ишиқдан менга сабоқ берган қизалоқ
 унумармидим мен қатиқ исини
 Одам тилида гапирсанг бўлмайдими ахир
 дермиши олифта битикларини ўқиган чол
 Тут эса тушиимда балки ўнгимда
 момомнинг бепарволиги ила
 чумчуқларини чирқиратиб мен тарафга
 келаётганмииш
 жодугар ковуши янглиг томирларини
 бирма-бир босиб
 ОВОЗ Шамол Шамол боланг қудуқча йиқилди
 Кетига тезак тиқилди
 Тез кел олиб момоқалди рогингни

СУВ МИНОРАСИ

Нурни ушламоқ истарсан тутмоқ истарсан
 жунун водийсига хат таширлар қушлар ҳам
 кўзингдан сочилган шуъла ақлимни барбод қилди
 барча нурлар қочдилар
 камалакка дўндила
 ўқ ёй бўлур қўлингда
 жоним нишон камонга
 тунми бу боиқа тус ўйқ ё сочми
 чулгансин жисмим ноз билан ишва билан
 бир кўтарилар бир тушар бир мавжланар
 йилтироқ ашёлар ўғирларми хаёлимни
 оқкан каби бўламан балки дарёдирман
 учган каби бўламан ойдирман балки
 эшиштмай гапираётган сен эканингни сездим
 оловга нега ёнгани қўймайсан
 шамол кўйлакларинг шитиридадир
 имлоларни пайтаслаб ўқимоқдаман
 фараз қилки кўзинг жодуси ила куйган бағрим каби
 бармоқларим ёнмоқда чўғ бўлмоқда бирин кетин
 адаидим Сув минорасига қараб турибман
 Камалак ўлкасига капалак бўлиб учайми
 томчи зарби янглиг товуш мени уйготгали келди
 уйқу аро уйгонганимни ҳеч кимса билмас





Ж. Жаҳон ҳикоялари

Жаҳон ҳикоялари

Жаҳон ҳикоялари

Элиас КАНЕТТИ



ЖИНЕТТА

Ҳикоя

Бу аёл мўъжазгина француз ресторанинг соҳибаси эди. Ресторан “Шаҳризода” деб аталар ва у Мадинада бутун тун бўйи очик туродиган, яккаю ягона тамаддихона ҳисобланарди. Баъзан бўм-бўш бўлар, баъзида эса унда уч-тўрт хўранда овқатланиб ўтиради. Бироқ кўпинча, айниқса, тунги икки билан уч орасида бу ер кунда-шунда мижозлар билан тўлибтошар, шунда кимнинг нима деяётганини, ҳар бир айтилган сўзни аниқ эшитиш мумкин бўларди, чунки хона кичкинагина бўлиб, агар йигирма ҷоғли одам ўтирган ёки турган бўлса, ресторанинг томи шовқиндан сал бўлмаса кўчиб кетай дерди.

Емакхонадан ўн қадамча нарида, шундоқ муюлишда Жема эл-Фна – бўм-бўш майдон ҳувиллаб ётарди. Икки ўртадаги фарқни қаранг, нақ ер билан осмонча эди. Майдоннинг айланга тевараги бўйлаб эски-туски, йиртиқ ва жулдур кийимли камбағал-қашшоқ, ғарип ва фақир кишилар қоқ ерда ётиб, тонг оттиришарди. Улар бу жойга шунчалик мослашиб кетгандики, ногоҳ туртинмаслик учун кўзга қараб юришга тўғри келарди. Кимда-ким бемаҳалда кенг майдонда тимирскиланиб



Элиас КАНЕТТИ




Австриялик таниқли ёзувчи ва драматург, Нобел мукофоти соҳиби.

“Жаҳолат” (1935), “Омма ва ҳокимиёт” (1960) номли асарлари ҳамда “Тўй” (1932), “Манманлик комедияси” (1934), “Муддати чекланганлар” (1952) сингари драмалари билан шуҳрат қозонган.

юрган бўлса, бундайин шубҳали кимсалардан узоқроқ юргани маъқул эди.

Жема эл-Фна узра аллақачон ўлик сукунат чўккан маҳал “Шаҳризода” бағрида ҳаёт эндиғина бошланаштган бўларди. Ресторанга кириб-чиқаётгандар, асосан, европаликлар – француздар, инглизлар бўлиб, улар орасида америкаликлар ҳам учраб турарди. Мижозлар орасида араблар ҳам бор эди; улар ё европача кийинган ёки бўлмасам, ичувчилар тоифасидан бўлиб, шу билан ўзларини гўё замонавий кишилар қилиб кўрсатишга ёхуд европаликларга таассуб қилишга мойил бўлишарди. Ичимликлар нархи ниҳоятда қиммат эди, шу боис бу ерга киришга унча-мунча арабнинг юраги бетламасди. Майдонда ётиб-туродиган одамларнинг чўнтагида ҳемири ҳам йўқ, “Шаҳризода” мижозлари эса бир қадаҳ конъяқ учун бир юз йигир-



ма франк тўлашар ва бирин-кетин бир неча қадаҳни кўрдим демасди.

Майдон ахолиси уйкуга кетгунга қадар радио-карнайда арабча мусиқа янграр, сўнг эса ресторан тарафдан европача рақс мусиқаси бўғиқ оҳанг таратарди. Ресторан хўжайнин мадам Миньон энг сўнгги модадаги куй-кўшиқлар ёзилган грампластинкаларни ҳар доим канда қилмай опкелиб кўярди. У ўз пластинкалари билан фахрланар ва ҳар ҳафтада яп-янгиларидан бир кўтарим харид қилиб келарди. Сўнг улардан кунда-шунда мижозларига қўйиб берар, меҳмонларнинг нозик таъб-диidi билан ҳиблишища устаси фаранг эди.

Хоним асли Шанхайдаги туғилган, отаси француз, онаси эса хитойлик бўлган. Унинг кўзлари аввал икки ёққа қараган, ғилай эди, кейинчалик жарроҳи қилингач, ўрнига келган бўлса-да, барибир хитойларга хос феъл-атвордан деярли ҳеч вақо қолмаган ҳисоб эди. У онаси хитойлик аёл бўлганини ҳечам яширмасди. Марокаш мамлакатига келгунга қадар, олдин бошқа француз колонияларида яшаган, бир неча йил Дуалада ҳам бўлган экан. Лекин мадам Миньон бошқа миллат ва элатларга нисбатан шунақанги норози оҳангда гапирардики, бунақанги нотўри фикрга гўлларча маҳкам ёпишиб олган аёлни умримда биринчи марта кўришим эди. Бироқ французлар ва хитойлар ҳақида лом-мим демас, фақат ҳар гапида аллақандай ғурур билан: “Менинг онам хитойлик, отам эса француз бўлган”, дейишни канда қилмасди. Хуллас, у шунақа ўзидан ўзи мамнунлик тудиган аёл эди. Насл-насаби, келиб чиқиши бошқача бўлган мижозларини кўрдим дегунча, уларни ёзгиришга тушарди.

Мен бир куни ресторандаги у билан ёлғиз қолиб, узоқ сұхбатлашгач, ҳартугул ишончини қозонишга сазовор бўлдим. Фильм суратга олиш гурухимиздаги инглиз дўйстларим овқатланиб бўлгач, баъзан пул тўлашни унтиб кетворган пайтлар ҳам бўлиб турарди, шунда мен ҳеч иккиланмай улар учун ҳам тўлаб юбораверардим, шунинг учун бўлса керак, аёл ўзича мени бой деб ўйларди. Ҳа, у мени сирли равишда бой деб ўйларди, чунки инглизларнинг кийган кийимиға қараб, буни ҳечам билиб бўлмасди. Шерикларимдан кимдир ҳазиллашибми ёки мадам Миньонни атай лақиплатиш учунми, каминани орқаворатдан руҳий касалликлар шифокори деб таниширибди. Кўпинча бир сўз демай, жимгина ўтиришим, бунинг устига кейинроқ меҳмонлар ва мижозлар ҳақида батафсил сўраб-суриштирганим учун бўлса керак, ҳархолда хоним бу миш-мишга ишонган кўринади. Мен ҳам бунга эътиroz билдириб ўтирадим, қайтанга бу яхши эди, энди у мен билан бемалол ва бамайлихотир сұхбатлашадиган бўлди.

Унинг турмуш ўртоғи мсье Миньон чет эл легионида хизмат қилган, тўладан кепган, гавдали, бақувват киши бўлиб, ресторандаги юмушларга оз-моз ёрдамлашиб юргучи эди. Мижозлар йўқ пайтларда торгина хонадаги ўриндиклардан бирига чўзилган кўйи мазза қилиб уйқуни уради. Таниш меҳмонлари келди дегунча, уларни „La Riviera“ – фаранг исловатхонасига бошлаб бораарди, ресторан билан унинг ораси атиги бир неча дақиқалик йўл эди. У ерда бир-икки соат бўлиб, меҳмонлар билан бирга қайтиб келар, исловатхонага янги келган қизлар ҳақида хотинига гапириб

берар, меҳмонлар билан оз-моз ичишгач, сўнг уларни кузатиб кўярди. Орадан ҳаял вақт ўтмай, янги мижозларни олиб, яна „La Riviera“га равона бўларди. Бу – “Шаҳризода”нинг кундалик ҳаётида тез-тез қулоқка чалиниб турадиган сўз эди.

Мсье Миньоннинг юзи юмалоқ, елкалари кенг, болаларга хос чехрасини эсадоим мудроқ босиб турарди. Эринибинга, гўё малол келаётгандек жилмайиб кўяр, француздарга хос бўлмаган тарзда жуда секин сўзлар ва камгап ҳам эди. Аёли ҳам сергап эмасди, ҳиссиётга берилувчан ва нозик табиатли бўлиб, гапга ҳадеб араплашавермас эди. Аммо чакаги бир очилса борми, ҳадеганда тинай демасди. Эри эса унга қулоқ солмай, индамайгина қадаҳларни чайиб кўяр ё ётиб ухлар ёки бўлмасам, „La Riviera“га қараб йўл оларди. Хоним баъзан кайфи ошиб қолиб, кўполлик қиласидиган айрим мижозларга эшикнинг қаердалигини кўрсатиб кўйиши ёлғиз ўзи уddyалай олар, бу масалада эридан ёрдам сўраб ҳам ўтириմасди. Ресторан унга қарашли эди, шу боис бўлса керак, грампластинкалар сақланадиган пештахта ортида ҳар эҳтимолга қарши резинка таёқни ҳам шай қилиб кўйиганди. Таниш-билишлари ва дугоналарига таёқни кўрсатиб мақтанаракан, у фақат америкаликлар учун мўлжалланганини таъкидлар, бунга жавобан дўйстлари заҳархандалик билан кулиб қўйишарди. Ҳақиқатан ҳам маст америкаликлар хоним учун катта қийинчиликларни келтириб чиқарар, шунинг учун ҳам уларни жуда ёмон кўрарди. Унинг назарида, варвар (ваҳший)ларнинг фақат икки тури мавжуд эди: бири маҳаллий ҳалқ, иккинчиси эса америкаликлар.

Мсье Миньон чет эл легионидан ташқари бошқа ерларда ҳам бўлган экан. Кунларнинг бирида у менга мурожаат қилиб, ўзигагина хос бўлган ярим қув, ярим эринчиқ оҳангда:

– Сиз докторсиз, жиннilar шифокорисиз, шундайми? – деб сўраб қолди.

– Нега бундай деяпсиз? – ўзимни ҳайрон қолган қилиб кўрсатдим мен.

– Бизга шундай дейишиди. Мен Париж яқинидаги бир жиннихонада икки йил қоровул бўлиб ишлаганман.

– Ундей бўлса, бу соҳадан ҳам оз-моз хабардор экансиз-да.

У сўзларимдан хурсанд бўлди ва иши давомида жиннilarнинг қайси бири хавфли-ю, қай бири хавфсиз эканлигини аниқлашни осонгина ўрганиб олгани ҳақида сўйлай кетди. Айтишича, бу борада ҳатто ўзига хос таснифнома ҳам тузган экан. Мен ундан Марокашдаги жиннilar тўғрисида сўрадим, шунда у ҳаммага маълум бўлган баъзи бир воқеаларни гапириб берди. Хуллас, шу кечадан бошлаб у менга шундай муомала қила бошладики, гўё мен унинг собиқ бошлиғи эдим. Баъзан мижозлардан кимдир ўзини бир оз жиннича тутадиган бўлса, биз бир-биримиз билан зимдан кўз уриштириб олардик, гоҳ-гоҳ у мени конъяқ билан сийлаб ҳам турарди.

Мадам Миньоннинг якка-ягона сирдош дугонаси бор эди. Унинг исми Жинетта бўлиб, бу номни у тез-тез тилга олиб тургучи эди. Жинетта ресторанга келиб, пештахта олдиаги баланд курсилардан бирига ўтировлган кўйи кимнидир интиқ кутарди. У ёш, ўзига оро берган, юзи ниҳоятда рангпар эди, гўё бутун тун бўйи мижжа қоқмай, кундузи ухлайдиган одамдай таассурот қолдиради. Кўзлари совук, ёқимсиз боқар,



ҳар лаҳзада эшик томон ўгирилиб қараб кўяр, кимгайдир илҳақ эканлиги очиқ-ойдин кўриниб турарди.

Жинетта буюк воқеа содир бўлишини соғинч билан кутарди. У йигирма икки ёшда, умрида Марокашдан ташқарига чиқмаган. Шу ерда туғилган, онаси италиялик, отаси эса инглиз, Дакарга кетворган ва қизига ҳеч қандай ғамхўрлик қилмас эди. Жинетта инглизча суҳбатларни жон қулоги билан тинглар, чунки булар унга отасини эслатарди. У нима иш билан шуғулланган, нега энди бу ерни ташлаб, Дакарга кетган, бу ҳақда ҳеч нарса билолмадим. Мадам Миньон ҳам, Жинеттанинг ўзи ҳам отасини қандайдир фахр билан тилга олишар, уларнинг гап-сўзларидан у қизини деб кетиб қолганини билиб олиш қийин эмас эди. Ҳархолда улар шундай деб ўйлашарди, бинобарин, ота шаҳарни шунчаки тарқ этмагани, қолаверса, қизи ҳақида ғамхўрлик қилмаётгани ҳам бежиз эмаслиги кундай равшан эди. Онаси тўғрисида эса ҳеч қандай гап-сўз бўлмасди; англашимча, у ҳамон Марокашда яшарди, бироқ ё камбағал ёки бўлмасам, касб-кори, топиш-тутиши унчалик эмасми ёхуд итальянлар ҳақида у қадар юқори фикрда эмасликлари сабабми, ҳархолда уни тилга олишмасди. Жинетта эса Англияга жуда ҳам қизиқар, бир кунмас-бир кун у ерга боришни орзу қиларди. Ўзига қолса, қаерга бўлса ҳам, ҳаттоқи Италияга жон деб кетворган бўларди; у ўз шаҳзодасини кутарди, уни Марокашдан олиб кетса бас. Айниқса, ресторон мижозлардан бўшаб қолган дамларда уни бениҳоя интизорлик билан кутаётгандай туюларди. У ўтирган баланд курси билан эшик ораси тахминан уч қадамча эди, бироқ эшик ҳар гал очилганда у гўё юз-қўзларига оғир зарба урилгандек, бирдан ортга силтаниб, сапчиб тушарди.

Жинетта, унга илк бор кўзим тушган пайтдаёқ ёлғиз эмас, ёнида ёшгина бир йигит бор эди. У кўринишдан қиз болага ўхшаб кетадиган, ўзига оро берган, башанг кийинган, аёлсифат олифта бўлиб, катта-катта тим қора кўзлари ва жигарранг юзига қараганда, унинг шу ерлик эканини пайқаб олиш қийин эмас эди. Икковлари бир-бири билан инок, ахил, сирдош эдилар, ресторанга ҳам доим бирга келишарди. Улар ҳақида бор ҳақиқатни билиб олгунимга қадар, бу жуфтликни севишганлар бўлса керак, деб ўйлагандим. Йигитнинг ташки қиёфаси ҳар доим худди тўппа-тўғри қиморхонадан келаётгандай таассурот қолдиарди. Наинки эгнидаги кийими француза урф-одат, анъаналарга бутунлай мос келарди; у хатто кўпчиликнинг кўз ўнгидаги ҳеч бир уялмай-нетмай Жинетта билан ялаб-юлқашардик, бундай қилиқ арабларда энг ёмон иснод саналар эди. Кўп ичкилик ичишарди, гоҳо ёнларида унчалик ясанмаган, тахминан ўттиз ёшлардаги учинчи бир одам ҳам кутилмагандан пайдо бўлиб қоларди.

Жинетта бир куни қисиниб-қимтиниб менга биринчи марта мурожаат қилган пайти, афтидан, каминани инглиз деб ўйлади шекилли, одатдагидай пештахта олдида ўтиради. Мен унинг ўнг томонида, йигит эса у ёнида эди. У дўстларим Марокашда олаётган фильм ҳақида сўради, мен унинг саволларига бажонидил жавоб қайтардим. Бу Жинетта учун улкан воқеа эди, чунки у, сезишимча, ҳаётини жон деб кино санъатига бағишлигар бўларди. Мадам Миньон бизлар, яъни унинг энг яқин дугонаси ва мен бир-биримиз билан ниҳоят, танишиб олганимиздан хурсанд эди.

Бирпас суҳбатлашганимиздан сўнг, қиз менга ёнидаги йигитни танишириди, улар турмуш қуришганига бир йил бўлиди. Буни эшитиб, ҳайрон қолдим, негаки, ҳаммасини бошқача тасаввур қилган эдим. Уларни кўрган одам, ҳали ҳам тўй саёҳатида юрган бўлишса керак, деб ўйларди. Лекин Жинетта ёлғиз ўзи эшикка термилиб ўтирган пайтларда вазият бирданига ўзгача тус олар, кўнгли батамом бошқа бир эркакни тилаётгани аён бўлиб қоларди. Нозик ҳазил-хузул асносида уларнинг турмуш тарзидан ҳам анча-мунча воқиф бўлдим. Англашимча, тунги соат учда ресторондан уйга қайтишгач, тамадди қилишар, сахар бешга томон ётиб, то пешинга қадар донг қотиб ухлашар экан.

– Қоёв нима иш қилади? – сўрадим мен қиздан.

– Ҳеч нима, – деди у, – унинг ўз отаси бор.

Буни эшитиб, мадам Миньон бадҳоҳлик билан илжайиб кўйди. Қизболасифат йигит ҳам чиройли тишларини кўз-кўз қилмоқчи бўлгандай, беўхшов тиржайди. Ноқулай аҳволга тушиб, хижолат бўлиб ўтиrmади, балки сатанглиги устун келди. У мени, мен уни ичишга таклиф қилдим, сухбатимиз ҳам тез қовуша қолди. Ранг кўр, ҳол сўр, деган гап тўғри экан. Йигит зоҳиран қандай бўлса, ботинан ҳам худди шундай – эрка, тантик эди. Буям етмагандек, буткул французларга таассуб қилгани-чи. Ўзи Францияда бўлганмикин? Шу ҳақдаги саволимга:

– Қаёқда, Марокашдан ҳеч қачон ташқарига чиқмаганман, – деди. Бу арзанда Парижга боришни ҳоҳлармикин? Йўқ, қизиқмас экан. Англияга-чи?

– Йўқ, даркор эмас. – Умуман, бирон ёққа боришни ҳоҳлайдими-йўқми? – Йўқ. – У барча саволларимга аниқ бир мақсади йўқ одамдай ланж, мужмал жавоб қайтарарди. Демак, уни бу ерга боғлаб турган бир нима бўлиши керак, – ўйладим мен. Жинеттамикин, йўқ, у эмас, чунки унинг аҳволи маълум, қаерга бўлса ҳам кетишга тайёр, учгани қаноти йўқ эди.

Бир қарашда шундай “сип-силлиқ” ва оддигина кўринган жуфтликнинг турган-битгани жумбоқ эди. Улар ҳар оқшом ресторанда ҳозир-нозир эдилар. Чет эллик мижозлардан ташқари уларни яна бир нарса: Миньон хонимнинг грампластиналари қизиқтирарди. Баъзи бир қўшиқларни қайта-қайта, гоҳида кетма-кет беш-олти мартадан кўйдириб тинглашарди. Сўнг эшик билан пештахта орасидаги торгина хонада рақсга тушиб кетишарди. Энг қизиғи, рақс пайтида бир-бирига чунонам ёпишиб-қапишиб олишардик, буни кўриб туришнинг ўзи бир азоб эди. Жинетта ана шундай интим рақс тушишни жуда-жуда ёқтирарди, лекин томоша-бинлардан уялибми, гоҳо эридан нолиб ҳам қўярди.

– У билан рақс тушиш даҳшат. Кўп марта айтиб кўрдим, бўлмади, бошқача рақс тушолмас экан.

Навбатдаги рақс бошлангач, улар нафас ростлаб, энди грампластиналарнинг гир айланишини дикқат билан кузатишарди. Мен Жинеттани ўзи истаган ўзга бир мамлакатда тасаввур қилиб кўрдим, у ўша ерда ҳам, масалан дейлик, Лондонда, худди шундай одамлар билан худди шундай замонда, худди шундай ҳаёт кечирган ва худди шундай пластинкаларга рақс тушган бўларди.

Бир оқшом ресторанда ёлғиз ўзим ўтиргандим, Миньон хоним мендан, Жинетта сизга ёқадими-йўқми? – деб сўраб қолди. Гап нима ҳақида кетаётганини тушундим ва:

– Албатта, у табиатан ёқимтой қиз, – дедим.
– Биласизми, уни таниб бўлмай қолди, – деди
Минъон хоним ташвишланиб. – Унинг шу бир йил
ичида қанчалик ўзгариб кетганини тасаввур қилисангиз
эди! Шўрпешона экан, бечора! Ўзи ўша йигитга тур-
мушга чиқмаслиги керак эди. Бу ерликлар яхши қаллик
бўлолмайди. Тўғри, у яхши оиласдан, отаси бой-ба-
давлат, бироқ Жинеттага уйлангани учун уни меросдан
маҳрум қилган. Қиз арабга турмушга чиққани боис ота-
си ундан ҳолинг нима деб сўрамайди. Энди икковида
ҳемириям йўқ.

– Йигит ҳеч қаерда ишламаса, отаси унга ҳеч вақо
бермаса, унда қандай тирикчилик қилишяяпти?

– Наҳотки буни билмасангиз? Йигитнинг дўсти
кимлигини билмайсизми?

– Йўқ, буни мен қаёқдан билай?

– Ҳозиргина улар билан бирга ўтирганини кўр-
дингиз-ку. Йигитнинг суйган оғайниси – шаҳар ҳо-
кимининг ўғли. Бу гапга анча бўлган. Ҳозир ҳоким
ўғлидан аччиқланиб юрибди. Тўғри, унинг аёлларга
ҳеч қандай эътирози йўқ, ўғиллари қанча хотин олса
олаверсин, майли. Аммо-лекин, эркак эркак билан...
бунга у ҳечам тоқат қилолмайди. Бир неча кун бўлди, у
ўғлини ҳайдаб юборган.

– Бундан чиқди, куёв ўша дўстининг орқасидан
кун кўриб юрган экан-да?

– Ҳа-да. Уни нафақат ўша дўсти, балки Жинет-
та ҳам боқаяпти. Йигит қизни бой-бадавлат араблар
билан ётишга мажбур қиласди. Яна биттаси бор, Жи-
неттани яхши кўради, у ҳокимнинг ўғли билан бирга
туряди. Ёши ўтироқ қолган, аммо пули кўп. Аввалига
қиз унга унамади, лекин эри кургур мажбуrlаса, у бе-
чора нимаям қила оларди, кўникишдан бошқа иложи
йўқ. Мана энди учовлон кўпинча бирга ётишади. Агар
қиз хоҳламаса, эри уради. Лекин бу шунчаки фойда
учун, аслида у жуда рашкчи, хотинининг фақат пул
тўлайдиган эркаклар билан ётишига рухсат беради,
холос. Башарти қиз бирор кимни ёқтириб қолса борми,
ана кўринг томошани, рашки келиб, жанжал кўтаради.
Борди-ю, пули бор одамни ёқтиrmай, у билан бирга
бўлишни хоҳламаса ҳам, ёки ўзи кимнидир ёқтириб
қолиб, ундан ҳеч қандай ҳақ олмасдан алоқа қилса
ҳам, барibir уни дўйпослайверади. Бечора қиз, шун-
чалик ҳам баҳтсиз бўладими, шўрлик нима қилишини
билмай қолди. Уни бу ерлардан олиб кетадиган одам-
ни кутгани-кутган. Унга раҳмим келади, қанийди ўйли
очилиб, узоқ-узоқларга кетворса. У менинг бу ер-
даги бирдан-бир, ягона дугонам, кетиб қолса, нима
қиламан, ўзимам билмайман.

– Ҳоким ўз ўғлидан аччиқланиб юрибди дейсиз-
ми?

– Ҳа, уни маълум муддатга бадарға қилган. Шун-
дай қилсан, ақли кириб қолади, деб ўйлайди. Йўқ,
унинг ақли сира кирмайди, чунки иккови бир-бирига
ўрганиб қолишган.

– Жинеттанинг хуштори-чи, у ҳозир қаерда?

– У ҳам бирга кетган, ахир ҳокимнинг ўғли билан
доим бирга-ку.

– Демак, ҳозир икковиям йўқ, шундайми?

– Шундай. Бу – келин-куёв учун оғир зарба бўлди.
Пуллари йўқ, қарз ҳисобига яшашяпти. Лекин бу узок
давом этмаса керак. Ҳоким ўғлини ажратиб олиш учун
кўп уринди, бўлмади, ўғил қулоқ солмай яна Жинетта-
нинг эри билан топишиб олаляпти. Ота ноилож ён бе-
ришга мажбур бўлди.

– Ҳали ҳаммаси яхши бўлиб кетади.

– Ҳа-я, изга тушиб кетар, куйинган билан фойдаси
йўқ. Йигит шу кунларда бир оз жаҳлдор бўлиб қолган,
шу холос. Мушкул вазиятдан чиқиш учун “мижоз”
қидириб юрибди. Одамлар сизни жуда бой дейишиади.
Сиз билан гаплашганинг боиси ҳам шу. Аммо мен
унга айтдим, бекорга овора бўлма, дедим. Ахир, сиз
бамаъни одамсиз. Айтинг-чи, Жинетта сизга ёқадими?

Ана холос, менинг ёлғондакам бойлигим бошимга
шунча ғавғ олиб келади деб ўйламаган эдим. Аммо-
лекин бир нуқтада Минъон хонимга ноҳақлик қилдим.

– Уни бу ердан олиб кетиши керак эди, – сўзида
давом этди у. – Жинетта учун күёвига пул-мул бериб
ўтиранг тағин. Нима бўлса бўлар, барibir бечора
қизга фойдаси йўқ. Агар у билан бирга яшайдиган
бўлса, ҳеч қачон бири икки бўлмайди. У ҳамма нар-
сасини тортиб олади. Яхшиси, қизни ўзингиз билан
олиб кетинг. Истасангиз, у сиз билан кетади, буни ўзи
менга айтди. Хуштори эса кетолмайди, бу осон эмас,
қолаверса, ҳокимнинг ўғли қўйиб юбормайди, паспорт
ҳам ололмайди. Қизга ачинаман, кундан-кунга ранги
бир ахвол бўлиб бораяпти. Уни бундан бир йил олдин
кўрганингизда бормиди, янги очилган ғунча дердин-
гиз. Қизга яхши муомала-ю, бамаъни турмуш кифоя.
Ахир, у инглиз, албатта отасига тортади. Шунақаям
ёқимтойки, асти қўйинг. Одамнинг ишонгиси келмайди.
Сиз ҳам уни инглиз деб ҳисоблаган бўлармидингиз?

– Йўқ, – дедим мен. – Тағин билмадим, балки. Эҳ-
тимол, назокатли бўлсайди, шундай деб ўйлаган бў-
лармидим.

– Бўлмаган гап, – эътиroz билдириди Минъон
хоним. – У назокатга ҳам, латофатга ҳам бой қиз.
Худди инглиз аёли каби. Шахсан мен инглизларни
ёқтиrmайман. Улар менга ўта сипо бўлиб туюлади.
Анов дўстларингизга бир қаранг-а! Етти-саккиз нафар
одам бир неча соатдан бери миқ этмай ўтиришибди.
Буни қўриб, мени ваҳима босади. Уларнинг орасида,
эҳтимол, садист-қотил ҳам бордир, ким билиб ўти-
риби. Бироқ америкаликлар – уларга сирайм тоқат
қила олмайман. Нақ варварларнинг ўзи дейсиз. Ме-
нинг резинка таёғимни ҳеч кўрганмисиз?

Аёл шундай деб, уни пештахта ортидан олди-да,
бир-икки марта қаттиқ силкиб қўйди.

– Буни фақат америкаликлар учун асраб қўйибман.
У менга жуда кўп бакор келган, мен сизга айтсам.

Немис тилидан
Мирзаали АКБАРОВ таржимаси.





Зарнигор РАҲМАТОВА

Адабиётшунослик



ОТА МАКОН МАДХИ

Ҳар бир ижодкорнинг ўз ижодий ёндашуви, ҳаётга, дунёга қарashi, уни ўзига хос йўсинда ифода қилиш услуби бўлади. Шу нуқтаи назардан олиб қараганда Қорақалпоғистон халқ шоираси Гулистон Матёқубованинг яқиндагина нашр қилинган «Ота уйим» номли тўпламига кирган асарлари ижодкорнинг ўзига хос қиёфасини белгилашда муҳим ўрин тулади.

Китобнинг «Ота уйим» деб номланишида ҳам рамзий ва мантиқий боғлам мужассам. Барчамиз – Ота уйимиз, муқаддас заминимиз, беғубор болалигимиз кечган маконимиз, Ватанимизни доим юксак туйғулар билан қадрлаймиз, эъзозлаймиз, ҳамиша унга интилиб, талпиниб яшаймиз. Бу соҳир ҳислар шоира Гулистон Матёқубованинг «Ота уйим» номли китоби мундарижасини белгилайди.

Шеъриятимизда ўзбек адабиётининг забардаст шоирлари тамал тошини кўйган адабий қарашлар мавжуд. Жумладан, Жаҳон Отин Увайсий, Нодирабегим, Анбар Отин каби мумтоз шоирларимиз бўлса, Зулфия, Саида Зуннунова, Ойдин Ҳожиева, Ҳалима Худойбердиева каби XX аср шеъриятининг ёниқ кўйчилари бор. Уларнинг ижодий анъаналари

давомчиси Қорақалпоғистон халқ шоираси Гулистон Матёқубовадир.

Шоира Гулистон Матёқубова – шеърларида инсоний гўзалликнинг ёрқин қирраларини гўзал ташбехларда ифодалайди. Ҳар бир шеърида соддалик ва самимийлик уфуриб туради.

Ернинг юзасида соялармиз биз,
Лип этиб ўтамиз, ғойиб бўламиз.
Ўзимиз англаган ҳаёт ҳақиқатини
Соя каби олиб юрамиз.

Бу лавҳа «Тафаккур парчалари» номли достонидан олинди. Мўъжаз достон шарқ мутафаккири, моҳият қашшофи Жалолиддин Румийга бағишланган. Аниқроғи, шоиранинг Румий дунёсига кириб бориши, унинг инсон ва тириклик, ҳаёт жумбоги хусусидаги муazzзам ҳикматлар шодасидан илҳом олиши ушбу достоннинг яралишига замин ҳозирлаган десак, муболага бўлмайди.

Шоира китобнинг биринчи фаслига «Менинг ота уйим» деган ном остида йигирмадан ортиқ шеърини киритган. Уларнинг кўпчилиги Ватан ҳақида. Ватанинни севишга ўргатиш, унинг ҳар бир тупрогини муқаддас билиб, кўз қорачигидай сақлашга даъват қилиш учун ҳам ижодкорда метин иродада бўлмоғи керак. Юрак қони билан битилган ушбу шеърларда биз санаётган жиҳатлар талайгина. Шоира шунчаки қўлига қалам олмайди, Ватанин ўзича англайди. Яъни озод ва обод юртимизда олиб борилаётган кенг кўламли бунёдкорлик ишлари шу «муқаддас ватанда» яшайтган ҳар бир инсон учун эканлигини мантиқий жиҳатдан ургулайди.

Биз бугун кечаги одамлар эмас,
Эл ободдир озод меҳнатимиздан.
Бизни улғайтирди бу эркин нафас,
Бизни шарафлади шу ота макон.

Ҳар қандай разил куч, ҳар қандай ғоя,
Бу ўйлдан қайтара олмайди бизни.
Тараққий этган кўп юртлар олдида,
Юксакда қўрамиз давлатимизни.



Зарнигор
РАҲМАТОВА

1992 йилда Бухоро вилоятида туғилган.
Бердақ номидаги Қорақалпок давлат университети талабаси. Илмий-мақолалари республика матбуотида чоп этилган.

«Мустақиллик мадҳи» шеърида бошқа шоирлар ижодига ўхшамаган жиҳатларни учратдик. Ундаги «биз бугун кечаги одамлар эмас» мисрасининг ўзиёқ кишини ўйлашга ундейди. Ҳақиқатдан ҳам, Мустақил Ўзбекистон дунёга юз очди. Хилма-хил мафкуравий полигонлар жараёни кечаётган полифоник дунё сарҳадлари кенгайиб, ранго-ранглашиб бормоқда. Бу ўзгаришлар ҳар биримизни огоҳ, кучли ва билимли, маърифатли бўлишга ундаомоқда. Президент Ислом Каримов таъкидлаганидек, «буларни ҳаётнинг ўзи ҳар биримиздан талаб қилмоқда». Давр ўзгарди. Унда яшовчи инсон кайфияти ҳам ўзгариб бормоқда. Шоиранинг даъватларида барчамиз учун ибратли ҳикмат мужассам. Юртбoshимиз томонидан олиб борилаётган кенг кўламли ислоҳотлар моҳиятида баркамол авлодни тарбиялаш, ёшларни ватанпарварлик руҳида камол топтиришга ҳисса қўшиш каби мақсадлар мужассам. Шоира ана шу жабҳада ўзининг гўзал сўзлари билан ёшларни бирдамликка, бағрикенглик ва инсанийликка, меҳр-муҳаббатли бўлишга чақиради.

Китоб турфа ранглардан таркиб топган. Китобга таржима асарлар ҳам киритилгани алоҳида таҳсинга сазовор. Махтумқули, Александр Блок, Афанасий Фет, Кенгесбой Каримов, Фотима Мирзабоева каби жаҳон ва қардош халқлар ижодидан қилинган шеърий таржималарни эътироф этиш жоиз. Чунки аслиятдан таржима қилиш шоирдан катта маҳорат ва истеъодони, шеърни аслият дараҷасида етказиб беришни талаб қиласди. Ушбу шеърларни ўқирканмиз, таржима қилинган шеър ўзбек тилида янада ёрқинроқ, завқлироқ, ўзига хос тарзда жаранглаганинг гувоҳи бўласиз. Шундай маълумотлар борки, Шавкат Раҳмон XX аср испан шеъриягининг атоқли намояндаси Федерико Гарсиа Лорка ижодига мафтун бўлади. Шоир Лорка шеърларини аввал рус тилидан таржима қиласди. Кейинчалик рус тилидан қилинган таржима шоирга унчалик маъкул келмайди. Таржимадан кўнгли тўлмаган шоир икки йил давомида испан тилини мустақил ўрганади. Ва, олти ой давомида Лорка шеърларини аслиятдан ўзбек тилига таржима қиласди. Аслиятдан қилинган таржима – Лорка ижодини, унинг руҳини, кайфиятини, борингки барча фазилатларини акс эттирган. Таржимага эътибор берайлик:

Тушун, мен чалкашдим, адашдим,
Ҳар саҳифа, ҳар шеър сатрида.
Камзулимни елкангга ёпдим,
Сен-ла қолдим сўзлар қаърида.

Мазкур шеър Александр Блок қаламига мансуб. Машҳур рус шоири А.Блокнинг мажнунона руҳда битилган талайгина шеърларини ўқиганмиз. Аммо Г.Матёкубова таржимасини илк бор ушбу китобда мутолаа қилипмиз. Таржимон шоир кечинмасини аслият дараҷасида бера олган. А.Блок – моҳир сўз устаси. Унинг ҳар бир шеърида самимият уфуриб туради. Туйғулар реализми, ҳаққонияти ўзига хос тарзда жилваланади. Бинобарин, барчамиз туркман шоири Махтумқули шеърларини севиб ўқиймиз. Бу шеърлар ҳофизлар томонидан куй ва қўшиқларга солиниб ҳар бир қалбга кириб борган десак, янглишмаймиз. Чунки Махтумқули одам ва опам ҳақида ниҳоятда содда, самими, ҳар бир ўқувчига тушунарли қилиб ёзган. Машраб шеърлари қанчалик суюмли бўлса, Махтумқули шеърлари ҳам шунчалик оҳанграбо янглиғ юракларга тез етиб боради. Бу содда сатрлар бағрида кишини ўйлашга ундовчи бир неча жиҳатлар бирлашган.

Олтмиши бошли, ола қорли тоғлардан
Туман кўчар, ёмғир кетар, сел қолмас.
Шайдо булбул маскан тутган боғлардан,
Хазон ураг, япроқ сўлар, гул қолмас.

Махтумқули «Сел қолмас» номли ушбу шеърида дунёдаги барча яратиқлар ўткинчилигини, омонат эканлигини, факатгина меҳру муҳаббат абадийлигини ўқтираётгандек. Таржимада, Махтумқули кайфиятини, ўзига хос соддалик ва самимиятни тўлалигича етказа олган. Унда сўзларнинг ўз ўрнида қўлланилиши, ҳар бир сатрнинг бир-бири билан антитеза усулида мантиқий боғлам ҳосил қилиши диққатга молиқдир.

Умуман, Г.Матёкубованинг «Ота уйим» номли янги китобида шеърий, насрый таржима асарлари, адабий сухбатлари жамланган. Айрим таржима шеърларда жузъий камчиликлар учрайди. Булар ўз навбатида кейинги ишларида тузатилиб, таҳрир қилинса, мақсадга мувофиқ бўлади.





Ашурали БОЙМУРОД

*Нази Нази
Нази Нази Нази*



Kасиға

МУАЛЛИМ

*Илму ҳикмат булогисиз,
дил баҳори муаллим,
Шогирдолар мұхаббати –
эътибори, муаллим.*

*Ал-Беруний, Ал-Форобий,
бир ёнда Абу Лайс,
Самарқанддан сабоқ олган
шеър тождори, муаллим.*

*Адолатдан сўз ўрганди
Амир Темур Кўрагон,
Улуг ўзбек салтанатин
мададкори, муаллим.*



*Юлдузларга бокқанича
мудом Сизни ўйлади,
Осмон илмин бир шуъласи,
даъваткори, муаллим.*

*«Бобурнома» таърифига
иљом берган ўзингиз,
Улуг шоир армони-ю
гамгузори, муаллим.*

*Нодира-ю Зебунисо,
Увайсий, Анбар отин,
Бир гумбазни ёриб чиққан
қалб анори, муаллим.*

*Илм ўзни англамакдир,
ё ҳаётдир, ё мамот,
Авлонийлар авлодининг
шул қарори, муаллим.*

*Адабиёт бешиги – Сиз,
Ҷўлпон кеча-кундузи,
Ғафур Гулом, Ойбек домла,
сўз Қаҳҳори, муаллим.*

*Ўз домига тортиб келди
етмиши ииллик мустабид,
Яраланган шер юракнинг
минг озори, муаллим.*

*Дорилфунун яратмиишдир,
бизнинг Озод домлалар,
Илму нурга чанқоқ дилнинг
дўсту ёри, муаллим.*

Ашурали
БОЙМУРОД



1957 йилда таваллуд топган. Шоирнинг
“Садоқат”, “Софинч”, “Мөхристон”, “Қушлар
тилга кирганда” номли шеърий тўпламлари,
“Мехр” сайланмаси нашр этилган. Айни дамда
“Туркистон” газетасида ишлайди.

Она сўзин ўргатдингиз,
онамдайин меҳрибон,
Илм деган бир гўзалнинг
вафодори, муаллим.

Мўъжизалар ичинда ҳам
мўъжизадек яшайсиз,
Дунёнинг мен тополмаган
сир-асрори, муаллим.

Болажонлар огушида
сиз ҳам гўё боладек,
Инсонларнинг ичинда энг
хокисори, муаллим.

Ҳар юракка жо этдингиз
Мустақиллик дарсини,
Асли Ватан истиқлонин
ижодкори муаллим.

Сиз очгансиз ҳар кўнгилда
маърифатнинг эшигин,
Мактаб деган бир ҳаётнинг
илк баҳори, муаллим.

Муаллим деб ортингиздан
эргашиби шогирдлар,
Ҳақ йўлинда ҳар толибнинг
умидвори, муаллим.

Ўқувчингиз камолида
сизнинг заҳмат ётибди,
Сиз шогирдлар қувончи-ю
дил изҳори, муаллим.

Маънавият оламининг
ҳоқони ҳам ўзингиз,

Маърифатни истар дилнинг
йўқ губори, муаллим.

Дунё билан беллашмоққа
қодир сизнинг шогирдлар,
Илм отлиғ ул чўққининг
интизори, муаллим.

Ҳеч кимдан кам бўлмаганмиз,
ҳеч кимдан кам эмасмиз,
Шижаотга элтар йўлнинг
бир шунқори, муаллим.

Ҳақ йўлинда ўқитгай хўб,
ҳар сабоги ганж эрур,
Ҳақ йўлига юрган зотнинг
касби кори, муаллим.

Ҳаёт ўзи мураббийдир,
ҳаёт ўзи бир мактаб,
Шул мактабнинг етакчиси,
йўл ҳамкори, муаллим.

Сизни кўкка кўтаргаймиз,
бошимдаги тождорим,
Зиё топган элнинг баҳти,
ифтихори, муаллим.

Илм кўпни кўкартирас,
илм иста, эй рафиқ,
Яшнаб турган бу оламнинг
чаманзори, муаллим.

Заковат-ла бу оламни
мумкин эрур забт этмоқ,
Илм деган бир лашкарнинг
чин саркори, муаллим.

Юкинг ерда қолмас асло,
устоз бўлса ёнингда,
Ёмон кўздан асрар мудом,
кўз тумори, муаллим.

Букун дунё эшиклари
кенг очилди бизларга,
Ватан деган буюк шаннинг
номус-ори, муаллим.

Қадр-қиммат, таянчимсан,
ифтихорим ўзингсан,
Ватан дея дилга кўчган
юрт шиори, муаллим.


Ҳар бир устоз муаллимдир,
ҳар бир устоз — мураббий,
Бир соатлик ул саҳнанинг
санъаткори, муаллим.

Букун барча ҳавас қилгай,
муаллим бўлсан дейди,
Зотан ҳаёт қонунининг
устувери, муаллим.

Камолотга етаклайди,
юксалади ҳур ёшлиқ,
Жасоратга қанот бўлган,
элнинг кори, муаллим.

Шогирдларга шукроналик
туйғусини сингдирган,
Бахтиёрлар ўлкасининг
баҳтиёри, муаллим.

Таъзим, сизга азиз устоз,
минг эҳтиром юракдан,
Ашурали Боймуроднинг
дил ашъори, муаллим.



Нарзулло БОТИРОВ

Наср Наср
Наср Наср Наср



ИККИ ҲИКОЯ



Нарзулло БОТИРОВ



Каттакүргон туманида туғилған. Тошкент Политехника институтида, Милиция Олий мактабида таҳсил олған. Муаллифнинг қатор ҳикоялари республика матбуотида эълон қилинганд.

БИР ТОЛА СОЧ

Бугун яна ишга кеч қолдим. Катта бошлиқнинг қора рангли «Волга»си ҳовлининг тўрида савлат тўкиб туриди. Ҳайдовчи Ҳуррам қўлидаги дока билан автомашинанинг ойналарини, тоза эканлигига қарамай қайта-қайта артар, гоҳо эгилиб, қай бир мурватларини дикқат билан кўздан кечирарди.

Ҳаво совук бўлса-да, күёш чарақлаган. Том четларидан осилиб тушган сумалаклар қўёш нурларини синдириб, ҳар хил тусда товланиб, Янги йил арчасининг электр чироқчаларини эслатади. Ҳовли йўлаги сирпанчиқ. Кечаси тушган қиров ҳали эриб улгурмаган. Бир гала чумчуқлар учиб келиб, чорбоғдаги дарахтлар шохига кўнишиди. Муз қотиб қолган шохларда туролмадилар шекилли, ўзларича чуғур-чуғур қилишиб, гур этиб осмонга кўтарилиб, учиб кетишиди.

Ҳуррамга кўринмай ўтиб кетмоқчи эдим. Лекин машинасини айланиб ўтаётib менга кўзи тушиб қолди.

– Э, кечга қолибсиз-ку.

– Ҳа.

Ҳуррам катта бошлиқнинг шофёри бўлгани учунми, хизматчилар ундан ҳадисирашар эди.

– Бир ҳафта – роппа-роса етти кун шаҳарда бўлмабмиз. Кеча кечаси тумандан қайтдик. Шунга қарамай, «катта» эрталабдан идорага келиб олди. Ҳозир мажлис ўтказяпти. Туманларда юравериб, болаларни ҳам соғиниб кетди киши. Бугун яна сафарга чиқиб кетсан керак. “Катта”нинг кайфияти йўқ.

– Нимага? Бирор гап бўлдими?

– Туманларда аҳвол яхши эмас. Бу йил қиш эрта тушди, устига-устак совук келди. Чорванинг аҳволи чатоқ. Емиш, ҳашак кам. Техника ҳам баҳорги экиш мавсумига тайёр эмас. Ҳўжаликларда трактор-у, сеялкалар қор тагида қолиб кетган. Техника таъмири учун эҳтиёт қисм йўқ. Қаерга борсак, одамлар эҳтиёт қисмлар етишмаслигидан шикоят қилишади. Таъмирлаш учун электрод, карбид, металл керак. Хуллас, муаммо кўп. Шуларни кўриб, “катта”нинг кайфияти бузилди. Ҳозир ходимларни йиғиб мажлис қилаяпти.

Мен кўркиб кетиб:

– Йўғ-ей, – дедим.

– Ҳа, ҳа, шундай.

Шундай кунда ҳам ишга кечикиб келаманми? Мажлисга кирсам, одамларнинг олдида шарманда қилиб, залдан чиқариб юборса-я. Ҳайфсан бермаса бўлгани. Чунки ишга кечикишим биринчи марта эмас. Ўтган ду-

шанбада ҳам “катта”нинг мажлисига кечикиб келган эдим. Бугун ҳам атайлаб қилгандек, шундай бўлди.

Чап қўлимнинг кўрсатгич бармоғига ўралган сарғимтири, нозик соч толасига қараб қўйдим. Хайрият, тушиб қолмабди. Йўлда шошилганимдан соч толаси қўлимда эканлиги, унинг кўрсатгич бармоғимга ўралгани ёдимдан кўтарилигандек бўлипти. Шу соч толасини деб ишга кеч қолдим.

Бекатда одам кўп эди. Автобус келиб тўхташи билан одамлар ўзларини эшикка уришди. Мен ҳам амаллаб, автобусга чиқдим. Урилиб-сурилиб автобуснинг орқа томонига ўтиб, ойна олдидаги тутқични ушлаб олдим. Ҳаво совуқ, ҳали қишининг авжи баланд. Автобус ойнаси тарам-тарам бўлиб яхлаганидан ташқари кўринмайди. Мен ойнага пулфлаб, нафасим билан музни эритдим ва эриган музга қўлим билан ўзимнинг ва Унинг номини ёздим. Ўртасига эса қўшув белгисини чизиб қўйдим. Юрак белгисини ҳам чизмоқчи бўлиб музни пулфлаб эритдим. Кейин қилаётган ишимдан ўзим уялиб атрофимга алангладим: “Нима қиляпман ўзи, худди ёш болага ўхшаб? Уйланган бўлсан, тагин ўртада болалар ҳам бор. Бирорта таниш кўриб қолса роса кулади-да.”

Автобус кейинги бекатга етганида силкиниб тўхтади. Тутқични тутиб турган қўлим толди. Бу қўлимни олиб, иккинчи қўлим билан тутқични ушладим. Енгимдаги бир дона узун, нозик соч толасига кўзим тушди.

“Э, бу қаердан илашиб қолди?”

Олиб ташламоқчи бўлдим. Енгимдаги соч толасини қўлимга олдим. Ташлаб юбормоқчи бўлдим. У узун, сарғиш тусли, майнин эди. Жуда-жуда таниш! Бу – Унинг сочи! Уйдан чиқишимда енгимга илинган. Синчиклаб тикилдим. Унинг сочларига ўхшатдим. Кейин ишонч ҳосил қилиш учун бурнимга яқин келтириб ҳидладим. Бу ўша, менга таниш, қадрдан ҳид. Адашмабман. Бу – аниқ Унинг соч толаси. Уйдан чиқиб, хайрлашаётганимда курткамнинг енгига илинган. Уни яна ҳидладим. Соч толасидан хушбўй атири ҳиди анқигандек эди. Шу орада автобус қаттиқ силкинди. Мен мувозанатимни сақлаш учун тутқични ушладим. Қўлимдаги соч толаси пастга, оёқ остига тушиб кетди. Автобусда одамлар тирбанд. Қимирлашнинг имкони йўқ. Энди бу соч толаси одамлар оёғи остида қоладими? Уни оёқ остида тоptайдиларми? Йўқ!

Бир амаллаб энгашдим. Ёнимда турган хотин орқамга бир туртди-да, шангиллади.

– Сиз нима қилаяпсиз, эзив юбордингиз-ку? Нимага бунча қимирлайсиз? Шусиз ҳам базўр турибмиз.

– Бунча типиричиладинг, ўртоқ, – деди ёнимда турган бақувват йигит, – жонга тегдинг.

Мен тутиб-суришларига эътибор бермадим. Сочни топсам бўлди, деб уриндим. Ана, олдим! Узун, нозик, сарғимтири соч толаси. Хайрият, босилмабди. Энди уни қаерга қўйсам? Чўнтағимга солсамми? Йўқотиб қўйишдан қўрқдим. Тушиб қолиши мумкин. Ўйлаб-ўйлаб, уни чап қўлимнинг кўрсаткич бармоғига ўрадим. Бармоқларимни қисиб олдим. Энди у тушиб қолмайди. У – қўлимда. Кўнглим тоғдек кўтарилиб кетди. Ўзимни катта ишни дўндирган ҳисобладим. Қўлимдан ҳамма иш келади. Гўёки, мен бажара олмайдиган иш йўқдек. Фурурланиб кетдим. Тушадиган бекатимдан ўтиб, охирги бекатга келиб қолганимни ҳам пайқамадим. Ишга кеч қолсам қолибман-да. Унинг соч толаси олдида ҳаммаси бир пул.

– Яхшиси, мажлисга кирманг.

Хуррамнинг гапларидан яна ўзимга келдим.

– Нега?

– Каттанинг кайфияти йўқ. Ҳаммага «қалампир» берадиган бўлса керак. Кечикиб кирсангиз, сизни ҳам “соғ” қўймайди. Кирмасангиз сезмайди.

Рост. Мен оддий инженер бўлсан. Яқинда ишга келганман. “Катта” ўзига ўхшаган катталар билан гаплашади. Шунинг учун мажлисга кирмасликни маъқул кўрдим. Ишхона биносига кириб, иккинчи қаватга кўтарилидим. Кабинетни очиб, столимга ўтирдим. Иш қоғозларимни олиб, тартиб билан олдимга, стол устига ёзиб қўйдим. Эшиқдан бирор киши кириб келса, ишляяпти, деб ўйлади.

Бармоғимга ўралган соч толасини нима қилсан? Фикр-ҳаёлим шу ўй билан банд. Мени бошқа нарса қизиқтирмасди. Қаерга қўйсам экан? Ахир кечгача бармоғимга ўраб юролмайман-ку. Тушиб қолиши мумкин. Ишдагилар, айниқса, хотин-қизлар кўриб қолишса, бу нима, нега бармоғингга соч боғлаб олдинг, деб сўраб қолишади. Ирим-сирим қилиб юрибди, деб ўйлашлари ҳам мумкин.

Иш столим тортмасини очсан, конвертга солинган, зар қоғозига ёзилган тўйхат чиқди. Қачондир бир танишим берган таклифнома. Соч толасини зар қоғозига ўрадим. Сочни қоғозга ўрайпман-у, қўлларим қалтираб кетаяпти. Кейин нима учундир устига қизил ручка билан юрак расмини чиздим. Устидан эса Янги йил совғасини боғлагандек зар ип билан тудим ва ён дафтаримнинг ичига солдим. Шу хаёллар билан банд эдим, хона эшиги очилиб, Салоҳиддин билан Эдуард Михайлович кириб келишди.

Салоҳиддиннинг айтишича, бугун мажлис жуда жиддий ўтибди. “Катта” туманлардаги аҳволдан норози бўлиб қайтганимиш. Шунинг учун таъминот ва бутлаш бошқармаси бошлиғи Анвар Қодировичга қаттиқ ҳайфсан берибди. Янги техника бошқармаси бошлиғи Виктор Николаевичга ҳайфсан эълон қилибди. Бизнинг таъмирлаш бўлимимиз бошлиғи Николай Ивановичга эса раҳматнома билдириб, бир ойлик маош миқдорида пул мукофоти берибди. Чунки йил чораги бўйича таъмирлаш режаси ортиғи билан бажарилган эди. Буни эшишиб, мен хурсанд бўлиб кетдим. Чунки Николай Ивановичнинг кайфияти яхши бўлса, кеч келганимга аҳамият бермайди. Кўнглим жойига тушиб, костюм ён чўнтағи устидан пайпаслаб, ён дафтарчанинг жойида турган-турмаганлигини текшириб кўрдим. Жойида турибди. Тезроқ иш куни тугаса, тезроқ уйга борсам.

Шу орада хонага Николай Иванович ҳам шошилиб кириб келди. У доимо шундай шошилиб, тез юрар, иш бўйича ҳам тез гапириб, топшириқ берар, берилиган топшириқ вақтида бажарилишини талаб қиларди. У эшиқдан кириб, менга кўзи тушиши ҳамоно:

– Почему сегодня опять опоздал? – деб менга қарамасдан ўз иш столига ўтди: – Яхшиям Артём Местропович сенинг мажлисда йўқлигингни билмади. Билганида мени ҳам сенга қўшиб жазолар эди. Бу нима одат, ҳар душанба кечикадиган бўлиб қолдинг? Сенга неча марта айтдим, бошқа кун кечиксанг ҳам душанбада ўз вақтида ишда бўл деб.

– Николай Иванович, бугун шундай бўлиб қолди. Бошқа қайтарилмайди, – дедим эзилган бир овозда. Атайлаб овозимни шундай чиқардим. Николай Ива-



новичга ялиниброк гапирсанг у дарров жаҳлидан тушарди.

– Иккинчи қайтарилемасин! Бугун сенга охирги бортанбек бераман. Сенга бир кичик топшириқ бор.

– Марҳамат, қанақа топшириқ?

– Бугун кечки пайт мукофотни ювамиз. Ўтиришини сен ташкил қиласан. Пулини биз берамиз. Ҳозир битта маълумотномани бошқармага топширасан-да, бозорга ўтасан. Парк ичидаги чойхонада овқат тайёрлаб турасан. Биз ишдан чиқиб борамиз.

– Маъқул, Николай Иванович.

* * *

Зиёфатдан қачон турганимиз ва қандай қилиб уйга етиб борганимни билмайман. Эшикни хотиним очди. Қошлари чимирилган эди. Нима дедим, хотиним нима деди – эслолмайман.

Ярим кечада уйғонсам, диванда ётибман. Ичим ёниб кетаяпти.

– Сув-сув! – деб чақирдим. – Сув беринглар!

Эшик очилиб, хотиним кириб келди. Ошхонага ўтиб, чойнақдаги совуқ чойдан бир пиёла қўйиб тутди.

– Совуқ сув, – дедим. – Фақат совуқ сув.

Хотиним чиқиб, косада совуқ сув келтирди. Косадаги сувни бир кўтаришда охиригача ичдим.

– Чанқоғингиз босилдими? – йиги ва ғазаб аралаш сўради хотиним. – Энди ўйнаш ҳам саклайдиган бўлдингизми? Бузук хотинлар билан бўлиб, ётогимни ҳаром қилгингиз келиб қолдими? Қаерда эдингиз? Кимлар билан бўлиб, кимлар билан ароқхўрлик қилдингиз?

Ўзимни унинг олдида гуноҳкор ҳисобладим. Ўтган ҳафта ҳам ичиб кеплан эдим. Бугун ҳам оёқда турмайдиган бўлиб келдим. Эр ичувчи бўлса, хотинга азоб. Янги жойга ишга киргандан бери, тез-тез ичадиган бўлиб қолдим.

– Хоним, кечиринг, ишхонадагилар билан бирга эдим. Николай Ивановичнинг мукофотини ювдик.

– Сариқ сочли хотинларни ҳам Николай Иванович топиб бердими? – деди бўғилиб хотиним.

Мен унинг нима деётганилгини, қанақа хотинлар ҳақида гапираётганилгини тушунмасдим. Шунинг учун ўзим билмаган ҳолда:

– Ҳа, бугун шундай бўлиб қолди. Бошқа қайтарилемайди. Кечиринг, – дедим. Хотинимнинг фифони ошиб кетди.

– Бошқасини бошингизга уринг. Сиз энди мен учун бегонасиз. Ўша сариқ сочли хотингизнинг олдига кетинг.

У яна нималардир деди. Бошим ларсиллаб оғриб, кўнглим айниб, ичим ўт қўйгандек куйганидан бирорра гапи қулоғимга кирмади. Мен хотинимнинг бундай дарғазаб бўлганини ҳеч кўрмаган эдим. Нуқул «Мени кечиринг. Бошқа қайтарилемайди. Бу охиргиси», – дердим. Бошқа гап хаёлимга келмасди. Тавба-тазаррумни тақрорлаганим сари хотиним баттар тутақарди.

– Лоақал бўйнингизга олмасангиз эди. Ўзингиз тан олиб ўтирибсиз! Охиргиси эмиш, кечиринг эмиш! Бунгача ҳам шундай ишларни қилиб юрган экансиз-да. Йўқ, кечирмайман! Ҳеч ҳам кечирмайман. Туринг! Кетинг! Уйдан чиқиб кетинг! Бўлмаса, боламни олиб мен чиқиб кетаман.

Мен хотинимнинг важоҳатини яхши биламан. Агар ҳозир мен чиқиб кетмасам, ўзи қизчамизни олиб уйдан чиқиб кетади. Шу совуқда бола билан қаерга боради?

Зўрға ўрнимдан турдим. Стул елкасига осиб кўйилган костюмимни олиб кийдим ва уйдан чиқдим. Ташқари изғирин совуқ. Уйнинг олдида қаерга борсам, деб ўйланаб турган эдим, юқорида уйимиз дебразаси очилди. Хотиним бир нарсани паства қаратиб улоқтиаркан:

– Бошингизни есин дафтарчангиз ҳам, соchlарингиз ҳам, – деди.

Пастга қараб отилган нарсани ушлаб олиш учун югурдим. Бу ён дафтарчам эди. Унинг ичидаги соч толаси бор. У ерга тушмаслиги керак.

Тепадан тушаётган дафтарчани ерга туширмай ушлаб олиш учун жаҳд билан интилдим. уни учеби келишида тутиб олдим. Лекин ер усти муз, сирпанчиқ эди. Тойилиб кетдим ва бошим билан ерга қаттиқ урилдим.

* * *

Кўзимни очдим. Нотаниш жой. Қаердаман? Ўйлайман. Уйда эмасмани? Уйимиз бунақа эмас эдику. Каравотимнинг рўпарасида дераза йўқ эди. Дебразага тутилган пардалар ҳам бошқача. Оқ парда тутиб қўйилган. Хонанинг шифти ҳам оппоқ, текис. Шифтга осилган қандил ҳам оддийгина. Уйимиздагига ўҳшамайди, бошқача. Қаерда ётганимни эслолмадим. Қўлимни кўтартмоқчи бўлдим. Қимирлатолмадим. Менга нима бўлди? Туш кўраяпманни? Бугун сешанба. Ишга боришим керак-ку. Қуёш ҳам анча кўтарилиб қолибди. Деразадан тушаётган қуёш нурлари хонани ёритган. Хона иссиқ. Ҳаёлимда худди туш пайти бўлгандек. Ишга боришим керак. Бугун ҳам кеч қоламанни? Нега хотиним бугун уйғотмади? Нима бўлди экан ўзи? Нега қизчамизнинг товуши эшитилмаяпти? Хотиним қаерда экан? Балки улар бирор жойга чиқишидими? Бундай бўлиши мумкин эмас. Менга айтмасдан ҳеч қаерга кетишмас эди. Ўрнимдан турмоқчи бўлдим. Бутун танам оғир. Тош бостириб қўйгандек. Танамни қимирлатолмадим. Хотинимни чақирмоқчи бўлдим. Лекин товушим чиқмади. Кўзларимни юмдим.

Автобус ичидаги, одамлар орасида соч толасини қидириб юрибман. Соч қани? Соч қани? У оёқ остига тушиб қолиши мумкин эмас. Фифоним чиқиб, сочни қидираман. Одамлар олдинга ўтгани қўйишмайди. Йўл беришмайди. Мен соч толасини топишим керак. Мана у. Қўлимга, бармоғимга ўралган-ку. Ҳайрият, ўзимда экан. Тинчланаман. Ишда эмишман. Ўз хонамда. Соч толасини столим ғаладонидан қидирайтган эмишман. У йўқ. Қаерга қўйдим экан? Мана, уни топдим. У тўйхат солинган сувқофоз ичидаги. Узун, майин ва сарғимтири соч толаси. Соч толаси байроқдек ҳилпирад, сарғимтири нур таратар эмиш. Нурга тикиламан. Кўзим қамашар, кўзларимни каттароқ очишига нимадир тўскинлик қилар эмиш.

– Ўзларига келдилар. Кўзларини очдилар.

Мехрли товушдан уйғониб кетдим. Кўзимни очсан тепамда хотиним ўтирибди. Оқ халат кийиб олган. Бощида ҳам оқ рўмол. Нима гап ўзи? Нега хотиним оқ халатда? Тушим бўлса керак. Кўзимни юмдим.

– Кўзингизни очинг, дадаси! Кўзингизни очинг! – қўрқан ва ялинган овозда гапирди хотиним. – Ҳудойим-эй, ўзинг шифо бергина шу кишига.

Нима гап? Тушунмадим. Кўзимни очдим. Тепамда хотиним ўтирибди. Туш эмас. Оқ халатда. Кўзлари қизарган. Қовоқлари шишган. Қўлимни қўлларига олиб, силаб ўтирибди. Атроғимга қарадим. Бошқа ҳеч

ким йўқ. Ўша, деразасига оқ парда тутилган, шифти текис оппоқ хона. Хотиним менга жавдирабгина қараб ўтирибди. Қўлимни қўйиб юбормайди. Майнин ва нозик қўллари билан силашда давом этиб сўради:

– Яхшимисиз энди, дадаси? Бошингизнинг оғриғи қолдими?

У мен билан биринчи марта шундай меҳрибон овозда гаплашаётган эди. Мен эриб кетдим. Гўёки баҳорда ёққан қор учкунидек. Қаерда ётганимни ҳам ўйламай қўйдим. Хотиним олдимда. Менга барибир, қаерда бўлсан ҳам. Фақат унинг қўлларинигина ҳис этардим. Бу қўллардан бутун танамга ҳарорат оқиб кирап, оромбахш бир туйгу бутун вужудимга тарқаларди.

– Дадаси, дадажониси, қандайсиз? Яхшимисиз? Нега гапирмаяпсиз? Бизларни жуда кўрқитиб юбордингиз-ку.

Хотинимнинг илтижога тўла, меҳрибон товушидан ўзимга келдим. Яна бегона жойда ётганим эсимга тушди.

– Қаердами? Қаерда ётибман? Ишга ҳам кеч қолдим, шекилли?

– Ишдан хавотир олманг. Ўзингиз тузук бўлсангиз, бўлди. Бошингиз оғримаяптими? У илиқ қўлларини бошимга қўйди. Кейин авайлаб, соchlаримни силади. Мен ҳушимни йўқотай дедим. У соchlаримни силаяпти. Қандай бахт! У энгашди. Юзимдан ўпиб олди. Мен бахтдан беҳуш эдим. Бутун дунёнинг бахти менга насиб этгандек эди. Кўзимни очишни ҳеч истамас эдим.

Гапирсам, гўёки ҳаммасини йўқотиб кўядигандек эдим. Шунинг учун ҳам кўзларимни очмасдан маза қилиб ётавердим.

– Дафтарчангизни ушлаб оламан деб, шу аҳволга тушдингиз, – деди хотиним мулойим бир товушда.

Туйкус миямда чақмоқ чаққандай бўлди. Илкис бош кўтардим.

– Қани дафтарчам?!

– Дафтарчангиз шу ерда. Менда. Хушсиз ётганингизда ҳам уни бир неча марта сўрадингиз. Сочни топиб беринглар, деб қайта-қайта, кимлар биландир уришдингиз. Шунинг учун сўрасангиз бераман деб олиб келган эдим.

– Соч туритими? Ичидами?

– Сочингиз ичиди, – товуши қалтираб жавоб берди хотиним.

– Хайрият, – дедим мен. – Тушиб қолмабди.

– Сизга шу соч шунчалик азизми? – алам ва изтироб билан сўради хотиним.

– Ҳа, албатта! Сизнинг ҳар тола сочингиз мен учун азиз...

Хотинимнинг юзи бирдан ёришиб кетди.

– Нима?! Бу менинг соч толамми?

– Ҳа, – бошимни қимиirlатдим мен.

– Нега ўшанда айтмадингиз?

У ҳўнграб йиглаб юборди.

Мен мамнун илжайдим.

ҲАЁТНИНГ БИР ОҚШОМИ

Минг тўққиз юз саксон учинчи йил. Август адоклаган кунлар. Ҳаво тафти баланд. Кеч кирган бўлса ҳам атрофда фир этган шабада йўқ. Осмонда ҳилол, хирагина битта ўлдуз пирпираб турибди. Ҳали талабалар ёзги таътилдан қайтишмаган. Ўқишига бу йил кирганлар эса танловдан ўтиб, уйларига кетишган. Шунинг учун бўлса керак, талабалар шаҳарчасида одам сийрак. Ётоқхоналар атрофида онда-сонда бир-иккита ёшлар учраб туради. Гавжум шаҳарча қаёққадир кўчиб кетган-дек.

Фаррух автобусдан тушдию, университет ётоқхонаси томон юриб кетди. У ҳозир қишлоқдоши Гулнозани кузатиб қўйиши керак. У Фаррух ўқийдиган университет талабаси бўлди.

Фаррух мактабда ўзларидан уч синф пастда ўқийдиган Гулнозага бошқача кўз билан қарап, уни ёқтирарди. Лекин кўнглидаги гапни қизга айтолмай юрди. Қулай фурсат келишини пойлади. Мана, эндинга ўша фурсат етиб келди. Бугун Гулнозани поездга кузатаетганида, унга кўнглини очиб, орзу-ниятларини айтади.

Фаррух шоша-пиша соатига қаради. Поезд жўнашига ҳали бир соат бор. Унгача Баҳромдан зарур китобни олишга улгуради. Ҳозир у хужрасида бўлсан керак. Йигит ётоқхона биносига кирди. Илдам одимлар билан зиналардан кўтарилиди, узун, тор йўлак бўйлаб юрди.

– Ёрдам беринг.

Ногоҳ қулоғига чалинганд сасдан Фаррух сергак тортиди. У ён-бу ёнига қаради. Йўлакда ҳеч ким йўқ. Икки томондаги хоналарнинг эшиклари берк. Қиз боланинг ийғламсираган овози тағин эшистилгандек бўлди.

– Ёрдам беринг! Ким бор?

Товуш шундоққина биқинидаги эшик ортидан эшитилди.

– Ким бу? Нима гап? – деб сўради Фаррух яқин бориб.

– Жон ака, менга ёрдам беринг! – яна овоз келди ичкаридан, – Эшик қулфланиб қолди. Очолмаяпман.

Фаррух эшик олдида тўхтади. Ичкаридан қиз боланинг эшик қулфини калит билан бураётгани эшитилди. Қиз эшикни урар ва ўзича қарғанарди.

– Қулф бўлмай қуриб кетгур. Очилсанг ўласанми? Самолётта ҳам кеч қолиб кетдим. Калит ўлгур нуқул айлануб кетаяпти.

– Қандай қилиб бу хонага кириб қолдингиз? Нега энди чиколмай ўтирибсиз? – шошилиб сўради Фаррух.


– Кеча акамнинг олдига келгандим. Улар менинг бу кечкүрун самолётга чиқариб қўйишлари керак эди.

– Кеча акангизнинг олдига келган бўлсангиз, бу гун бу хонада нима қилиб қулфланиб ўтирибсиз? Нега акангиз сизни самолётга чиқармасдан уйга қамаб кетди? – ҳайрон бўлиб сўради Фаррух.

– Эрталаб хона калитини менга ташлаб ўртоқлари билан тоққа кетиб қолдилар. Мен Наманганга қайтишим керак. Бир соатдан сўнг самолёт учади. Эшикни очолмай куни билан шу ерда қамалиб ўтирипман. Қанча ҳаракат қилсан ҳам қулф ўлгур ҳеч ҳам очилмаяпти, – куйиниб, ийғламсираб гапирди қиз.

– Акангиз қандай одам ўзи? Синглисини кузатмасдан, кайф-сафо қилгани тоққа кетса.

– Акам кайф-сафо қилгани кетмадилар. Улар геология факультетида ўқийдилар. Кеча ёзги амалиёт



бошланибди. Амалиётни тоғда ўтказишар экан. Ноилож кетдилар.

– Айб ўзингизда экан. Энди қамалиб ўтираверинг, – деди сал зарда билан Фаррух.

– Вай ўлай, энди нима қиласман? Жон ака, кетман! Хонадан чиқшимга ёрдам қилинг!

Ичкаридан қизнинг бурнини тез-тез тортиб, ийфлаётгани эшилди.

– Кўркманг, сизни бу аҳволда ташлаб кетмайман, – деди Фаррух қизга раҳми келиб. – Кап-катта қиз, яна самолётда учадиган киши ҳам йиғладими? Қўйинг, хафа бўлманг. Икковлашиб бир амаллаб эшикни очамиз, бўлмаса синдирамиз.

– Соатингиз неча бўлди? – ичкаридан сўради қиз.

Фаррух «уф» тортиб соатига қаради. Соат саккизга яқинлашаётган эди. Гулнозанинг поезди жўнашига ҳам кам вақт қолаяпти. У эса нотаниш қиз билан овора.

– Вай, соат аллақачон саккиз бўлиб қолдими? Са-молётдан ҳам қолиб кетаманми? – деди қиз эшикни жаҳл билан итариб, калитни буаркан. Калит эса унинг устидан кулгандек шарак-шуруқ этиб айланар, кулф эса очилмасди. Фаррух ҳам эшикни орқасидан итарди, тортиди. Қулф дастасини босиб ҳам, кўтариб ҳам кўрди. Қиз калитни эшик пастидаги тирқишдан Фаррухга узатди. Фаррух калитни олиб, қулфга солиб бураб кўрди. Калит буралар, аммо қулф очилмас эди. Вақт ўтиб борарди. Фаррух ҳам анча ҳаракат қилди, аммо натижা бўлмади.

Фаррухнинг хаёлига бу, бошқа калит бўлса керак деган фикр келди.

– Қараб кўринг-чи, бу бошқа калит бўлмасин тағин, – деди Фаррух. – Нуқул айланиб кетаяпти-ю, лекин очмаяпти.

– Ҳақиқатдан ҳам шундайми-я? – деди қиз ҳам ҳаяжон аралаш.

Ичкаридан қизнинг нималарнидир қидираётганилиги, стол тортмасининг очилиб ёпилгани эшилди. Нимадир тарақлаб тушиб кетди. Қиз анча қидирди.

– Эҳ, каллам курсин, калит бу ёқда экан-ку! – деди қувонч билан қиз. – Мана, 222-хонанинг калити! Дераза токчасидаги китоб тагида экан. Мен адашиб, бошқа калит билан эшикни очмоқчи бўлибман.

Фаррух эшикка қаради. Эшик устига "222-хона" деб ёзилган кўрсатгич ўрнатилган эди.

– Хайрият, калит топилди. Бўлмаса, эшикни синдирап эдик. Кейин эса акангиз эшик учун товон ҳам тўлар эди.

Қиз топган калитини қулфга солиб буради. Қулф бир марта "ширқ" этди. Қиз иккинчи бор калитни буради. Қулф яна "ширқ" этган товуш чиқарди. Фаррух сабри чидамай эшикни итарди. Эшик ҳам шуни кутиб тургандай овозсиз очилди.

– Мана, хайрият сизни ҳам озод қилдик! – деди Фаррух енгил тортиб ва шошилиб соатига қаради. Соат роппа-роса 8³⁰ ни кўрсатар эди.

Унинг фикр-у хаёли вокзалда, Гулнозада эди. Соатни кўрди-ю, кўлтиғидан тарвузи тушиб кетган кишидек бўшашиб кетди. Поезд Тошкентдан аллақачон Қарши томон жўнаган эди. У эса қандайдир бир нотаниш қизни деб, Гулнозани кузатолмай қолди. Гулноза уни қанча кутган. Аниқи, Фаррухдан хафа ҳам бўлган. Аттанг... Энди эртага биринчи автобус билан Қаршига жўнайди. Ишлари қолса қолаверсин. Аввал Гулноза билан гаплашиб олиши керак. Автобусдан тушибоқ, уларникига боради.

Фаррух Гулнозани алланечук соғиниб кетди. Унинг кўлларидан ушлагиси, унинг овозини эшигиси келди.

У Гулнозаларнига борибоқ, унга барчасини айтади, кўнглини тўкиб солади. Тўйлари ҳақида, келажак ҳақида гаплашадилар. Балки тўйни ҳам бошлаб юборишишар. Кейин иккиси Тошкентга қайтади. Бирга ўқишига қатнайдилар. Бир умрга у билан бирга бўлади!

– Салом! Сиз менинг ҳалоскорим бўлдингиз! –

Қизнинг шўх овози уни ўзига келтирди. Фаррух хаёллари оғушидан чиқиб қизга қаради. Унинг қаршисида сарғиши жингалак соchlари елкасига тушган, кўкимтирир кўзлари жавдираб турган, киприклари узун-узун, уй кийимидағи 17 ёшлар чамасидаги бир қиз турарди. Қизнинг кўзларида яқинда йиғлаганлигини кўрсатувчи ёш излари бўлса-да, "тутқунликдан" озод бўлганидан – хона эшиги очилганидан хурсанд бўлганидан баҳтиёр чаракларди. Фаррухга бу қиз илгари қаердадир кўргандек, таниш туюлди. Лекин жаҳли чиқиб тургани учун бу ҳақда ўйлаб ўтиради.

– Эҳ, ҳалоскордан ҳам ўргилдим, сиздан ҳам, – жаҳл аралаш ўғлдиради Фаррух. – Сизни деб ҳамма ишим расво бўлди. Поездга ҳам кеч қолдим. Фаррух аламидан қизнинг акаси шаънига бир-икки оғиз аччиқ гап айтмоқчи ҳам бўлди-ю, лекин бефойдалигини ўйлаб ўзини тийди.

– Вай, мени деб сиз ҳам поездга кеч қолдингизми? Қаерга кетмоқчи эдингиз? – гуноҳкорона, ялинчоқ оҳангда гапирди қиз. – Мени кечиринг, сиз мен туфайли ушланиб қолдингиз.

Қизнинг кўзларидағи қувонч ўрнини маъюслик эгаллади. Унинг бу ҳолатидан Фаррух хижолат тортди. Ўзининг кўполлигидан уялди.

– Йў-ўғ, – ғудранди у, – бир дўстимни поездга кўзатиб кўйишим керак эди.

– Поезд соат нечада жўнайди? – тортиниб сўради қиз ва бошини бир ёнига эгиб Фаррухга қаради. Қизнинг жингалак соchlари юзига, кўзларига тушди. У кипри克拉рини тез-тез юмби очди ва кўзларига тушган соchlарини бармоқлари билан тепага кўтарди.

– Мен кузатишм керак бўлган поезд ҳам, сизнинг самолётингиздек кетиб бўлди. Энди шошадиган жойим йўқ. Бир амаллаб ётогимга бориб олсан бўлди, – деди Фаррух.

Қиз Фаррухни ўтиришга таклиф қилди. Фаррух яна соатига қаради ва Гулнозанинг жўнаб кетганига тўлиқ ишонч ҳосил қилди.

– Кун узоги юравериб, роса чарчадим, – деди ва стол ёнига кўйилган стулга ўтириди.

Қизга қаради. Унинг сарик жингалак соchlарини кимгадир ўҳшатди. Лекин эслайларди. Кейин эса хонага назар солди. Хонада тўрт темир каравот бўлиб, ҳар бирининг олдига биттадан тумбочка кўйилган. Эшиқдан кираверишда эса уч эшикли баланд жавон турарди. Полга хонанинг бутун бўйини олган ингичка гиламча тўшалган. Хона тўрида турган тумбочка тепасига катта ҳарфлар билан кўлда чиройли қилиб ёзилган дарс жадвали илиб қўйилган. Жавон опдида, полда, йўл сумкаси. Дераза токчасида электр чойнаги. Хона тоза, йиғиширилган. Поллар яқинда ювилганилиги билиниб, ялтираб турипти. Фаррух хонани кузатар экан, хаёли яна Гулнозага кетди. Гулноза ҳозир поездда кетаяпти. Қандай жойлашди экан. Юки кўп эди. Поездга чиқища қийналмадимикан?

– Жуда чарчабсизми дейман? – қизнинг сўзи Фаррухнинг хаёлини бўлди. – Мен ҳозир чой қўяман. Сизлар ҳам кўк чой ичасизларми? Бизнинг Намонгонда кўк чой ичишади. Ёки қора чой ичасизми?

– Йўқ, йўқ. Ташибиши қилманг. Мен ҳозир кетаман, – кетишига чоғланди Фаррух.

– Бизнинг Намонгонда меҳмонни бундай жўнатишмайди.

– Кўйисангиз-чи, мен меҳмон эмасман. Айтмоқчи, исмингизни ҳам сўрамапман? – савол берди Фаррух.

– Дилдора, – деди қиз. – Акам мени ҳамиша Дилдор, деб чақирадилар.

– Мен эса Фаррух. Мени ҳамма “Фаррух” деб чақиради.

Қиз табассум билан йигитга қаради.

– Менинг устимдан куляпсизми?

– Йўқ. Нега? Кулгили гапирмадингиз-ку.

Қиз ерга қаради.

– Наманган шахриданмисиз? Наманганлик курсдошларим бор.

– Ҳа, шаҳрнинг ўзида турамиз. Паркнинг орқасидаги кўчада яшаймиз. Намонгонда бўлганмисиз? Жуда чиройли шаҳар. Айниқса паркимиз жуда ҳам чироили.

– Йўқ, бўлмаганман. Курсдошларим кўп таклиф қилишид. Боролмадим.

Қиз сув келтириб, электр чойнакда чой қўйди. Жавон тортмасидан конфет ва қуруқ мевалар чиқарди.

– Сиз энди қандай қилиб уйингизга кетасиз? Самолётдан кеч қолдингиз. Кечаси автобус бўлмаса керак. – Фаррух савол назари билан қизга қаради.

– Эрталаб соат 7 да самолёт учади. Ўшанга чиқарман. Лекин уйдагилар бугун мени кутишига аэропортга чиқишган. Эрталаб уларга кечкурунги рейс билан учив боришимни айтган эдим. Дадамлар жуда хавотир олишади. Самолётта кеч қолганлигимни билдиришим керак, – қиз ваҳима аралаш гапириди.

– Ўйда телефон борми, кўнғироқ қилиб айтсангиз? Ётоқхонанинг орқасида шаҳарлараро телефон автомати бор.

– АТС борми? – хурсанд бўлиб кетди қиз. – Албатта, хабар бериб қўйишим керак.

– Хоҳласангиз, ҳозир чиқиб, кўнғироқ қилинг.

– Яхши бўлар эди, – деди қиз.

Электр чойнаги қайнаганлигини билдириб “хуштак” чалиб қолди. Дилдора чойни дамлаб, столга олиб келди. Чойни қайтарди.

– Самолётда бир ўзингиз учишга қўрқмайсизми? – ҳазил аралаш сўради Фаррух.

– Самолётда биринчи учишим эмас. Бир неча марта Тошкентга келиб кетганман. Москвага ҳам бориб келдим.

– Москвага? Москвада нима қилдингиз? – ҳайратланиб сўради Фаррух.

– Танловда қатнашдим?

– Қандай танловда?

– “Ёш юлдузлар” танловида.

– “Юлдуз”мисиз?! Қаранг-а! Бахтим чопиб “ёш юлдуз” билан танишибман-да, – ҳазил қилди Фаррух. – Поезддан кечга қолганимга арзир экан.

Фаррух шундай деди-ю, Гулнозани кузатолмай қолгани эсига тушиб, кувончи татимади. Шу қизни деб Гулнозани кузатолмай қолди. Энди бўлса, чарчаб турганида уни АТСга ҳам олиб бориши керак.

– Йўқ, – қиз бошини силкитиб шўх кулди.

– “Юлдуз” эмасман, аммо “юлдуз” бўлиш ниятим йўқ эмас. Ҳозирча ёш хонандаман.

Қиз Фаррухга чой қуйиб узатди, ўзига ҳам қўйди. Суҳбат давомида Дилдора болалигидан қўшиқ айтишига қизиқишини, Тошкент шаҳрида бир йил давомида кон-

серватория қошида машҳур вокал устаси Павел Михайлович Борисовдан дарс олганлигини ва шу йил Тошкент давлат консерваториясининг вокал бўлимига ўқишига кирганлигини айтди.

Кейин улар АТСга боришиди. Наманган билан боғланиш нимагадир қийинроқ бўлди. Қандайдир узилиш сабабли Дилдоранинг уй билан уланишига бир соатдан кўпроқ вақт кетди. Охири Дилдора уйидагилари билан боғланиб, уларга самолётга қандай қилиб кеч қолганлиги сабабини ва эрталаб биринчи рейс билан учив боришлигини айтди. Улар хонага қайтиб келишганида тун ярмига яқинлашиб қолган эди.

Фаррух кетишига чоғланди.

– Мен энди қайтсан. Ёлғиз ўзингиз қўрқмайсизми?.

Дилдора ҳеч қачон кечаси бир ўзи қолмаган эди. Ёлғизликдан кўрқарди. Шунинг учун ҳам Фаррухнинг кетишини истамади. Лекин нотаниш бир йигит билан кечани бир хонада ўтказишни ўйлаб чўиди. Фаррухнинг саволига нима деб жавоб беришни билмай, иккиланиб қолди. Буни тушунган Фаррух стулга қайтиб ўтириди. Улар анча маҳалгача суҳбатлашиб ўтиридилар. Қиз Фаррухга ўзининг яхши кўрган хонандалари ҳақида гапириб берди. Уларнинг қўшиқларидан хиргойи қилди. Анна Герман севимли қўшиқчиси эканлигини айтди.

– Сизга Анна Герман ёқадими? – сўради қиз.

– Жуда ҳам, – деди Фаррух.

– У менинг жону дилим, – деди қиз. – Мен унга тақлид қилишини яхши кўраман. Ойим бўлсалар, ҳеч кимга тақлид қилма, ўз услубинг бўлсин, дейдилар. Мен эса Анна Германга ўхшашни хоҳлайман. Шунинг учун ҳам соchlаримни уникidek қилиб қирқтирганман. Қиз соchlарини ушлаб қўйди. – Ўхшайди-я...


Фаррух шу пайтгача қизнинг соchlарига эътибор қилмаган экан, қизнинг бу гапидан кейин унинг соchlарига зеҳн солиб қаради. Ҳақиқатдан ҳам қизнинг соchlари худди Анна Германнинг соchlаридек сариқ, елкасига тушган, тўлқинсимон эди. Кўзлари ҳам кўқимтири. У қизни биринчи кўрганида кимгадир ўхшатган эди. Энди эслади. Уни Анна Германга ўхшатган экан.

– Нега соchlаринг сариқ? Бўядингизми?

– Йўқ. Ҳамма мендан шуни сўрайди. Соchlарим ўзи шунаقا. Ойим – помирлик, тожик. Айтишларича помирликлар Александр Македонский авлодлари эмиш. Дадам Душанбеда ўқиганлар. Ўша ерда ойим билан танишганлар. Уларнинг ҳам соchlари сариқ, кўзлари кўк. Дадам, “Кўккўзгинам”, деб эркалайдилар. Ойим ҳам бунга кўнишиб қолганлар.

Фаррух Дилдоранинг бунчалик соддалигига ичидагулишиб қўйди.

Кейин гап Анна Герман устида кетди. Фаррух мактабда ўқиб юрган чоғларида артист бўлишни ҳавас қилган эди. У фортециано мактабини тутатиб, пианинода кўйларни яхшигина чалар, Ботир Зокиров ва бошқа ўзбек эстрада “юлдуз”ларининг ашулаларини машқ қиларди. Кейинчалик эса журналистикага қизиқиши устун келди. Ашула айтиш билан бўш вақтларида шуғулланди. Дўистлари даврасида бўлганида қўшиқлар айтиб бериб, уларнинг даврасини қизитарди. У журналистика факультетига ўқишига киргач, санъатни севгани учун, санъат мавзусида ёзиши танлади ва таникли санъаткорлар, артистлар ижоди ва ҳаётини ўрганди. Шунинг учун ҳам Анна Герман тўғрисидаги гаплар уни қизиқтириб қўйди. Улар хонанданинг ҳаёти, унинг Ўзбекистонда, Хоразмнинг Урганч шаҳрида туғилгани, ҳаётининг охирида оғир касалликка чалинган бўлса-да, севган касби устида



тинмай ишлагани, янги қўшиқлар ижро этгани ҳақида гаплашдилар. Фаррух қиздан Анна Герман ашуларапидан айтиб беришини илтимос қилди. Дилдора Фаррухни ялинтириб ўтиргади. Хонанданинг “Берёза” ва “Надежда” қўшиқларини хиргойи қилди. Қиз айниқса, «Надежда» ашуласини шундай мароқ билан кўйладики, Фаррухнинг кўзларидан ёш чиқиб кетай деди. Дилдора Анна Герман бу қўшиқни ўзининг Москвадаги охирги сафари пайтида айтганлигини гапириб берди. Кейин эса бу сафар пайтида Анна Герман ва Лев Лещенконинг биргаликда айтган «Эхо любви» қўшиғини қанчалик усталик билан кўйлаганлиги, қўшиқнинг ёзилиш тарихини гапирди. Фаррухга Анна Герман билан бир қаторда Лев Лещенконинг ашуулалари ҳам жуда ёқар, унинг кўп қўшиқларини ёддан биларди. Шунинг учун ҳам Дилдора Анна Герман билан Лев Лещенконинг биргаликда айтган «Эхо любви» қўшиғи ҳақида гапирганида унинг бутун вужуди титраб кетди. Шу ашулани эшитгиси келди, айниқса уни Дилдора ижросида эшитишни истади.

— Анна Герман сизнинг қандай жону дилингиз бўлса, Лев Лещенко ҳам менинг жону дилим, — деди Фаррух ҳазил қилиб. — Илтимос қилар эдим, шу қўшиқни айтиб берсангиз.

— Бу дуэт-ку, — деди қиз жилмайиб. — Мен ҳамма сўзларини биламан-у, лекин бир ўзим айтсам, унчалик дуруст чиқмайди ва табиийки сизга ёқмайди. Мен эса рейтингимни туширишни истамайман.

— Унда... Қани бошланг, мен сизга қўшиламан, — деди Фаррух.

— Нима, сиз Лев Лещенкомисиз? — Ярим ҳайратомуз, ярим ҳазил билан гапирди қиз.

— Сиз Анна Герман бўлганингизда, мен Лев Лещенко бўлсам нима қилипти?

Иккалови бараварига кулиб юборишиди.

— Бўпти, — деди Дилдора ва қўшиқнинг куйини эслаб олиш учун унинг мусиқасини хиргойи қилди ва кейин қўшиқни майин товушда айта бошлади. Фаррух унинг товушини эштиб лол бўлиб қолди. У ашуланинг сўзларини берилиб тингларкан, қўшиқнинг жўшқин оҳангарида осмонга учиб кетаётгандек сезарди ўзини. У қандай қилиб қизга жўр бўлишини ўйларди. Кейин ўзини кўлга олди ва қўшиқнинг ўзига тегишли мисраси келганда ҳаяжон билан кўйлай бошлади.

— Мне до тебе, где бы ты не была,
Дотронутся сердцем не трудно.

Опять нас любовь за собой позвала».

Қиз унга жўр бўлди:

— “Мы эхо, мы эхо, мы долгая эхо друг друга,

Мы память, мы память, мы звездная память друг друга”.

Улар қўшиқни биргаликда: «Мы долгая эхо друг друга» мисралари билан тугатдилар. Фаррухнинг бутун вужуди ҳаяжонга тўлган эди. Қиз қўшиқни шунчалик маҳорат билан айтдики, Фаррух унга жўр бўлар экан, қўшиқ кўйлари ичida эриб кетди. Гўёки қўшиқ оҳанглари билан юлдузлар оламига бориб қолгандек эди. Қўшиқ тугагач, ўрнидан иргиб туриб, қизнинг қўлларини ўпмоқчи, унинг олдида тиз чўкмоқчи бўлди. Лекин ўзини тутди. Унинг кўзлари ёнар, ҳаяжондан юзлари чўғдек

ловилларди. У Дилдорага ташаккур билдири ва унинг катта истеъод соҳибаси эканлигини айтди.

— Жуда мақтаб юбордингиз. Кўп мақтаманг, қизарип кетаман, — деди Дилдора соддалик билан.

Вақт ҳам алламаҳал бўлиб қолди. Қизнинг кўзларини уйқу элитди. У каравотнинг чеккасига бошини кўйганича уйқуга кетди.

Фаррух секин туриб, каравотдаги енгил кўрпани қизнинг елкасига ёпиб қўйди. Қиз енгил нафас олиб мириқиб ухлар, унинг кўзлари хиёл очилган, узун мижжалари гўёки гапираётган вақтида пирпираётгандек кўринарди. Юзларига тушган майин, жингалак соchlари нафасидан тебранар, бу ҳам унга жозиба бағишларди.

Фаррухнинг қалбида қизга нисбатан қандайдир туйғу, меҳр, ўзи илгари сезмаган-тушунмаган ҳис жўш уради. Унинг қаршисида инсон зоти эмас, гўёки бир самовий хилқат ухлар эди. Фаррух қизнинг соchlарини силамоқчи бўлиб аста эгилди. Қўлларини секин унинг соchlарига олиб борди. Лекин тегинишга журъат этмади. Қизнинг қаршисида ўтириб унга узоқ тикилди. Унинг нафасини тинглади. Юрак тепишини ҳам сезаётгандек бўлди. У қиз билан биргаликда айтишган дуэтнинг бир бандини ўзи англамаган ҳолда ичida қайтарар, бу қўшиқ унинг бутун вужуди ва борлигини қамраб олган, ўзи ҳам кўшиқка айланиб, қўшиқ оламида сузиб юради.

У тушида Дилдорани кўрди. Катта, ёруғ саҳна. Дилдора саҳна ўртасида оқ ҳарир кўйлақда. Унинг тўлқинга монанд соchlари елкаси узра олтиндек товланар, ўзидан нур таратарди. Қиз оркестр садолари остида Анна Германнинг қандайдир қўшиғини кўйлар, гўёки қўшиқни Фаррух учун аитаётгандек эмиш. Фаррух унга интилар, лекин одамлар кўп, Дилдора турган ёруғ саҳна ундан узоқда, баландда эмиш. У жуда ҳам кўп одамлар орасида бўлсада, Дилдора уни кўраётган ва аитаётган қўшиғини унга йўллаётган эмиш. У эса қўлларини узатиб, Дилдорани кутлар, унга интилар, юраги қўшиқ оҳангидан гупиради. У Дилдорадан “Севгининг акс-садоси”ни айтишини сўрар ва ўзи ҳам жўр бўлишини билдиради эмиш. Лекин Дилдора бошқа қўшиқни кўйлар ва Фаррухга қараб, боши билан “Йўқ” ишорасини қилиб, жилмаяр эмиш.

Кўзига тушган қуёш шуъласи ва деразадан келаётган мусиқа товуши Фаррухнинг уйқусини бузди. У чўчиб ўйғониб кетди.

У кўзини қуёш шуъласидан олиб қочиб, хонага қаради. Хона йиғиширилган. Қиз ётган каравот бўш. Ўзи эса йўқ.

Стол устида бир варақ қоғозга чиройли ҳарфлар билан:


“Фаррух ака, сизга катта раҳмат. Мени деб анча азият чекдингиз. Узр. Телефон рақамимни биласиз. Қўнгироқ қилсангиз, хурсанд бўламан. Дилдора.

R. S. Илтимос, хона калитини пастдаги наавбатчига бериб қўярсиз”.

Фаррух хатни ўқиб, соатига қаради. Дилдора учган самолёт Наманганга аллақачон қўнган. Қиз уйига етиб олган бўлиши керак.

У хатни яна қайтадан ўқиди. Кейин эса уни эҳтиётлик билан қатлаб, кўйлагининг чўнтағига солди. Тез ювинди ва қатъият билан телефон станцияси томон юрди.





Дунё рангинашиб борар кун сайин

УСТОЗ

Кўп эслайман ўшал дамларни,
Илк қўйғандим мактабга қадам.
Осмон оғирлашиб кетган дамларда,
Сен бўлдинг-ку, суюнчиқ ҳар дам.

Улгайтирдинг ардоқлаб бизни,
Она мисол меҳрибон устоз.
Кўзин очиб ҳар ўғил-қизни,
Шул сабабдан этурмиз эъзоз.

Ҳар кимсанинг юрагидан жой
Олмоғингга йўқ эрур шубҳам.
Сен туфайли танидик ўзни,
Шеърим эрур арзимас туҳфам.

ОНАЖОН

Энг нафис гуллардан ясаб гулдаста,
Бугун поингиизга сочай онажон.
Кулиб юринг асло, бўлманг дилхаста,
Сизга баҳт эшигин очай, онажон.

Азиза
ХУЖАКЕЛДИЕВА



1997 йилда Сирдарё туманида туғилган.
Хозирда Мирзачўл туманидаги Агрономисто-
диёт коллежининг ўқувчиси.

Сиз кулсангиз, олам нурга тўлади,
Буткул унут бўлар қайғу ва ғамлар.
Дунё рангинашиб борар кун сайин,
Соҳирлашиб борар бу азиз дамлар.

Энг нафис гуллардан ясаб гулдаста...



АРМОНЛИ ДУНЕ

Умр ўтар гўё бир эртак,
Худди бизни қилгандек эрмак.
Ҳаётни гар сарҳисоб этсак,
Армон экан асли бу дунё.

Бир кам дунё дейдилар асли,
Гоҳи баҳор, гоҳи қиши фасли.
Насиб этса ҳамки ёр васли,
Армон экан асли бу дунё.

Баҳт кетидан дард қувиб юрап,
Дўст ўрнида ганимлар турар,
Юрагингга ҳасрат ин қурап,
Армон экан асли бу дунё.

ИЙМОН

Азиздирсан дунёда,
Ҳар нарсадан зиёда,
Акс этасан ҳаёда,
Қалбга зебдурсан, иймон.

Жаннатга йўл очасан,
Баҳт нурларин сочасан,
Ёмонликдан қочасан,
Қалбга зебдурсан, иймон.

Қаро кўзлар ёшлиланур,
Сенсиз кўнгил гашланур.
Жисм ўтга ташланур,
Қалбга зебдурсан, иймон.



Марҳабо АБДУЛЛАЕВА

Таджиком

Таджиком Таджиком Таджиком



ҲАЁТБАХШ НАВО

Ҳар бир миллатнинг ўз ўтмиши, ўз руҳияти ва албатта ўзига хос характеристи бўлади. Адабиёт оламида эса миллатнинг тарихи, қадрият ва анъаналари, руҳиятини ўзида мужассам этган муҳташам бир жанр борки, биз бу жанрни “эпос” деб атаймиз.

Эпосларда миллат ҳаёти, унинг кўп асрлик тарихи қамраб олиниши масаланинг биринчи томони. Асосийси шуки, эпослар замираша жуда катта тарихий ҳақиқат яширинган бўлади. Шунинг учун ҳам эпосларни миллатнинг руҳий оламини англаш йўлидаги тенгсиз бадиий ҳодисалар деб аташга ҳақлимиз. Шу маънода айтиш мумкинки, ҳалқимизнинг минг йиллар оша сайқалланиб келган маънавий ҳазиналари бор. Ҳусусан, ҳалқ оғзаки ижоди ҳалқимиз тафаккури, дунёқараши, яшаш тарзи ва қадриятларига асосланган ҳолда секин-аста тўплланган бебаҳо меросдир.

Маълумки, ҳалқ оғзаки ижоди намуналарида бутун бошли ҳалқа тегишли бўлган орзу-мақсадлар, армонлар, айни пайтда ҳалқ дарди ва қувончи акс этади. Неча асрлардан бери анъана тарзида шаклланиб келаётган ҳалқ достонларидаги ботир ва ватанпарвар қаҳрамонлар йигитларга ўrnak қилиб кўrsatiladi. Бундай қаҳрамонлар сирасига Алномиш ва Гўрўғли, Авазхон ва Равшонхонлар киради. Қиз болалар эса

Барчин каби садоқатли, Қалdirғочдек муруватли, Шоҳсанамдек буюк қалбли бўлиши таъкидланади.

*Болалик кунларимда,
Ўйқусиз тунларимда,
Кўп эртак эшиштандим,
Сўзлаб берарди бувим.
Эсимда ўша дамлар,
Ўзи учган гиламлар...*

Улуғ шоири из айтганидек, болалик йиллари ҳақида эслаганда, биринчи галда эртакларни ёдга оламиз. Эртаклар бизни ҳайратга солган учар гиламлар, кўринмас қалпоқчалар ватани. Улар бизни ўз мақсадига эришиш учун борса келмас йўлларига отланадиган ботир йигитлар, кулгуси гулга айланадиган гўзал қизлар билан таништирган.

Биласизми, бизни илк бор тасаввур ва хаёлот оламига бошлаган ана шундай “ҳодиса”лардан бири алладир! Алла – тенгсиз меҳр-муҳаббатга йўғрилган оналар қўшиғи! Бу қўшиқни даствор ким, қаҷон ва қаерда ижро этган – буни ҳеч ким билмайди. Билганимиз шуки, алла меҳр-муҳаббат ва оқибат ифодаси.

*Алла айтай, жоним болам,
Қулок солгин, алла.
Ширин аллам тинглаб аста
Ухлаб қолгин алла.*

Тасаввур қилинг, гарчи бу мисралар қатида кишини маҳзун қилиб қўядиган бирор сўз бўлмаса-да, уни тинглашингиз билан кўнглингизда аллақандай сокинлик, меҳр пайдо бўлади. Алла хоҳ қувноқ, хоҳ мунгли тарзда куйланмасин, барибир кишининг қалбига ажиб бир сокинлик олиб киради.

Инсон болалик хотираларини эслаб қололмайди. Аммо илк бор тинглаган қўшиғи, яъни алланинг оҳангни унинг хотирасида умрбод муҳрланиб қолади. Қаҷонлардир ўша оҳанг қулогига чалинганида, бир зум болалик дунёсига тушиб қолгандек бўлади.

Алла илк бор қаҷон ва ким томонидан куйланганини ҳеч ким билмайди. Аммо шуниси аниқки, у дунёнинг биринчи қўшиғи ва уни аёл куйлаган. Шунинг учун ҳам файласуфлардан бири аёлни мадҳ этаркан: “Дунёнинг илк шоири ҳам, бастакори ва куйчиси ҳам онадир, чунки у илк бор фарзандига алла куйлаган”, деб ёзган эди.

Марҳабо
АБДУЛЛАЕВА



1983 йилда Сурхондарё вилоятининг Денов туманида туғилган. Термиз Давлат университетининг чет-тиллар факультетини тамомлаган. Ҳозирда ТДТУ қошидаги Чилонзор академик лицейи ўқитувчisi.

Алла – оналар қўшиғи. У оналарнинг ўз фарзанди учун тўқиган, юрақдан куйлаган достонидир. Аллада она қалбининг жамики ҳис-туйғулари – қувончи, изтироби, дарду ҳасрати, айни пайтда фарзандига бўлган фидоийларча меҳри мужассамланади. Баъзи ҳолатларда онанинг ҳаётга ва инсонларга нисбатан муносабати ҳам у куйлаган аллада акс этади. Шунга асосланган ҳолда айтиш мумкинки, алла кўп асрлардан бери аёл учун юрак дардини тўкиб солишининг энг самарали воситаси бўлиб келган.

Аллалар тарихий ва миллий характерга эга. Чунончи, ҳар бир ҳалқнинг алласида фақат шу ҳалқнинг менталитетитига, яшаш тарзига хос бўлган хусусиятлар, ҳолатлар акс этади. Аллада энг ардоқли, энг муҳим нарсалар тилга олинади. Она ўз гўдагини дунёнинг энг гўзап хилқатларига қиёслайди, эркалайди. Таъбир жоиз бўлса, она алла воситасида ҳали дунё ташвишларидан бехабар гўдакни секин-аста ҳаётга тайёрлаб боради. Шу маънода алла гўдак учун илк ҳаётий сабоқ вазифасини бажаради:

Қирда яшнар лолалар, алла,
Богда ўйнар болалар, алла.
Чаманимда райхоним, алла,
Ором олгин, полвоним, алла.

Баъзи оналар алла гўдакнинг тезроқ ухлашига ёрдам беради, деб ҳисоблашади. Бу нотўри фикр. Алла болага осойишталик бағишлияди. Онасининг алласини тинглаб уйқуга кетган гўдак тинч ухлайди, уйқусида безовта бўлмайди. Эътибор билан қарасангиз, бешик тебраниши ва алла оҳанги ўртасида ҳам мутаносиблик, боғлиқлик бор. Бешикнинг майин ғичирлаши ўзига хос мусиқа вазифасини бажаради.

Она ўз алласида фарзандини турли жонзотларнинг болаларига қиёслайди. Шунинг учун ҳам алласарда “қўзичогим, алла, бўталогим, алла” қабилидаги эркаламалар кўп учрайди. Бу бежизга эмас. Чунки ҳар қандай жоноворнинг ҳам боласи ширин бўлади. Айтайлик, қўзичок миттилиги, бўталоқ жовдираган, маъсум қўзлари билан беғубор гўдак учун энг муносиб қиёс бўлиши мумкин.

Хўш, она нима учун фарзандини қушнинг полапонига, қўйнинг қўзичоғига ўхшатади? Чунки худди инсон фарзанди каби жонзотларнинг боласи ҳам меҳрга, ғамхўрликка муҳтоҳ! Айни мана шу меҳр тирикликтининг давомийлигини таъминлайди.

Бугунги кунда гўдакнинг ривожланиши учун она сути қанчалик катта аҳамиятга эга эканини кўпчилик яхши билади. Бу ноёб озуқа боланинг жисмоний ривожланишини таъминлайди. Унинг ташқи таъсирларга нисбатан ҳимоя қобилиятини шакллантиради. Тиббийт соҳаси вакиллари эса боланинг жисмоний ривожланишида она сути қанчалик муҳим бўлса, унинг руҳий ривожида алла шунчалик катта аҳамиятга эга эканлигини таъкидлашади.

Алла фақат она қалбидаги меҳр-муҳаббатни ифодалаш воситаси эмас. У мурғак гўдакка уни қуршаб

турган, бироқ ҳали унга нотаниш бўлган нарса-ҳодисалар, манзаралар ҳақида маълумот беради:

Жонимнинг жиндалаги алла,
Қовуннинг ҳандалаги, алла.
Чаман ичра гулчаси алла,
Нонлар ичра кулчаси, алла.

Жуда содда мисралардан ташкил топган бундай аллаларда мурғак гўдак қовуннинг ҳандалагига, митти гулларга, ширин кулчага қиёсланади. Умуман олганда, бундай нафис ва табиий шаклдаги қиёслар фақат ўзбек аллаларига хос десак, хато бўлмаса керак.

“Кулча” сўзи эса жуда кўп аллаларда учрайди. Бу ҳам ўзбекона ҳаёт тарзини ифодаловчи сўзлардан биридир. Сир эмаски, ёш боласи бор хонадонларда, нон ёпилганди, оиласидаги болаларнинг ҳар бирига атаб кулчалар ёпилади. Юртимизнинг баъзи вилоятларида болани бешикка согланда, ёстиғи остига кулча кўйиш одати ҳам бор. Кексаларнинг сўзларига кўра, бу одат “боланинг ризқи бутун бўлсин” деган маънони ифодалар экан.


Юртимизнинг турли ҳудудларида куйланадиган аллалар бир-биридан фарқ қилади. Бундай аллаларда ўша ҳудудга хос сўзлар, атамалар, одатлар ҳам акс этиши мумкин. Қашқадарё ва Сурхондарё вилоятининг дашт ҳудудларида айтиладиган алладан парча келтирасак:

Алла айтай адига, алла,
Сув обкелсин кадига, алла.
Кадилар бови узилсин, алла,
Келинлар бўлиб сузилсин, алла.
Ухлаш унинг зиммаси, алла,
Айланиб ўтсин аммаси, алла.
Адиirlарнинг поласи, алла,
Ўргилиб ўтсин холаси, алла.

Даставвал мазкур алладаги “кади” сўзи ҳақида. Кади қовоқнинг бир тури. Ундан ичимлик сувини сақлаш ва сутни ивitiшда фойдаланишган. Кадида ивиган қатиқ жуда хушхўр ва мазали бўлган. Қашқадарёнинг баъзи туманларида ҳозирга қадар янги ивиган қатиқни “кадиқатик” деб аташади. Хўш, “кади” сўзининг бу аллага қандай боғлиқлиги бор?

Бу ҳолат она қалбидаги ният билан боғлиқ. Она юрагидаги эзгу ниятларини жуда содда тилда баён этаётир. У фарзанди вояга етиб, оиласининг дастёри бўлишини орзу қиляпти. “Кади” – кичик ҳажмли идиш. Унда сув келтириш эса бола учун ҳам осон, ҳам қизиқарли бўлиши мумкин.

Бола улғайиб боргани сари унга куйланадиган аллалар ҳам нисбатан жиддийлашиб боради. Эркалаш ва ардоқ ёнига насиҳат ва ўйт мазмунидаги мисралар кўшилади. Чунки алла эндилиқда бола учун фақат ором воситаси бўлибина қолмай, балки унга олам ва ҳаёт ҳақида маълумот берувчи манбага айланади.



Акс-сағо Акс-сағо
Акс-сағо Акс-сағо



ОЛИМЛИК – ИСТЕЪДОД

Биз мустабид тузумда ҳам яшадик.

Тўғри, бу тузумнинг таълим услубиётига ҳам, шубҳасиз, катта заари теккан. Лекин ўтган давр таълими ютуқларини бутунлай инкор этиш инсофдан эмас. Чунки ўқитувчи ва мураббийлар, ҳукмрон мағкурунинг тазиқига қарамасдан, минг йиллик миллий таълимтарбиянинг тараққийпарвар тамойилларидан унумли ва маҳорат билан фойдалангандар. Миллий адабиёт, ахлоқ, маданият, илм-фанни жорий мағкура исканжасини ёриб чиқиб, ёш авлод онгига сингдирганлар. Акс ҳолда, халқимиз азалий ва абадий маънавиятини сақлаб қололмас, унинг умумий саводхонлиги юқори даражага кўтарилилмас эди.

Афсуски, бу масалага саёз ёндашув онда-сонда учраб турибди. Жумладан, “Ёшлик” журналининг 2014 йил 7-сонидаги “Адабиётга кириб борилади... ми?” сарлавҳали Раҳимжон Раҳмат билан мулоқотда ана шундай нуқтаи назар асосий ўрин тутади. Р.Раҳмат адабиёт дарслклари ҳақида шундай ёзади: “Ўқишига тайёргарлик жараённида адабиёт фанидан дарслкларни қўлга олишга беziллаб қолгандим. Дарслк ёзган олимларнинг нима демоқилигини ҳеч тушунолмасдим. Ҳозир ўйласам... адабиёт дарслклари ўқувчиларнинг адабиётга муҳаббатини бутунлай сўндиришга қаратилган экан. Яхшиям мактабда адабиёт фанига қизиқмаганим, йўқса мендаги бадиий сўзга муҳаббат бешикдалигига даёқ бўғилиб ўлган бўларди”. Ҳаётий ҳақиқатдан нақадар йироқ гаплар! Ахир, Иззат Султон, Матёкуб Кўшжонов, Озод Шарафиддинов, Умарали Норматов, Иброҳим Faфуров, Азиз Қаюмов, Абдуқодир Ҳайитметов сингари юксак ақлий салоҳият соҳиблари, Эркин Воҳидов, Абдулла Орипов каби мутафаккир шоирларимиз ва уларнинг даврдошу даврадошлари, издошлари – бир қанча авлод вакиллари ўша дарслклардан таълим олиб улгайланлар-ку. О.Шарафиддинов ўз мақолаларида бир неча марта мактабдаги адабиёт ўқитувчиси Қурдат Ахмедовни ҳурмат билан тилга олиб, унинг адабиётни тушунишида, адабиётшунос бўлиб етишишида ушбу муаллимнинг хизмати катта бўлганини таъкидлаган. Бундай муаллимлар кам бўлмаган. Улар ҳар бир шаҳар, туман, қишлоқда билим ва маҳоратларини сафарбар этиб, ўша Р. Раҳмат тушунмаган дарслклар асосида таълим берганлар.

Тўғри, ўша даврларда мустабид мағкура тазиқи ва таъқиби остида миллий адабий меросимизнинг катта қисми “диний-мистик адабиёт” ҳамда “феодал-кликал адабиёт” таснифи асосида дарслк-мажмуаларга киритилмаган, шўро мағкурасига мувофиқ келадиган қисмларигина таҳлилга тортилган, нотўғри талқинлар, хато ва камчиликлар кўп бўлган. Бугунги мустақиллик мағкураси нуқтаи назаридан қараганда, улар маънан эскирган эди. Бироқ уларни ўша даврдаги илғор фикрли миллий зиёлиларимиз ёзган. Улар адабиётга муҳаббат уйғота олган ва тили тушунарли эди. Шу сабаб бу дарслклар узоқ муддат барқарорлигини сақлаб келган.

Биз устозларимиз Умарали Норматов ва Бегали Қосимов раҳбарлигига, Ёзувчилар уюшмаси раҳнамолигида 25 мутахассис ҳамкорликда 90-йилда иш бошлиб, мустақиллик даврида янги дарслклар авлодини яратдик. Эски дарслклардаги хато ва камчиликлар тузатилди. Адабиёт дарслклари концептуал янгиланди. Уларнинг катта қисми илмий-ижодий, мағкуравий янгилиги туфайли дарслк-тадқиқот сифатида майдонга келди.

Суҳбатда олимлик шаънига айтилган мана бу беписанд гапларга асло зарурат йўқ эди: “... адабиёт ўқитувчиси, университет профессори бўлиш учун алоҳида ижодий қобилият шарт эмас. Аълочи ва тиришқоқ мактаб ўқувчилари келажакда адабиёт профессорлари бўлиб етишишлари мумкин. Олим бўлиш учун, атоқли адабиётшунос Озод Шарафиддинов айтганларидек, шим керак, холос. Бу дегани столда кўп ўтириб ишлайдиган одамнинг шиммининг орқаси тез ўиртилади. Олим одам кийган шиммининг орқаси илвираган бўлади”. Аввало, олимликдек муқаддас салоҳиятга нисбатан шундай ҳурматсиз сўзлар равомикин.

Қолаверса, ҳар қандай тиришқоқ ва аълочи ўқувчи ёки талаба олим бўлолмайди. Бунга жуда кўп мисолларни келтириш мумкин.

О.Шарафиддиновга нисбат берилган гапга келсак, устознинг “Олим бўлиш учун шим керак, холос” деган гапларини бирор манбада учратмаган эканмиз.

Суҳбатда таъкидланганидек, “Олимлик – тизимили таълим ва сабр-тоқат маҳсули”гина эмас. Олимлик ҳам шоирлик сингари Худо юқтирган алоҳида илоҳий истеъдоддир. Ҳатто, тарихда кўп олимлар



авлиёлик хислатига ҳам эга бўлганлар. Ана шундай истеъдодга кўшимча равишдагина муттасил ўтириб ишлайдиган меҳнат илмий самара бериши мумкин. Муттасил меҳнатсиз илохий хислат ҳам, илохий хислатсиз меҳнат ҳам олимлик эмас. Бу ҳаётий тажриба давомида кўп илм талабгорлари тақдирида кузатилган.

Айримлар олимлик учун илохий истеъдодгина кифоя деб ўйлайдилар ва адашадилар. Олим бўламан деган одам илохий истеъдод билан бирга жисмоний куч-ғайрат, сабр-тоқат, журъат, жасорат ва матонат, муттасил ўтириб ишлайдиган мустаҳкам иродага ҳам эга бўлиши шарт. Акс ҳолда, истеъдод имконияти зое кетади. Олимлик истеъдоди – юксак ақлий салоҳият, донишмандлик, ҳассос қалб ва жисмоний баркамоллик уйғунлигидаги ижодий фаолиятдир.

Олимликнинг илохийлиги шундаки, биринчи олим Яратганинг ўзиdir. Олим – Яратганинг номлари ва сифатларидан бири ҳам. Оллоҳ борлиқни ижодкорлик салоҳияти маҳсули ўлароқ яратган. У ўзидағи энг олий фазилат – мутафаккирлик, ижодкорлик, ақлий салоҳият, олимлик истеъдодини жамики мавжудот ичра факат ва факат оламда мужассам этган.

*Коинот гултожи инсондир азал,
Уннадир энг олий тафаккур, амал.*

(A. Орипов)

Олимлик илохийлигининг яна бир далолати Ислом оламида олимларнинг даҳоси Мұхаммад пайғамбар эканлигига. Яратган әгамиз шунинг учун ҳам Қуръони каримни Ул зотга нозил этди. Мұхаммад (САВ) Оллоҳнинг пайғоми – Қуръони каримни бутун ҳолатда инсониятга етказди. Ислом арконлари ва шариат аҳқомларини жорий қилди. Ҳадиси шарифларни баён этди. Ислом назарияси ва амалиётини ҳаётга татбиқ этди. “Олимлар – пайғамбарнинг ворислари-дирлар” деган ҳадиси шариф ҳам олимлик илохий истеъдод эканлигини тасдиқлади. Алишер Навоий ана шу ҳадиси шарифни асос қилиб олиб, олимликни улуғлайди ва олимларни пайғамбарнинг издошлари, меросхўрлари сифатида эъзозлайди:

*Кишиким қилса олимларга таъзим,
Қилур гўёки пайғамбарга таъзим.
Ҳадис ўлмиш набийдин ўйла ҳодис
Ки, олим келди пайғамбарга ворис.*

Р.Раҳматнинг ўзи ўсиб улғайган муҳит ҳақидаги фикрлари жуда таажжубланаарли: “Мен улғайган


оила адабиётдан жуда йироқ эди... На мактабда, на оиласда китоб ҳақида гапирилмас эди. Болалигимда ҳеч ким менга китоб совға қилмаган ва адабиётга қизиқишим ҳеч қачон рағбатлантирилмаган... Ҳатто, айрим пайтлар қўлимдаги китобни юлқиб олиб йиртиб ташлашлар ҳам бўлган. Нафақат бизнинг оила, балки бутун қишлоқда китоб деган нарса ерда ётган ҳазончалик қимматга эга эмас эди... Ҳозир ҳам бизнинг қишлоқда кўпчилик кўчада китоб кўтарган одамни девонага тенг кўради ва китоб ўқишига қизиқ-қан йигитта унча-мунча оила қизини бермайди...” Бу гапларга ишониш-ишонмасликка ҳайронсан одам. Унинг қишлоқдошлари бу фикрларга қўшилишармикин, шу иснодни кўтара олишармикин? Ўтмишни-ку тушуниш мумкиндири, лекин наҳотки ҳозир ҳам бутун бошли қишлоқда бирорта маърифатпарвар зиёли бўлмаса? Наҳотки, бу қишлоқ одамлари шу қадар қолоқ? Ахир, бундай тасвирдаги макон жаҳолат уясига айланиши хавфи бор-ку. Бизнинг мамлакатимизда тамадундан узилиб, ўз қобигига ўралиб қолган қишлоқлар ҳануз борми? Ватанпарвар, миллатпарвар, маърифатпарвар укамизнинг ўзи қишлоқдошларини жаҳолатдан қутқариш учун бирор иш қилдимикин? Мулоқотни ўқирканмиз, ана шундай саволлар гирдобига фарқ бўлдик.

Айниқса, ҳозирги адабий жараёндаги саёзликлардан ҳасратлар, босилиб чиқаётган адабий маҳсулотни хашакдан олиб хашакка солишлар...

Суҳбатдаги айрим гаплар соғлом фикрлашга ўхшамайди: “Мактабда адабиёт фанидан ўтилган дарслардан жуда кам нарса ёдимда қолган. Кўйлагининг тугмаланган жойлари транг тортилиб киндиги кўриниб турадиган адабиёт ўқитувчимизнинг “Милтиқли киши” пъесаси” деб бошланадиган гаплари ёдимда қолган. Нега айнан шу ҳолат хотираамга муҳрланганини ҳануз тушунмайман...” Диққати ўқитувчиснинг “кўйлагининг тугмаланган жойлари транг тортилиб киндиги кўриниб турадиган” ҳолатига қаратилган ўкувчининг эсида ниша ҳам қоларди. Мулоқот муаллифлари билимли эканлиги, жиддий ва дардли мулоҳазалар ҳам борлиги сезилиб турибди.

Савия эътибори билан ягона бўлмаган бундай мулоқотлардаги пасту баланд гапларни “шунчаки муаллифларнинг шахсий мулоҳазалари-да” дея бепарво бўлмаслигимиз лозим. Оммавий ахборот воситаларининг тўрттинчи ҳокимият сифатидаги ролини ҳам унумаслигимиз керак. Унинг ҳокимлик қудрати шундаки, ўкувчиларда умумий фикрни шакллантиради.

Нусратулло ЖУМАХЎЖА



Абдували ЭШҚОБИЛОВ

Му
Мушиҳада
Мушиҳада Мушиҳада
Мушиҳада



ҲИКОЯНГИЗНИ ЎҚИБ

ёхуд Зулфия Қуролбой қизига очиқ хат...

Зулфия опа! “Аёл” номли ҳикоянгиз менга жуда маъқул бўлди. Кўпдан бўён бунчалик завқланиб ва таъсирланиб ўзбек тилида насрий асар ўқимаган эдим.

“Аёл” неоромантизм усулида яратилган. Эҳтимол кимdir бу фикрга кўшилмас, бироқ асарда чиндан реализмдан кўра кўпроқ романтизм руҳи устунлик қилади. Зеро, бош қаҳрамоннинг ҳаётда шундай бўлиши мумкинлиги эҳтимолидан кўра, муаллиф уни шу тахлит ҳаракат қилишини кўпроқ хоҳлайди. Бу эса романтизмнинг биринчи алломатидир. Айнан муаллифнинг тасвirlанаётган воқеликка бўлган муносабати унинг бадий методини аниқлашда асосий қалитдир... Оғир хаста, умрининг сўнгги кунлари, соатларини яшаётган Назокат бу ҳаётни АЁЛ сифатида тарқ этишини истайди, яъни у умрининг сўнгги дамларида, ўта “хунуклашган” онларда дастлаб ҳамиширадан эри Шавкатни олдига киргизмасликни сўрайди, кейин сўнгги пулларини унга тутқазиб бунга эришади ҳам, охирида эса, врачдан оёқлари ва бутун аъзои баданини шишириб келаётган суюқликни олиб ташлашни илтимос қилади. Танланган мавзуга бундай қизиқарли тус берилиши асарнинг бадий-эстетик қийматини белгилайди. Аёл – Назокат қандай йўл билан мақсадга эришади? Айнан шу бадий йўл – сю-

жет динамикаси, дикқатимизни тортди ва муаллифнинг катта истеъдод соҳиби эканлигига эътиборимизни қаратди. Зеро, асар мавзуси янгилиги ва унда маҳорат билан қўлланилган деталлар, мотивлар бир талай, ўзгача; ифода услубидан юксак нозиктаъб дид ва бадиий-эстетик лаёқат уфуриб туради...

Шу ўринда ижодкорларнинг бадий эстетикаси ҳамда улар дунёқарашининг фалсафий негизлари мавзуси, айниқса, замонавий ижодкорлар тўғрисида гапирилганда, адабиётшунослигимизда тадқик этилмай қолаётганлигини таъкидлаш зарур. Бадий эстетик позицияси мавхум ёки жамиятимизнинг маънавий манфаатларига зид қараш соҳиблари, замонасозликни касб қилиб олган қаламкашлар, яратган асарларининг қиймати ҳам, баҳоси ҳам, уларнинг бадий эстетик позициялари нуқтаи назаридан баҳолангандагина холис бўлади. Акс ҳолда бадий дурдона ва элигон асар, адабий-бадий ҳодиса ва графоман маҳсулни ўртасидаги фарқлар англашилмай қолади.

Ҳикоя мавзуси бир қарашда аёл ёки аёллик латофати деб талқин этилиши мумкин, бироқ матнни бир неча марта эътибор билан мutoала қилсангиз мавзуси анчайин кенгроқ эканлигини, у шунчаки ўлим гендерлигининг бадий талқини бўлибгина қолмасдан, балки кенг маънода ҳаёт ва ўлим мавзусидаги асар эканлигига ишонасиз. Бу эса асарнинг поэтик қамрови кенглигидан, матн семантик майдонини ҳосил қилувчи, қувватлантирувчи унсурлари анчагина ва асосли эканлигидан далолат беради. Албаттa, бу ўринда ўлим ҳам “аёл ва эркак ўлимимга” бўлинадими, дея савол берувчи, примитив тафаккур эгалари пайдо бўлиши аниқ. Аммо зукко ўкувчи гап санъат асаридаги ўлим ҳақидалигини тушуниб туребди (Фарб адабиётида “ўлим эстетикаси” амалиётчиларини, Эдгар Понинг “Эшерлар хонадони таназзули” асарини эсланг!). Бу маънода ўлим ҳам “хилларга” бўлиниар экан. Буни, яъни “аёлларча ўлим мавзусини” ўзбек ҳикоячилигига сиз биринчи бўлиб (агар адашмаётган бўлсам албатта) янги мавзу сифатида бадий истеъмолга киритдингиз, Зулфия опа. Демак, сиз миллий адабиётимизга ўзига хос муносиб ҳисса кўшдингиз.

Кузатишимиизча, сўнгги йилларда ўзбек адабиётшунослигига тайритабиий, илмий жиҳатдан консерватив бир анъана пайдо бўлиб қолгандек. Ҳолбуки, фольклоримиздан бошлаб, ҳар бир мумтоз ёки замонавий адабиётимиз намунаси поэтик-структур ва бошқача таҳлилларга муҳтоҷ. Минг афсуслар бўлсинки, кўплаб илмий асарларда қайта ва қайта таъкидланган бу ва бу каби нисбатан янги таҳлил методлари амалда қўлланилмасдан қолмоқда. Зеро, тилшунослик ва

Абдували
ЭШҚОБИЛОВ



(Эшқобил Вали) 1965 йилда Пастдарғом туманида туғилган. Самарқанд Даёлат университетида таҳсил олган. Ҳозирда СамдЧТИ ректори маслаҳатчиси.

Унинг «Пахса қишлоғум», «Минг иккинчи кечা», «Суқунат мулки» каби китоблари чоп этилган.

адабиётшунослик борасида замбуруғдек урчиб кетган монография ва диссертацияларда замонавий адабий жараён, жонли тилимиз ҳосиласи ва ижтимоий ҳодиса эканлигига қарамасдан унинг намуналари тадқиқотларга кенг жалб этилмасдан қолмоқда (Аммо бу алоҳида мавзу). Оммавий ахборот воситаларида танқидий-аналитик мақолалар деярлик кўзга кўринмайди. Бунинг сабаблари нимада? Назаримизда, филологик таълим билан машғул олий ўкув юртларининг мутасаддилари таълим сифати, рейтинг кўрсаткичлари ва бошқалар ортидан қувиб, соҳанинг асосий вазифаси бўлган сўз санъати ва унинг замонавий намуналарини илғор илмий методлар асосида таҳлил қила билувчи, бадиий сўзнинг халқ ва жамият учун нақадар аҳамияти улкан эканлигини тарғиб эта олувчи мутахассисларни тайёрлаш заруратини унтишгандек кўринади. Алалхусус, эндилиқда ёшларнинг идеали-кумирлари талантли сўз санъаткорлари эмас, қўшиқчилар, енгил-елпи кино усталари бўлса, эҳтимол.

Бугунги кун талаби чет тилларни билган, замонавий билим ва методикалар билан куролланган илм аҳлининг сўз санъати ҳодисаларини оддий китобхонга чиройли ва мухтасар изоҳлаб, унинг маънавий мулкка айланишига ҳисса қўшиш эмасми? Таассуфки, такрор айтамиз, бу вазифа бир оз унтилгандек. Зеро, бир ижодкор сифатида қатор нашрларга мурожаат этганингизда адабий идрок амалда ўта саёзлигини, бадиий фикр тўмтоқлигини, аксарият ҳолларда, турли даражадаги муҳаррирларнинг замонабоплик, шунингдек, ўткинчи иқтисодий муаммолар ва мансабпастлик исканжаси таъсирида, ижодкордан оддий девонхона қоровули даражасидаги хаттот-котибга айланиб қолаётганинги, уларни янги шакл ҳам, янгича мазмун ҳам қизиқтирмаслигини, буни англашдан шахсан манфаатдор эмасликларини кузатиш мумкин. Ҳолбуки кўпинча уларни саводсизлиқда айблаб ҳам бўлмайди – гап дид, дунёқараш, қолаверса, савия ҳақида: улар шунчаки консерватив турмуш, таъбир жоиз бўлса, тинчгина иш тарзини-да маъкул кўрадилар; бу эса, очишини айтиш керакки, замонавий бадиий ижод, янгича бадиий тафаккур кушандалигининг ўзгинасидир. Шундан йиллар мобайнида адабиёт оламида улкан ҳодиса бўладиган бадиий ва танқидий асарлар кўзга ташланмаётган бўлса эҳтимол?! Ёш китобхонлар ўтасида кенг оммалашиб кетаётган Азамат Қоржовов, Саломат Вафо, Нуриддин Исмоилов каби замонавий биллетристика лидерлари феноменинг асл моҳияти, Бобур Бобомурод, Аҳад Қаюм ва бошқа қўшиқчи-шоирлар новаторлиги, борингки, ҳатто Улуғбек Ҳамдамдек замонавий йирик адабнинг кенг бадиий олами ҳам тақриз ва талқинларга мұхтож, назаримизда.

“Аёл” ҳикоясининг композициясида икки мотив мухим бадиий-эстетик ва функционал-композицион вазифа бажаради: булар, биринчиси, қўёш мотиви бўлса, иккинчиси узук мотивидир. Аслида бу икки мотив-деталь бир-бира ни тўлдириб келади. Ҳикоя экспозицияси “Деразалари оппоқ хона. Дераза ойнасидан тўкилаётган нур аёлнинг юзида жилва қилади, ва... бармоқларида узукнинг олмос кўзчаларида акс этди” каби жумлалардан бошланиб, унинг ҳаёти ҳали интиҳо топмаганлигини, ҳали аёл “кўзларини юмиб, қўёш нурларини симириши” ва “Сени қанчалик яхши кўраман, қўёш!...” деб олиши каби ҳолатларни кузатамиз. Қўёш эса гўё бунга жавобан “нурларини мўл-кўл тўқди. Аёл офтоб нурларига буткул ғарқ бўлди...”

Бу ерда муаллиф сўзни асар мавзуси ва бадиий мантиғига мос равишда маҳорат билан ишлатилиши-

га эътиборингизни қаратмоқчииз. Зеро, аёлнинг хоккорлигини, беминнатлиги-ю бетамалигини күшдан ўзга нимага ҳам менгаш мумкин. Қуёш нури поклик, ёруғлик тимсоли, биз ҳам унинг тасвиридан завқ ола бошлаймиз. Сизнинг мақсадингиз ҳам, Зулфия опа, назаримда, тимсол ва унинг инъикоси ўртасидаги узвийликни тасвирлашдан иборат бўлган. Мободо сиз юқорида келтирилган экспозицион тасвир билан чекланганингизда ҳикоянгиз, эҳтимол, нисбатан ўртамиёнарқ бадиий асар бўлиб қоларди. Ҳамма гап шундаки, сиз бу экспозиция билан чекланмайсиз ва гўё оддий нарсадек узук мотивини олдинроқ киритасиз: “Дераза ойнасидан тўкилаётган оппоқ нур узукнинг олмос кўзчаларида акс этди. Аёл кўзларини очди. Шуъла энди унинг қораҷиқларида аксланди.” Айтингандек, ушбу тасвирдан бошланган асар тезиси айнан финал-ечимда унинг антитетаси билан якун топади. Бироқ ечим тўғрисида фикр юритишдан олдин асар матнининг энергетик майдонини кенгайтириб юборган сюжет динамикасидаги қуёш мотивининг қўлланишига яна бир карра этибор қаратамиз. Юқорида келтирилган экспозицияда офтоб бадиий қаҳрамоннинг АЁЛЛИГИдан, яъни унинг моҳиятан улуғворлигидан дарак берувчи қиёс, тимсол сифатида тасвирланса, адабиётнинг мумтоз назариясига мувофиқ матнинг кейинги тадрижида қуёш-табиат қаҳрамоннинг ҳолатига, табиатига уйғун ҳолатда тус олади, ўзгариб туради ва охир оқибатда характер очилишига ва ғоя ифодасига хизмат қилади. Масалан, Назокатнинг эри билан бўлган ўтган қисқа диалогида “ўлим” сўзи тилга олиниди: “... Мен ўладиган одамга ўхшайманни қаранг ... Аёл юришдан тўхтади. Ҳаво совуган, осмонда увада булувлар кезинар, қуёш хирагина нур сочар, қорнинг ҳиди келарди”. Шу тарзда қуёш мотиви асар тузилишида сюжет шакллантирувчи унсурга айлана боради. Финалда эса, ҳақиқий, юксак бадиятли асарга хос тарзда изоҳ ва баёнларнинг ўрнини эгаллаб, якуний бадиий тугал мантиқли хулосани ясайди.

Шу ўринда таъкидлаш жоизки, аёл ҳикоясининг композициясида ранг – колористика алоҳида ўрин эгаллайди. Колористиканинг бадиий-функционал роли бадиий матн поэтикасида бўртиб турибди. Ранглар асосан оқ, оқнинг турли даражадаги кўринишлари ва қора ранглардан иборат. Агар ҳикояда қўлланилган лексик бирликлар семантик жиҳатдан С.Соловъёвнинг статистик методи асосида ўрганиб чиқилса, фикримиз янада ишончлироқ далилланади...

Мұхтарама Зулфия опа, бадиий адабиётнинг вазифаси, назаримда, бизни маънавият ва маданиятнинг юксак чўққиларида олиб чиқишдан иборат; биз шунда ўзимиз кечираётган бугунги ҳаётимизни юқоридан кузатиш ва баҳолаш имкониятига эга бўламиз. Каминани устозларим шундай деб ўқитишган. Демак, айнан бадиий адабиёт яратиб берадиган юксалиш имконияти ижтимоий ҳаётни тараққиётга, юксалишга бошлайди. Бу эса сўз санъати дурданаларининг инсон ва жамият ҳаётидага ўта мухим омиллардан эканлигининг исботидир. Шу сабабли ҳам биз сўз санъаткорлари ҳамда бу санъат намуналарига энг ноёб ва қадрли мулк сифатида холис ҳамда эҳтиром билан муносабатда бўлмоғимиз шарт. Ушбу очиқ хатни ёзишдан мақсадим, дилбар ҳикоянгиз баҳонасида шуларни яна бир бора сидқидил таъкидлашдан иборат эди. Ижодингизга баркамоллик тилайман.



Нази Нази



ОНА

Она билан гўзалдир ҳаёт,
Баҳор кетмас бошимиздан ҳеч.
Она билан тилларда баёт,
Дилимизда қувонч эрта-кеч.

У кулганда кулади олам,
Етти жсаннат пойида ётар.
Хизматида туролсанг ҳар дам,
Иймон қушинг бўлгай бехатар.

ЎЗБЕГИМ ҚИЗЛАРИ

Юзида қуёш кулар,
Изларидан гул ўнар.
Кўлида минг бир ҳунар
Ўзбегим ой қизлари,
Зулфия издоишлари.

Эгнида атлас, адрас
Кўрганлар қилар ҳавас.
Эзгулик-ла ҳамнафас,
Ўзбегим ой қизлари,
Зулфия издоишлари.

* * *

Қизгалдоқлар қип-қизил гилам,
Далаларда тўшалиб ётар.
Мен ҳозирман уни термоқقا,
Бироқ дилга бир андуҳ ботар.

Ростин айтсам қизгалдоқ бўлиб,
Севгим ошкор этмоқчи эдим.
Гулдек бўлиб, тушингга кириб,
Висолингга етмоқчи эдим.

Адиба АРИПОВА



1996 йилда Қўшработ туманида туғилган. Ҳозирда шу тумандаги Саноат ва сервис касб-хунар коллежи ўқувчиси.

КЕТМАДИНГИЗ

Унутшига қанча-қанча аҳд қилгандим,
Ўз-ўзимча сизсизликни баҳт билгандим.
Гурур отлиг кемани мен таҳт қилгандим,
Кетмадингиз, юрагимдан кетмадингиз.

Магрурликни енгар экан пок муҳаббат,
Ўз юрагинг қилмас экан сенга шафқат,
Чин севигига бошим эгдим бугун фақат...
Кетмадингиз, юрагимдан кетмадингиз.

Жон тасаддуқ шикдан берган жабрингизга,
Минг синалиб бир синмаган сабрингизга.
Бир ўжар қиз етди мана қадрингизга,
Кетмадингиз, юрагимдан кетмадингиз.

* * *

Тұхматлар жонингдан ўтса гар чида,
Ғанимлар тошларин отсалар чида.
Дўстман деб сирингни сотсалар чида
Аламларинг ичга ютиб яшагин,
Яхши күнларингни кутиб яшагин.

Мартабанг борида қучоқ очсалар,
Бошингга иш түниса нари қочсалар,
Гоҳида илондек заҳрин сочсалар,
Нокас дўстдан ўироқ кетиб яшагин,
Тангримдан илтифот кутиб яшагин.

Меҳрингни қизганма ҳар ожиз дилдан,
Савоб шиллар қилгин гар келса қўлдан.
Магар ким бўлсанг ҳам чиқмагин элдан,
Элга содиқ фарзанд бўлиб яшагин,
Озод юрт бағрида яйраб яшагин.

Зумрад МАШАРИПОВА



1990 йилда Янгибозор туманида туғилган. Ҳозирда Урганч Давлат университети талабаси.



Етнография
Етнография

Турсунбой АДАШБОЕВ

БОШДАН ЎТГАН ҲАНГОМА

ТУЛПОР КАРТМОНГА СИФМАЙДИ...

Икки минг ўнинчى йилнинг Наврўзида Қозогистонга қилган сафаримиз ўзбек ва қозоқ халқларининг дўслик байрамига айланиб кетди. Таникли адиб, атоқли таржимон Носир ака Фозиловнинг 80 ёшга тўлиши муносабати билан ташкил этилган тадбир қадим Туркистон шаҳридаги театрда бўлиб ўтди. Кенг жамоатчилик, қозоқ адиблари, ватандошлари устознинг ҳурматини жойига кўйиши.

Шаҳар ҳокими сўзининг охирида ташқаридаги қайроғочга боғланган эгар-жабдуқли тулпор Носир акани кутиб турганлигига шама қилди. Юбияр ўз навбатида шаҳар аҳлига миннатдорчилик билдириб, ҳокимга қўйидаги қочирмани қилди.

– Иним, иззат-хурмат учун қуллук. Омадингни берсин. Саксон ёшга чиқсан оғангни ташқаридаги тулпор олиб қочса, табиб излашингга тўғри келади. Қолмишига таможния деган идоралар ҳам бор. Гапнинг индаллоси, тулпоринг картмонга сиғмади...

Ҳоким ҳам анойилардан эмасди. Носир аканинг тагдор гапларидан тўғри хулоса чиқарди...

**“МАРҲУМ” БОШДА ДЎППИ,
ЭГНИДА МИСРИШ ТҮН БИЛАН ТУРАРДИ...**

1989 йилнинг куз ойлари эди. Таникли болалар шоири Обид Расулнинг “Оппоқ тонг қўшиқлари” номли қўллэзмаси босмахонада навбат кутарди. Кутимаганда Обид аканинг вафоти билан боғлиқ соvuқ хабарни эшидик. Марҳумнинг босмахонадаги китобини зудлик билан тезлаштириш ва унинг ҳисоб-китоби билан боғлиқ вазифалар тегишли кишиларга топширилди.

Ёзувчилар ўюшмасининг ўша пайтлардаги котиби Тоҳир Маликнинг хизмат машинасида Анвар Обиджон ва камина Обид аканинг оиласидан кўнгил сўраш ниятида Самарқанд дарвоза томонга қараб жўнадик. Обид Расулнинг Янгийўл туманида истиқомат қилиши хаёлимдан ўтган бўлишига қарамай, ўз ишига пухта акамизнинг шаҳарда ҳам уйи

бўлса керак, деган мuloҳаза билан сукут сақлаб бордик. Ҳайдовчи машинани халта кўчалардан бирига буриб тўхтатди. Йўлнинг икки тарафида таъзияга келган кишилар саф тортган. Қаторда Алибек Рустамов, Матёкуб Кўшчонов, Озод Шарафиддинов, Азиз Қаюмов каби устозларимиз. Дарвозанинг ўнг тарафида “марҳум” Обид Расул бошида қалампир нусха дўлпи, эгнида мисриш түн билан маъюсигина бўлиб турарди. Шайтонга ҳай бериб, кулгидан ўзимизни аранг тийиб, сафга қўшилдик. Оҳиста суриштирсан, Обид аканинг амакиси фурқатшунос олим Ҳолид Расул домла қазо қилган эканлар...

Ҳар гал Обид акани кўрганимизда ўша ҳангомани эслаб устозга тансиҳатлик тилардик. Бу орада у кишининг китоби босилиб, қалам ҳақини олиб, бизга дастурхон ҳам ёздилар. Кичкинтойларимизнинг катта шоири Обид Расулга амакиларидан кейин яна ўн бир йил яшаш насиб этди.

**“УКАМИЗ САРИҚ-СУРУҚ
НАРСАЛАРНИ ЕМАСИН!..”**

Боболаримиз “Киши балога қолурми ўз ихтиёри билан” деб бекорга айтишмаган. Марҳум бир адабининг бошига ташвишли кунлар тушган пайтлар эди. Суддагилар ишни енгиллатиш ниятида оқсоқол адаблар номидан илтимоснома ёзилса, деган мазмунда маслаҳат беради. Қадрдонларимиздан бири олиб борган хатга устоз Носир Фозилов суриштириб ўтирай имзо чекади. Эрка укаларидан бўлганим учун оқшом менга қўнғироқ қилиб:

– Турсунбой, бу укамиз ўзи нима иш қилади? – деб сўраб қолди.

Масала ноёб металлар билан боғлиқ бўлгани учун тафсилотини айтиб ўтирай, ҳазил-хузул билан тушунтиromoқчи бўлиб:

– Дўстимиз сарик-сурук ишлар билан шуғулланган экан, – дедим.

Ҳозиржавоб Носир ака:

– Укамизга айтинглар, бундан-буён сарук-сурук нарсаларни емасин.

“УБЕЙ, ЗАКОННЫЙ”

1980 йилнинг куз ойлари. Республика ахборот агентлигининг масъул ходими Н.Х. хоним каминага қўнгироқ қилиб, “Чўлпон” нашриёти йилнинг навбатдаги чорагида қайси номдаги китобларни босмадан чиқарғанлиги бўйича ахборот беришмни сўради. Нашр этилган асарларни номма-ном айтдим. Бирок, русча тарбияланган синглимизга битта тўпламнинг муаллифини тушуниришим анча қийин кечди. Бу машхур форс-тожик шоири Убай Законийнинг “Мушук билан Сичқон қиссаси” эди. Мен “Убай Законий” дейман, синглими эса ҳеч вақога тушунмай, “Ким у, Убей, Законный” деб қайта-қайта сўрайди. Иложим қолмагач, шу китобдан бир нусхани Худо раҳмат қилгур шоир укам Ҳамза Имомбердиев орқали ўша хонимга етказдик.

ЯМОҚ КЎЙЛАК

Иккинчи жаҳон урушидан кейинги оғир йиллар. Ямоқ уст-бошларни кийиш айб саналмасди. Етимчилик, овуллимиздаги ўзига тўқ хонадонларда мардикорчилик қиласди. Қишлоқ Советининг коғиби Эшонхон аканинг уйида ўн минг дона гувала қўйдим. Икки ҳафталик меҳнат ҳақимга ақчанинг ўрнига пошнаси емирилган кирза этик, куя еган тулки телпак, ёқа ва енглари гуллли, аммо ямоқли украинча кўйлак берди. Иложим қанча?

Қандайдир байрам муносабати билан мактабимизда тантана ташкил қилинди. Юқори синф ўкувчилари Ёнғор тоғига сайдга отланиши. Бизлар футбол ўйнадик. Ўтин териб, ўчоқ кавлаб ошпазларга кўмаклашдик. Кун исигач, нимдош караминка касюмни ечиб қайрағочга илдим. Синфдош қизлар украинча кўйлагимнинг ёқа ва енгларидаги гулларни томоша қила бошлишди... Тўсатдан яринимдаги чит ямоқ хаёлимдан ўтди. Аста ортимга тисарилдим. Гап нимада эканлигини билган қизлар кулиб юборишиди.

УВОЛ БЎЛГАН “АЯСТОН”

Миртемир домла “Манас” эпосини ўзбек тилига ўгириш масаласида ҳозирги Бишкек шаҳрига келиб “Тиёншон” қўналғасига жойлашди. “Иссиккўл илҳомлари” туркумига кирган шеърлари ўзбек тилида нашр этиладиган “Қирғизистон ҳақиқати” газетасининг шанба сонида босилиб чиққанди. Ўша куни қирғиз оқинлари Туманбой Бойзоқов билан Совранбой Жусаев устозни йўқлаб меҳмонхонага келишиди. Уларга хизмат қилиш менинг зиммамга

юкланди. Миртемир домла совутгичдан “Аястон” шаробини олиб, – очинг, – деб каминага узатди. Меҳмонларнинг салобати босиб уни холироқ ваннахонада очмоқчи бўлдим. Пўрак зич ёпилгани учун чалавзаримнинг пармаси ишқал қилди, шиша бўғзидан синди. Уни унитазнинг ортига яшириб тўртинчи қаватдаги буфетга ошиқдим. Ҳолатимни тушунган уддабурон буфетчи “Аястон”нинг пўкагини абжирлик билан очиб қўлимга тутқазди. Хонага имижимида кириб идишни графиннинг ёнига қўйдим. Устоз арман шаробини бакалларга қуйиш учун кўзойнакни тақиб шишага назар солди ва менга зимдан боқиб, мийиғида кулиб қўйди... Изтиробдан бўғриқиб-бўртиб оҳиста “Аястон” ёзувининг бағрига буфетнинг сафсар сиёҳдаги тамғаси босилганига кўзим тушди...

ТИЛАК ЖЎРАНИНГ ВАЛЛОМАТЛИГИ

Халқимизда “Кўчкор бўлар кўзининг пешонаси дўнг бўлар, оға бўлар йигитнинг пешонаси кенг бўлар” деган доно нақл бор. 1988 йилнинг июн ойида Хоразмнинг Бофот қишлоғидаги ўрта мактабнинг юқори синф ўкувчиси Пўлат Бахтиёровдан номимга бир дафтар шеър келди. Шеърларни ўқиб, ҳайратимни яширолмай Ҳамза Имомбердиевга бердим. Кейинроқ Анвар Обиджон билан Мұхаммад Раҳмонлар ҳам танишиб чиқишиди. Бу шеърларнинг муаллифи ўнинчи синф ўкувчиси эканлигига ишонгимиз келмади. Дўстларимизнинг маслаҳати билан Пўлатбекдан яна янги машқларидан жўнатишини сўраб хат ёздим. Бу гал укамизнинг ўрнига унинг отаси Бахтиёржондан мактуб олдик. Маълум бўлишича, Пўлатбек харбий хизматта жўнаб кетган экан. Уч ойдан сўнг шоир укамиз Ҳабаровскада ҳарбий хизматни ўтаётганилиги аниқланди.

Бу орада унинг машқлари “Гулхан”, “Ғунча” журналларида босилиб турди. Ҳамза Имомбердиевнинг ташаббуси билан аскар инимизга китоблар жўнатдик. Пўлатбек ҳарбий хизматни тугатгач, унга Миллий университетимизнинг журналистика факультетига ўқишга киришни маслаҳат бердик. 1993 йилнинг ёз ойларида нашриётга дилбар инсон, талантли шоир ва олим Тилак Жўра кириб келди. Қувончининг чегараси йўқ. Бофотлик инимиздан Тилаквой имтиҳон олган экан, унинг билими барча фанлардан аълога баҳоланибди. Тилак Жўра шогирдимизнинг ютуғидан қувониб, бизни ўз ҳисобидан меҳмон қилгани келибди. Мана сизга холис ижодкорнинг валломатлиги. Тилақоннинг охирати обод бўлсин. Ўша баҳти ижодкор кичкинтоиларнинг топқири шоири Эрпўлат Баҳт эди.